


451

Lmy
965

Page 57-57

288

12013



~~№ 315~~ № 321

Յ. ՏԷՐ-ԳՐԻԳՈՐԵԱՆ

288

Վ Ե Պ Ի Ր

2082

Թ Ի Ֆ Լ Ի Ս.

Տպարան Յովհաննէս Մարտիրոսեանցի.

1879


2101

Յ Ա Ռ Ա Ջ Ա Բ Ա Ն

Մի քանի բարեկամներս խորհուրդ տուին
ինձ վէպիկներս, որոնք «Մշակի» մէջ զանազան
ժամանակներ տպւած են եղել, առանձին գրք-
քոյկով հրատարակել: Այդ խորհուրդին հետեւե-
լով հրատարակում եմ վէպիկներս առանց որ և
է փոփոխութեան, նոյնութեամբ, ինչպէս տպւած
են եղել «Մշակի» մէջ: Աշխատութիւնս խորին
յարգանքով նուիրում եմ պ. Գ. Արծրունուն:

Յ. Տէր-Գրիգորեան

Дозвол. Цензурою 30 Ноября 1879 года.



151

965-2013

7.8.960

Типография И. Мартirosianца на Орбе-
лиановской улицѣ д. № 5



Թեամբ լսում էր իւր ընկերութեան և երևում էր, որ նա կամենում է համաձայնել նրա հետ, բայց կամ վախենում էր կամ աւելի լաւ էր համարում մխիթարել նորան:

— Աստուծ գիղենայ, Նինօ ջան, սիրազ դայմացրու ու զարուլ կաց քու բաղդին:

— Դու ինձ համա մի դարդ անի, Սօնա ջան, իմ բանն էն վուխտը խարաբ էլաւ, վուր ինձ էն գիժ Կարօի վրա նշնեցին:

— Ինչ է ասում քն, խալխը կու իմանայ, նշանածիդ կու իմաց անին, մէ մատը միդը կու դառնաս սաղ քաղքումը:

— Հայ գիղի հն, մէ վուխտ կեր իս էի քիզ խրատում, հիմի դուն իս իմ գլխին աւետրան կարգում. ամա չիմ կանա չէ. Աստուծ գիղենայ էստի է հասի, ասում էր Նինօն, ձեռքը բողազին տանելով և աչքերից արտասուք թափելով: Ի՞նչ էր ուզում ինձմէն իմ դեղէն, ի՞նչ էի իս նրան գէթ անում, ինձ համա տանը ննդած էի, մէ թիքա հաց էի չորլամիչ բլում, էն էլ իմ մատի պողոճնցով էի աշխատում: Ել մարթ չը մնաց, վուր մէջ չը գցեցի, առջեւը չոքած աղանչաք էի անում, ամա նա իրն արաւ ու ինձ նշնեց:

— Ախար վուր չիմ իմանում, թէ ի՞նչի չես հաւնում քու նշանածիդ: Իմ Վասօի արիւր գիղենայ, Նինօ ջան, վուր լաւ աղայ է, ասում էր Սօնէն մխիթարելով իր ընկերութեան, էն օրն էլ Ուսնիփէրը, նրանց հարեանը, իմ պարպիղի հիւզ խօսում էր դուր ու իս ախօշկեմէն անգամ էի գնում. անրա ջիբեմէն, ասում է, իր օրումը փուլը չի պակսի կօսէ, Շուլաւէր մօդ վից բաղի երես ունէ վիկալած, կօսէ զուրթ է քիչ չար է, ասում է, ամա մէ պակասութիւն ո՞վ չունէ, կօսէ:» Համ էլ, Նինօ ջան, իս գիղիս վուր հիմի վերջն կինսօն հարուր երկու հարուր թուման քրթամ է ուզում, էնէնց էլ բաժինք, նա խօմ խիխձը քիզ անփուղ, անբաժինք ուզից, քու սիրունութենի խաթիր:

— Այ վուչ էր էլի էս սիրունութիւնը, վուր իմ քամբախտացնողը սա էլաւ, էրնէկ իս իմ դէղի փուրումը ջուր էի կտրվի ու աշխարք չէի տեսի, ասաց Նինօն և արտասուքները հեղեղի պէս թափվեցան նորա զեղեցիկ սև աչքերից:

Սօնան բարի սիրտ ունէր և մի և նոյն օր մանակ սաստիկ սիրում էր իր Նինօին, որտեղ Նինօն էր, էնտեղ էլ Սօնան, Սօնան իր սրտի

բորբ խորհուրդները յայտնում էր Նինո-
ին. մէկ խօսքով նոքա միասին ուրախա-
նում էին և միասին տիրում, միասին ծիծա-
ղում ու միասին լաց լինում: Եւ հիմա սրանցից
մէկը տեսնելով միւսի արտասուքները, չը կարո-
ղացաւ իրան պահել և ինքն էլ լաց եղաւ:
Նոքա գրկեցին միմեանց և այնպէս լուռ արտա-
սուքներ էին թափում: Բաւական երկար տևում
էր այս կենդանի տեսարանը, վերջապէս Սօնան
զսպեց իրան և առաջներ խօսեց:

Հալբաթ, Նինօ ջան, դուն օմքնու սի-
րում ես, վուր էտէնց զլուխդ մահու իս տալի:
Թէ վուր էա թափուր բան կայ ի՞նչն ինձ չիս
ասում: Գանա իս էլ էն Սօնէն չիմ, վուրիմէն
դուն վունչեչ չէիր թաքցնում: Մինք մէտի մին-
ձացիլ ինք, միր դարդն էլ կէս է էլի, ուրախու-
թիւնն էլ. գանա մէ օր էնթաուր օր պէտք է
էկիլ էր, վուր դուն ինձմէն իքմին էիր թաքցրի.
ասում էր Սօնան փաղաքշական և սիրտը թա-
փանցող ձայնով:

Խորամանկ աղջիկը չը սխալվեց, նրա ուղիղ
զգած նետը հասաւ իր նպատակին: Նինօն

խոստովանեցաւ, որ սիրում է Գրիգորեանցի որ-
դի Նիկօլին:

— Այ քուանամ իս, էա ի՞նչ իս ասում,
Նինօ ջան: Նշնիլ էին քիզ, չէին նշնի՛ նա իօ
քիզ վունց գուզէր ու վունց գուզէ, նրա համա
հօրէն չուրս հինգ հարուր թուման քրթամ
է գնում:

— Իս էլ գիցիմ էա, իս էլ էա իմ իմ գլուխը
վայ տալի. ի՞նչ անիմ, վուր սիրում իմ նրան:
Նխար վուր ջուրը ննգսիմ, իս նրան չիմ կա-
նացի իմ սրտէն հանի. վուրդի գնում իմ նա է
իմ առջիւր կանգնած, նրա վրա վուր փէքր իմ
անում սիրտս պատուովում է, էլ վունց գիշերն
ունիմ հանգիստ, վունց ցերեկը. իս վուր նրան
տեսնում իմ, նա վուր ինձ մտիկ է տալի իր
սիւ մինձ աչկիրով վուտնիրս դողումին, կռնիրս
թլանում ին, սիրտս գնում է ու էն վուխտը
վուր նա ինձ ասէ թէ արի քիզ ջուրը գցիմ,
արի սպանիմ քիզ, արի քիզ խիխտիմ, իս նրան
ուար չիմ կանա ասի. ի՞նչ անիմ, Սօնա ջան,
վունց վայտամ իմ գլուխը: Ինչի էին ինձ
նշնում, թող տանը ննգած էի էլի, դուրթ է
նա ինձ չէր ուզի, ամա էնդով էլէ կու հանէի

սրտիս փխցուկը վուր թէ իմ սիրածը չը տարաւ ինձ, ոչովին էլի չիմ պատկանում:

— Ղուրթ իս ասում Նինօ ջան, ամա հիմի էլ ի՞նչ կանաս օտկի, հազար գուղէ լաց ըլես, հազար գուղէ զլուսոյ սպանիս, վունչէ չես շինի: Ուփրօ լաւ է Նիկօլին մտէտ գցիս, հանիս սրտէմէդ:

— Չէ, չէ էտ մի ասի, էտ ըլելու բան չէ, ո՛ւմը սրտէս հանիմ, ո՛ւմը մտէս գցիմ, ի՞նչ իս ասում: Իմ ապրեցնողը նա է, նրանով իմ իս շունչ քաշում, նրա փէքըն է, վուր զիմնում իմ իս էս օրին, իս կա՛նամ նրան իմ սրտէն հանի: Չէ էտ չիմ կանա անի: Իս գուցիմ Միկիտին, չարա չը կայ, ամա իմ ուղածը Նիկօլը կուլի, իս կու պսակվեմ Միկիտի հիդ, ամա ինձ վրա պսակվողը Նիկօլը կուլի, իմ փքրումը Նիկօլը կուլի իմ մարթը, ինձ հիդ խօսողը ու ինձ սիրողը, հալբաթ իմ ճակտին էլ էս էր գրած:

Սօնէն մնաց շուարած. երբէք նա չէր տեսել իր ընկերուհուն այսպիսի դրութեան մէջ: Նինօի ողևորած երեսը, նրա վառվռուն աչքերը, նրա քաղցր, բայց ազդու ձայնը այնպիսի ապաւորութիւն ունեցան Սօնի վրա, որ

այս վերջինը աւելի լաւ համարեց յետ ձգել իր պատասխանը:

II

Նիկօլը Նինօի և Սօնի տանտիրոջ պ. Համբարձում Գրփողեանցի որդին էր: Թիֆլիսի կլասիկական գիմնազիայում կուրսը աւարտելուց յետոյ, Նիկօլը գնաց Պետերբուրգ, ոչ այնքան իր ուսումը շարունակելու (Նիկօլը Թիֆլիս էլ չէր սիրում սովորել), ինչքան այն մտքով, որ իր ընկերները գնում են, ուրեմն ինքն էլ պէտք է գնայ:

Պետերբուրգ նա չը կարողացաւ քննութիւն տալ, բայց այս հանգամանքը նրան չը վաղովեց: Նիկօլը Պետերբուրգ ծանօթացաւ Քերզի Թատրօնի դերասանուհիներէից մէկի հետ, թողեց նրա մօտ իր հօրից ստացած երեք հազար մանէթը և յետ դարձաւ Թիֆլիս: Այստեղ նա նոր նկատեց Նինօի գեղեցկութիւնը: Նիկօլը տեսաւ, որ այդ աղջիկը այլ ևս այն երեխան չէր, որի հետ սովորել էր խաղալ և որի մագերը շատ անգամ քաշքշել էր: Նինօի սև աչք և յօնքը, նրա գեղեցիկ պատկերը, նրա բարակ մէջքը գրաւեցին Նիկօլի բոլոր ուշադրութիւնը: „ՕՏՕ-

ИТЬ ЕЮ ПОЗАНЯТЬСЯ“ ասաց նա և այս օրից էլ հանդիստ չէր տալիս Նինօին: Թէ ինչպէս տարաւ նա իր գործը, թէ ինչպէս կարողացաւ գրաւել Նինօի սիրտը, այդ երկար պատմելու բան է, այսքանը կասեմ միայն, որ մէկ գեղեցիկ երեկոյ, Նիկօլը յայտնեց Նինօին իր սէրը և մի և նոյն ժամանակը աւելացրեց, որ Նիկօլի պապինկէն չի թողնի նրան Նինօի հետ պսակվելու: Նինօն էլ չը հարցրեց թէ ի՞նչ պէտք է դուրս դայ ուրեմն նրանց սէրից, չասաց թէ աւելի լաւ է հիմիկուց բաժանվիլ և նա այս բանը չէր կարող անել, որովհետեւ նա սիրում էր և սաստիկ սիրում էր Նիկօլին: Աչքերը խփած, առանց երկար դատելու Նինօն ընկաւ Նիկօլի գիրկը, անձնատուր եղաւ նրան: Բայց զարմանալի բան, Նիկօլը բաւականացաւ Նինօի պլատօնական սիրով:

—Пока и это достаточно, ասում էր նա:

III

Կիրակի օր է, երեկոտեան տասն և մէկ ժամը: Վանքի եկեղեցին լուսաւորված է: Կանանց դասի առաջ, շրջապատված երկու կողմից ժողո-

վրդով կանգնած են երկու տղամարդ և նոցա մէջ տեղը մէկ երիտասարդ աղջիկ: Աղջկայ ձախ կողմը կանգնածը հարված սե կաբայ, մախտի ռանդը ախալուխ, լայն շառաւար, մօտ երեսուն և երկու տարեկան մարդ է. նրա արեւից այրված երեսը ցոյց էր տալիս, որ նա շատ օրեր է անցկացրել բաց երկնքի տակը: Այս մարդը շիրաջի Միկիտան էր:

Շիրաջի Միկիտի կրպակը գտնվում էր Հաւլաբար, բայց նա այնտեղ շատ քիչ էր մնում, գրեթէ բոլոր ժամանակը նստած ձիու վրա, նա գնում էր երբեմն Կախէթ, երբեմն Թէլաւ, երբեմն Շուլաւէր, կամ Թիֆլիս գինիք ուղարկելու, կամ բաղերի երես առնելու:

Մէկ անգամ, երբ շիրաջի Միկիտը դառնում էր Շուլաւէրից, նա սովորաբար գնաց Թէլէթ սուրբ Գէորգի առաջ մոմ վաւելու: Այստեղ նա առաջին անգամ տեսաւ Նինօին և շատ հաւանեց: Փոքր հարց ու փորձ անելուց յետոյ նա իմացաւ, որ խարազ Նագօրի աղջիկն էր: Երբ Միկիտը եկաւ Թիֆլիս, նա պատմեց իր մօրը, որ մէկ աղջիկ է տեսել և շատ հաւանել և եթէ Միկիտը այդ աղջկան չուզէր, էլ իբր օրումը կին չէր առնի: Միկիտի մայրը գիտէր

իր որդու բնութիւնը, որ նա մէկ բան ասաց անպատճառ կը կատարի, նա շուտով մարդ մէջ գցեց և որովհետև Նինօի ծնողները համաձայնութիւն տուին, նշնեց իր տղին:

Նինօն արդէն սիրում էր Նիկօլին, նա շատ աղաչեց իր մօրը, որ իրան մարդու չը տան, շատ արտասուքներ թափեց, բայց ինչպէս տեսնում էք նա կանգնած է եկեղեցում Միկիտի կողքին:

Միւս մարդը Միկիտի ընկեր և նրա խաչ եղբայրն է:

Սկսեցին շարականը և պսակվողները կամաց կամաց գնացին բեմի առաջը:

— Քա Սօփիօ մէ մտիկ թէ նորահարսի ռանգ ու ռունգը վճնեց է գնացի, աչքերն էլ արտասուէքով լքցվիլ է, ասում էր կանանցից մէկը: Հէնց գիդենաս պսակելու մագիէր, զասարխանէն ըլին տանում:

— Հա քա ջան, էն օրը Փէփէն էլ էր ասում: Բինչ նշնիլ ին, ասում է, Նինօի աչքը չէ ցամքի» կօսէ:

— Իս ուփրօ փիս բան իմացայ, ասումին միթամ իրանց տանտիրուչ տղին է էլի սիրում:

— Զէ, չէ մէ գիւս է էլի:

— Հօրէն, հօրէն, նա էլ մօզ գնաց բեմի առջիւր մում վառելու:

— Քա Նինօն էլ կարմրեցաւ, ինչկի հիմի զիփ գեգնին էր մտիկ անում, հեմի Նիկօլիմէն աչքը չէ հեռացնում, հէնց գիդենաս ուզում է վրա ննդնի ու փաթթվի:

Աղջկերքը ճամարիտն էին ասում, Նիկօլը վառեց բեմի առաջը մում և պսակվողներից քիչ հեռու կանգնեց, այս բոպէից Նինօն էլ իր աչքը չէր հեռացնում Նիկօլից: Լսեց արդեօք Նինօն թէ ի՞նչպէս քահանան հարցրուց երեք անգամ նրա համաձայնութիւնը, գիտէր արդեօք թէ ինչ պատասխանեց քահանային, իմացաւ արդեօք թէ ինչպէս կատարեցին պսակի խորհուրդը: Ոչ Նինօն նայում էր Նիկօլին, մտածում էր Նիկօլի վրա, խօսում էր Նիկօլի հետ, մէկ խօսքով բոլոր նրա գոյութիւնը կենտրոնացել էր միայն Նիկօլի մէջ:

Գրեթէ ուշաթափ նա գուրս գնաց եկեղեցուց, գրեթէ ուշաթափ նրան տարան Հաւլաբար Միկիտի տունը, գրեթէ ուշաթափ նա անցկացրուց բոլոր գիշերը:

— Խնամի ջան, ի՞նչէ հարսս ջգրած, հարցնում էր Միկիտի մայրը Նինօի մօրից:

— Էրեխայ է խնամի, խամութին է անում, համ էլ ինձմէն բաժանվելը հէնց գիգիս հիշտ է գրա համա:

— Բաս գիփ տանը քի մօդ խօ չէր նստի:

— Արի ու ասա, ամա ասում իմ էրեխա է, պատասխանեց Նինօի մայրը:

Մէկ ամիա Միկիտը մնաց քաղաքումը, բայց եկաւ խաղողը քամելու ժամանակը և նա գնաց Կախէթ:

IV

Գրեթէ կէս գեշեր էր: Խորին լուսթիւնը արեւ էր Թիֆլէսի վրա: Սուրբ Մինաս եկեղեցու մօտ կանգնած էր մէկ Փայետօն, միւս քուշումը մէկ երիտասարդ եւրօպական հագուստով անց ու դարձ էր անում և շուտ շուտ իր խորամանկ աչքերը դարձնում էր դէպի Միկիտի տան քուշի դուռը: Թամանակ առ ժամանակ սա իր քթի տակը փնթփնթում էր. «էս օր խիստ ուշացաւ, կամաց կամաց վունց որ տեսնում իմ իս բեղրում իմ, քիչ էլ կու մնամ, թէ չի դուս գայ, կհհամ» այս ասելուց յետոյ նա մօտեցաւ, զրան ծակից նայեց և շուտով հեռացաւ, հէնց նա ուզեց թեքել իր ճանա-

պարհը դէպի միւս փողոցը, սուրբ Մինասի կողմը, Միկիտի տան քուշի դուռը բացվեց և երեւաց մէկ կանացի դուռէս: Երիտասարդը յետ դարձաւ և գնաց դէպի աղջիկը:

— Նիկօլ ջան դուն իս:

— Իս իմ, Նինօ ջան, մէ սհաթ է մնում իմ քիզ, հէնց դեղէի չիս դուս գայ, էս է ուղում էի գնայ:

— Ախ Նիկօլ ջան. իմ միղ չէ, իս քեզ էդքան չի ման ածի դուսը. ամա պտուաւը էս է հիմի քնից, մնամ վուր նա իմքին մաշուր է անում:

— Ի՞նչ դուն էլ բան ասիր, էդքան սատանութին վուր ունենայ, խօ իր համա էլ լաւ է:

— Չէ Նիկօլ, խօ գիգիս ինչ Միկիտը գնացիլ է էլ դնջութին չէր տալի, էս իրիք օր է հիգս էլ չէ կուում ու դիշիրնիրը ուշ է քնում: Էս օր վուր ճաշի վրա նստած էինք մէքաշ ասում է մէ շաքթվա էգնէն Միկիտը գուքայ, ասում է: Խժում թէ ունգ ու ունգդ ի՞նչի գնաց, էստի հալքաթ մէ բան կայ, սասց Նինօն շփոթված:

— Ինչ իս տուտուցութին անում, դուն վուր գիփ էտու վրա իս փեքր անում, հէնց գիգիս

Թէ ուրիշներն էլ զիգին. դուն օղոնդ ուրախ կաց, մարթոզ վուր գայ հիդը քաղցր խօսի, սաաթ ու բէսաաթ լաց մի ըլն, իժում Թէ-դուզ ձեռս կու կարիմ, Թէ օքմին իքմին իմանայ, ասու՛մ էր Նիկօլը համբուրելով Նինօին:

— Աւ իս ասում, Նիկօլ ջան, ամա իս էտունք չիմ կանա անի, էլն սկեսրիս հիդ վունչիչ, ամա մարթս վուր ձէն է տալն, վուր փաթըթվում է, հէնց գիգիմ դժուխքումը էրվում իմ ձիմի դուրթի վուր նա շուտ գայ, ի՛նչ պիտի անիմ իս էնչախը, վունց պիտի խօսիմ նրա հիդ, վունց պիտի նրա էրէսին մտիկ անիմ: Նա վուր ինձ հիդ խօսի, հէնց կու գիգենամ այ հօրէս, կօսէ, Թէ չիս ամանչում, նա վուր մէկ քաղցր խօսք ասէ ինձ, հէնց կու գիգենամ շուբերով ին ինձ ծակծկում. էրնէկ չարանում ըլն էլէ վրէս, էրնէկ ծեծում ըլի էլէ, ամա իս ջէր նրամէն մէ չոր չիմ իմացի, ջէր նրա բերնմէն չէ դուս էկի առաջ իս նստած հիդ նստի: Ախ դէգի, ինչ էի արի իս քիզ, վուր էս օրը գցեցիր ինձ, ասաց Նինօն լաց ըլելով:

— Գրիգիս ինչ է, Նինօ, էս մէ շարաթ է քանի գալիս իմ, դուն գանգավում իս ու լաց

իս ըլում, Թէ էսէնց պիտի անիս ասա, իս էլ չիմ գայ...

— Ձէ չէ, Նիկօլ ջան, էտ մի ասի, իս էլ չիմ լաց ըլն, չիմ գանգավի, դիփ կու ճիծաղիմ, ողօնդ դուն ինձմէն ձեռը չը վիկալիս, նամուսէմէս ձեռը վիկալայ, խղճմտանքս Թաղեցի, կինքս էլ քիզ չարի փուխ ըլն, ողօնդ ինձ սիրէ, դիփ սիրէ, առաջ վայ պէս, վունց որ իմ աղջիկ վուխտն էիր սիրում, ետ Թէ չէ վիկալ ու ինձ սպանէ, առանց քիզ իս չիմ ուզում ապրի:

— Աւ է լա. հանաք էի անում... ամա էստի օքմին չը տեսնէ միզ, ասաց Նիկօլը:

— Հա դուրթ իս ասում, արի գնանք տուն: Նորա մտան և մոռացան դուռը փակել:

V

Այս ժամանակը կազարմի առաջ անց էր կենում մէկ ձիաւոր: Նա ունէր հազին սև շալի շուխայ և շալաւար. չիթ ախալուխ, որի վրա կապած քամարից քաշ էր արած խանջալը, Թամբի ետեւից կապած է խուրջինը, իսկ առաջից ետփնջի: Նրա քրտնած ձիուց երևում էր, որ այս մարդը բաւական երկար ճանապարհ է անցկացել, նա շուտ շուտ խօսում էր իր ձիու հետ..

— Ետլա եօրդա ջան, ասում էր նա մորակը

բարձրացնելով և չը խփելով ձիուն, թաւելէդ մօ-
զիկ է, քիչ էլ է մնացի, էնդի կու դնջանաս, Նի-
նօն իր ձեռով ննդրած ցարի կու բերէ քի հա-
մո, ուրախ իս գանձ, ձեռն էլ կու քսէ քիզ,
ի՞նչիս անկրճ՝ Նիրդ սրում, հա սօ լթթի, իս
կօսիմ վուր պաչ էլ անի քիզ, գուզիս:

Այս ասելու ժամանակ Միկիտը (ձիաւօրը
նա էր) մօտեցաւ իրանց թաղին, ձին զգալով
ախորի մօտիկութիւնը խրինջաց:

— Գուզիս, շարունակեց ծիծաղելով Միկիտը,
հայ սօ պաժարնի, թուրմէ կնգաս վրա աչքն
իս ունեցի, չը փախցնիս ու մաղբուն չանիս,
իժում միտկը չիմ... վա՛հ:

Չին կանգնեց. Միկիտը նայեց քուչի դուռը
բաց է: Գուզ չըլ էկի, ասեց նա ձեռքը խան-
ջալին տանելով: Կամոց կամոց Միկիտը մտաւ
բազր: Նա տեսաւ իրանց քնելու սենեակի կողքին
գտնված սենեակում մում է վառած, մօտեցաւ,
նայեց պատուհանից և ինչպէս կայծակնահար
մնաց անշարժ իր տեղը. սենեակի մէջ Նիկօլը
և Նինօն միմեանց գրկած նստած էին տախտի
վրա:

Մէկ քանի րօպէ Միկիտը մնաց կանգնած
անշարժ իբրև արձան, վերջապէս նա վեր-

թռաւ կատարած արիւծի նման և մտաւ սե-
նեակը թուանքը ձեռքին: Նինօն տեսնելով Մի-
կիտին խոյն ուշաթափեց, Նիկօլը ուզում էր
բղաւի բօտկեցէք. բայց չը կարողացաւ ձայն
հանել, նա վեր ընկաւ տախտից և չոքեց Մի-
կիտի առաջը, այս վերջինը գցեց Նիկօլի վե-
րա արհամարհական հայեացք, և մէկ կողմը
գրեց թուանքը, որը պատրաստել էր Նիկօլին
սպանելու:

— Վիկաց, վիկաց էդ կապկտրածին ու կո-
րէք հստղանցէն, տար Աստուած բարի վայե-
լումը տայ. ասաց Միկիտը իրան զսպելով:

Նիկօլը անշարժ կանգնած էր: Նա չըդիտէր
թէ ինչ անէ, ուր տանէ այդ ուշաթափ աղջիկը:
Միկիտը հասկացաւ նորա միտքը:

— Վիկաց էս սհաթիս, գոռաց նա ձեռք
խանջալին տանելով, թէ չէ փաշուէքդ վերածի-
վերածի:

Միկիտը վերցրեց Նինօին մազերից և Նի-
կօլի շընքին աալով՝ դուրս ձքեց երկուսին քու-
չէն և փակեց դուռը:

Միւս առաւօտը Միկիտի մայրը գաաւ իւր
որդուն քուչի դրան ետեր ուշաթափ:

965-2013
451



ՓՈՒՂԻ ԲԱԶԱՐ

Ինչ հարկաւոր է քեզ որդի, քո որդին փողն է, փողի համար ես աղօթք անում, փողը շինել ես քո Աստուածը:

(Ելե մէկ զոհ, վերջին գործ.)

I

Լաւ է, հերիք է, Միհրդատ, լացով էլ վունչեչ չես օտկի, իմ բանը պրծաւ, անգամ դի իմ վերջին խնդիրքին:

— Էտէնց մի խօսի, Կէկէլ ջան, ումիկս մի կտրի, դուն չես մեռնի չէ, սուտ ին ասում հեքիմնիրը, ասաց գոռալով Միհրդատը:

— Ինչ գուզէ ասին հեքիմնիրը, իս ինքս զգում իմ, վուր պիտի մեռնիմ, մի լաց ըլն ու վերջին խնդիրքս լէ: Դուն լաւ զիզիս ինչ թաւուր կնիկ իմ էլն քիզ համա, էս տասը տարի է վունց իմ հիգդ լուծ քաշի ու ինչ օր էլ վուր քաշիլ իմ քու ձեռին էն էլ Աստծուն է յայտնի. հիմի քիչ էլ պիտի ապրիմ իս, խոստացի, վուր իմ վիրջի կամբը կու կատարիս:

— Սիրտդ պահէ, Կէկէլ ջան, Աստուծ օղորմած է, լաւ կուլիս, ասաց Միհրդատը լաց լինելով:

Հիւանդը անհամբերութիւն ցոյց տուեց: — Կուլե վուր լանամ էլ, ասաց նա, ամա ասածս իմ լաւանայուն չէ դաշլա անում: Էս աշխրքի հիդ բաժնվիլը դժար չէ ինձ համա, մէնակ մէ զանձ իմ թողնում էստի ու էն էլ զիզիմ, լաւ օմքնու իմ պահ տայի միր վուրթիքը, Միհրդատ, դուն նրանցն ու քունն Աստուծ, Ախ, Միհրդատ, լաւ պահէ նրանցը ու իս ամէն սահաթ իմ գերեզմանումը աղօթք կօնիմ քի համա: Դուն ջէր պառաւ չիս, համ էլ առանց տանտիկնի տուն չիս կանա պահի, ամա իմ երէխանցը մտեդ չը գցիս: Դս չիմ ասում քիզ, վուր դուն կնիկ չուզիս, էտ չե ըլի, ամա, վուր փիքը իմ անում, թէ կուլե իմ վուրթիկը անց դէդի փուլը նրանցը զքնէ, իմ Մաշօի սիրուն աչքերեմէն արտսունք թափիլ տայ, հազար գամ մեռնելեմէս վաթար օրն իմ նընդնում, օրթում կի իմ մեռնելու սահաթով, վուր դուն նրանց համա համ հէր կուլիս համ մէր. օրթում կի, վուր դուն ոչովին չիս թողնի, վուր նրանց զէհին զիփչի... Մի մխիթարի ինձ, Միհրդատ, շարունակեց հիւանդը, տեսնելով, որ իր ամուսինը կամենում է պատասխան տալ իս քու խօսքին իմ մնում, քու ազնիւ խօսքին,

վուր դուն միր վուրթկերանցը մուղախթ կու
կենաս:

— Երգվում իմ, Կէկէլ, երգվում իմ քու վեր-
ջի օրերով, վուր քու տիպը բանիմ ու իմ բոլոր
կեանքը միր վուրթկերանց մինձացնելուն նուերիմ:
Չէ, Կէկէլ ջան, դուն ինձ չիս ճանչնում, էն
տի՛ պիտի ըլի վուր ինձ մօզ կանենայ քու տի-
ղը բանի, ասաց Միհրդատը ընկնելով հիւանդի
անկողնակալի վրա:

Կէկէլը թոյլ ձեռքերով հեռացրեց նրան:

— Կնա մէ մաշօին ղողէ էտի, իժում մէ-
կէլ էրէխերանցն էլ կու տեսնիմ:

Միհրդատը դուրս գնաց սենեակից, երկար
նայում էր Կէկէլը նրա յետևից, նրա աչքերը
լցվեցաւ արտասունքով, յետոյ նա շնջաց.
«Ճէր Աստուծ, դուն ըլիս դրա բարի միտք տը-
ւողը, վուր դա կանենայ իր խօսքը կատարի»:

II

Այսպէս խօսում էին երկու ամուսիններ,
Միհրդատը և Կէկէլը, որը գունաթափ և թոյլ,
պառկած անկողնակալի վրա կտակում էր իր
վերջին կամքը Միհրդատին: Փոխանակ այս ան-
ցքը շարունակելու, մէկ հայեացք ձգենք Կէկէլի
անցեալի վրա:

Երբ արհնց հարսը, առաջ Թապիբինց աղջիկ
Կէկէլը հարուստ ծնողաց զաւակ էր, որոնք
սաստիկ սիրում էին նրան, որովհետև նա իր
ծնողաց սիրոյ առաջին պտուղն էր, շատ գե-
ղեցիկ և բնութիւնից ունէր սիրող և բարի
սիրտ: Ծնողները երբէք չէին կարող անբաւա-
կան լինել իրանց այլզկանից, որը երբէք չարու-
թիւն չէր անում և երբ հասաւ այն տարիքնե-
րին, որ նա կարող էր ուսում ստանալ, միշտ
լաւ էր պատրաստում իր դասերը: Կէկէլի սեւ,
երկար թերթերունքներով շրջապատված աչ-
քերը, նրա բաց ձախտը, միշտ տրամուխեան
քօղով էին ծածկված և երբ մարդ նայում էր
այդ տխուր աչքերին մէկ անգամ բարեկամու-
թիւն էր զգում դէպի նա: Երևի այ ժամանակը
Կէկէլը միշտ հեռանում էր իր ընկերուհիներից և
քոյրերից՝ նա սաստիկ սիրում էր միայնակու-
թիւն և երբ մեծացաւ, այդ երևոյթը աւելի
կարելի էր նկատել նրա մէջ. նա միշտ դուրսն
էր մեր կանանց այն շրջանից, որոնց շատ սա-
ղում է ուսի ճշմարիտ սասած անունը՝ «безгра-
мотная дурь»:

Երբ Կէկէլը դառաւ ութը տարեկան, նրա
ծնողքը նորան սովորաբար չբառնին ծավրի պան-

սիօնը, կամ զաւերենիէն: Նոքա վարձեցին մէկ անպիտան վարժապետուհի: Թէ ինչպէս էր սովորում Կէկէլը միտարիս Ջօնի մօտ, այդ կարելի էր տեսնել նորանից, որ այս տիկինը միշտ սիրում և գովում էր նորան, իսկ միտարիս Ջօնը այն կանանց թուից չէր, որոնք առատ գովասանութիւններ են վատնում: Շուտ, ինչպէս երազ, անցաւ իննը տարին և Կէկէլը տասն և եօթը տարեկան, տերկու հազար թումանուր մարթու տալու աղջիկ էր: Մեր պարօն, բեխերը ոլորած Մարմարովներից շատերը ուրախ ուրախ, ժպտալով երեսին մանում էին Քասլերինց տուն, իրանց ձեռքը և սիրտը առաջարկելու Կէկէլէ Մարտիրոսովնէն, ինչպէս ասում էին նոքա, բայց դուրսը քաշ գցած յետ էին դառնում: Վերջապէս Կէկէլը ընտրեց Շրտրաինց Միհրդատին: Թէպէտ Կէկէլն ծնողները բաւական լուսաւորված էին, ընդունում էին իրանց տուն երիտասարդներին, բայց այնու ամենայնիւ նոքա չէին թոյլ տալ իրանց աղջկան աւելի մօտենալ նոցա, այնպէս որ Կէկէլը դրսից միայն ճանաչում էր Միհրդատին. սորա հետեւանքը այն էր որ Կէկէլը զղջաց իր ընտրութիւնը, բայց նա արդէն պսակված էր:

Միհրդատը առաջ ծառայում էր արքունի գատարաններից մէկում, իսկ յետոյ, երբ մոցրին դատաստանական ըէֆօրման, դարձաւ փաստաբան: Նա շատ բարի, ազնիւ և ազգասէր մարդ էր յիշվում, գոնէ այդպէս էին ճանաչում նորան թիֆլիսեցիքը, որոնք եթէ մէկ գործք օճենային պաշտպանելու գատաստանի առաջը, իսկոյն նորան էին յանձնում: Այդպէս էր ճանաչում նորան և Կէկէլը մինչև նոցա ամուսնութիւնը, բայց յետոյ նկատեց, որ սխալուել է: Նա տեսաւ, որ իր ամուսնոյ բարի դիմակի տակը ծածկված է եղել մէկ դարչելի մարդ սաստիկ շահասէր, կեղտոտ և ժլատ: Արդարև Միհրդատը, եթէ մէկ գործքն մէջ տեսնում էր իրան մէկ քանի ուրբի շահ, ամէն ճանապարհ պատրաստ էր գործ գնել այդ փողը ստանալու: Եթէ Միհրդատը բժիշկ լինէր և նորան առաջարկէին հազար ո., նա իր հիւանդին համարձակ կուղարկէր երանելի մարգերը առողջանալու համար: Փողը նա շինել էր կուռք, որին երկրպագութիւն էր տալիս, փողն համար նա ամէն բան կը զոհէր՝ նորա անունը, նորա պատիւը, նորա ընտանիքը նշանակութիւն չունէին, երբ մէջտեղը փող կար: Փողն համար

Նա աշխատում էր անուանի մարդ լինել, փողի համար նա ամուսնացաւ. Ալկէի հետ և փողին կը գոհէր իր կնոջը, եթէ հարկաւոր լինէր: Այս ամէնը իմացաւ Ալկէլը, նկատեց, որ իր ամուսինը չարժի իրան և այս միտքը աւելի դժուար էր, որովհետեւ նա իր կամքով ուզեց Միհրդատին, ինքը նորան ընտրեց:

Միհրդատը պսակվեց և վեց տարի ապրում էր իր աներոջ տանը, ասելով, որ լաւ տուն չէ կարողանում գտնել. այս միջոցին նորան պատահեցաւ լաւ տուն, որը պարաքի համար ծախվում էր գրեթէ ձրի. Միհրդատը առաւ այդ տունը և այն ժամանակը միայն մտածեց դուրս գնալ իր աներոջ տանից և այն էլ Ալկէլին շատ արջանքներից յետոյ: Այդ տունը շատ գեղեցիկ էր և գտնվում Թիֆլիսի ամենալաւ փողոցների վրա: Շատ խեղճ մարդ անցնելիս այդ տան առաջը, նախանձոտ հայտնեցներ էր գցում նորա վրա, բայց չը գիտէր թէ այդ գեղեցիկ խնձորի մէջ ինչպիսի ճիճուկար ծածկված, թէ այդ փայլուն շինուածքի տանտիկինը ինչպիսի վշտերով էր խեղդված: Շատ անգամ այդ դրսից փայլուն արկնոջը կարելի էր տեսնել միայնակ, ախուր նստած սե-

չէր ցոյց տալի, որ նկատում է իր ամուսնոյ կեղտոտութիւնը, ընդհակառակը նա ամէն միջոց գործ էր գնում Միհրդատի կամքը կատարելու և միշտ աշխատում էր, որ միւսները չը նկատեն թէ ինքը անբաղդ է. «ինձ ով ինչ կու օտկէ, վուր խալսին գանգառիմ, մէկ ննգիլ իմ էս օրը, պիտի զլուխ էլ դուս սանիմ», ասում էր նա միշտ: Բայց նա չէր կարող գլուխ դուս տանել, որովհետեւ անչափ հոգսերից և ցաւերից նորա մէջ երևում էին բարակացաւի նշաններ և հետզհետէ արմատանում, այս բանը ինքը ևս նկատում էր: Մաշօն, այսպէս էր Ալկէլին աղջկայ անունը, դառաւ երեք տարեկան, նա այլ ևս չէր տրտնջում:

Ինչքան Ալկէլը, բնութիւնից արդէն թողլ, նուազանում էր, այնքան Մաշօն գեղեցիկանում էր և փարթամանում: Ինչպիսի սիրու՛ Ալկէլը նա յում էր իր աղջկան, ինչպէս ուրախացաւ, երբ լսեց երեխայից առաջին մայր բառը, որը ամէն կնոջ համար երջանկութիւն է, Ինչպիսի հաւեհով նա առաւօտից մինչև երեկոյ սովորացնում էր երեխային մանգալ և հիմա, երբ Մաշօն հինգ տարեկան է, ինչ զուարճութիւն է գգում խեղճ մայրը, երբ նա, ենթարկված ե-

նեակի մէջ, շատ անգամ նորա շրթունքներից կարելի էր լսել յանդուգն խնդիրք, որ Ասար-ւաճ նրան շուտ մահ ուղարկէ: Կէկէլը հանդիստ չունէր. նա, ինչպէս աւագն մէջ անկված վարդ, կամաց կամաց չորանում էր. մէկ համադամանք փոխեց նրա դրուժիւնը:

III

Երեք տարի Կէկէլն ամուսնութիւնից յետոյ, նա դարձաւ մայր գեղեցիկ աղջկայ բոլորովին իրան նման: Այս բանը Կէկէլին յոյս տուեց: Նա ինքը կաթը տուեց նորան, ինքը մեծացրեց երեխային, նա չէր կարող իր միակ յոյսը յանձնել «նեանկա» և «կարմիլիցաներին», որոնց արհամարհում էր:

Վեց տարից յետոյ նա վեց ուրիշ որդկերանց մայր եղաւ: Կէկէլը կարողացաւ կերակրել իր կաթնով միայն Մաշօն, իր աղջկան, իսկ միւսների համար դայեակներ բռնվեցան, որովհետեւ ինքը թոյլ էր: Երեւակայեցէք ձեզ Կէկէլն զրուժիւնը, երբ նա մէկ անգամ տեսաւ իր ամուսնուն, համբուրելիս իր երկրորդ որդու ուս դայեակին և միթէ միայն այս էր, ոչ. սա ատմն էր այն կեղտոտութիւններից, որ Մի-հրդատը չէր ամաչում անել: Կէկէլը երբէք

րեխայի խորը և խելացի հայեացքին, սովորացնում է «չայր մեր» ասել. արան էլէ խղճայ Աստուծ, մի սպանի ինձ, իմ էղնէն ում ձեռը պիտի ննգնիս, ասում էր նա:

Այժմ Կէկէլը մահ չէր խնդրում, ընդհակառակը նա ուզում էր ապրի: Միայն լոկ միտքը, որ նա պէտք է բաժանվի իր աղջկանից, որ նորա ասիրելի Մաշօն, պէտք է Միհրդատի ձեռքը ընկնի, որ Միհրդատը ուրիշի հետ կը պսակվի, որովհետեւ նրան կը տան 20 կարելի է 30 հազար ու. փող և Մաշօն պէտք է ուրիշ կնոջ տայ մայր անունը, նորան յուսահատութեան անդունդն էր ձգում: Այժմ նա նախանձում էր մէկ կնոջ այնպիսի վիճակին, որը նրա համար գերեզման փորեց՝ և ո՞վ է խմանում, ինչպէս կը վարվեն իր աչքի լուսի հիդ, ինչ թաւուր ուսում կուտան: Հազար ու մէկ այսպիսի մտքեր ծնում էին խեղճ մօր գլխումը և նորա աչքերից առատ արտասուքներ թափել տալի:

Յայտնի է, որ եթէ մէկը որ և իցէ վեշտ ունէ և մի և նոյն ժամանակը սրտացաւ բարեկամ, այդպիսի բարեկամին իր հոգսը պատմելով, նա իր բեռը թեթեացնում է: Բայց

ուճմբ կարող էր պատմել Կէկէլը. երեխան նորան չէր հասկանայ, իսկ ճնողներին ասելը նորա ինքնասիրութիւնը չէր ներում՝ ճնողները ամեն հնարք գործ զրին նրան բաղդաւորացնելու համար: Կէկէլին նշանակված էր տանել խաչ, որի բարձրացնելը նորա ոյժերը չէին ներում և նա տանում էր լուռ առանց արտունջ, — մինչև կրնկներ այդ ծանր բեռան տակը:

Սրանից յետ նա երկու տարի հիւանդ էր, և նորան դեղ էր տալի մէկ էթանագին բժիշկ: Բայց երբ Կէկէլի հիւանդութիւնը սաստկացաւ, Միհրդատը ստիպված էր հրաւիրել և ուրիշ բժիշկներ. նոքա կազմեցին «consilium» և արւին մահուան վճիռ: Բժիշկների խորհուրդը հիւանդի զբոսի սենեակի մէջն էր. նա լսել էր նոցա դատակնիքը և ինքն էլ զգում էր, որ մահը մօտենում է իրան: Նա ցանկացաւ խօսել իր ամուսնու հետ, յանձնեց նորան իր որդիքը: Երբ նորա ամուսինը դուրս գնաց, Կէկէլը ցանկանալով նորան ոյժ իր խոստումը կատարելու, նուազ ընկաւ անկողնակալի վրա, ծածկեց աչքերը և սկսեց մտածել իր աղջկայ վրա:

«Գերիս կու մտէն պցէ Մաշօն իրան, գերիս

ուրիշն էնէնց կու սիրէ, վունցօր իրան էր սիրում թէ դարդ կօնէ ու կու մեռնի»:

IV

Հինգ րօպէ չանցաւ մի և նոյն դուռը, որ տեղէն դուրս գնաց Միհրդատը, բացվեց և սենեակը մտաւ փոքր աղջիկ, եօթը տարեկան: Երեխան բոլորովին նման էր Կէկէլին, այն զանազանութիւնը միայն կարելի էր նկատել նոցա մէջ, որ Մաշօի թշերը վարդի նման կարմիր էին, նորա խուճուճ մազերը կարգի սանրած, իսկ մայրը գունաթափ և հիւանդ էր: Մաշօն մտաւ սենեակը և անհամարձակ կանգնեց դրան ձուռ. պատուհանի կիսաբաց ստաւներին նուազ լոյս էր մտնում, մահուան լուծիւնը տիրել էր սենեակի մէջ, նորան խանգարում էր հիւանդի ծանր շնչառութիւնը: Երեխան մօտեցաւ անկողնակալին:

— Մամաշա, ասաց նա կամաց:

Կէկէլը աչքերը բաց արաւ:

— Պապէն զըգից, աւելացրեց Մաշօն, իբր թէ կամենալով իրան արգարացնել, որ համարձակվեցաւ իր մօր հանգիստը խանգարել:

— Լաւ առաւ, գենացուալէ, մօզիկ արի՛ նստի կրաւատիս վրա, ասաց հիւանդը:

Մաշօն նստեց: Կէկէլը վերցրեց նորա փոքր, գեղեցիկ ձեռքերը և երկար, տխուր հայեացք ձգեց նորա մանկական դէմքի վրա: Եւ ինչ չը կար այդ հայեացքի մէջ: Մայրը, քսան և եօթը տարեկան մայրը բաժանվում է իր անդրանիկ, իր սիրելի աղջկանից, բաժանվում է յաւիտեան... սէր, տրամուլթիւն, հեզութիւն, այս բոլորը կարելի էր կառդալ նրա արտասուած լից աչքերում:

Ինչ չէր տայ արդե՛օք խեղճ հիւանդը, եթէ կարողանար երկարացնել այս բուպէն: Աղջիկը աւելի մօտիկ կպաւ իր մօրը, կարծես նա զգում էր որ իրանից պէտք է խլեն իր ծնողը:

— Մաշօ ջան, ասաց վերջապէս Կէկէլը, իս գնում իմ, էնդուր կանչեցի քիզ, մնաս բարով:

— Ուր իս գնում, մամաշա, հարցրեց Մաշօն:

— Ուր... ասաց հիւանդը և նստեցաւ իր անկողնակալի վրա, իս գնում իմ միր Հօր մօդ, նա ինձ կանչում է:

— Իս էլ գուբամ, մամաշա:

— Չէ, Մաշօ ջան, քունը ջէր վուխտո չէ, դուն ջեր պիտի մինձանաս, պառուխ ու իժոււմ... իս աղանչաք կօնիմ, վուր նա քիզ ուշ կանչէ:

Չէ մամաշա, աղանչաք արա, վուր չուտ կանչէ, իս ուզում իմ քիզ մօդ ըլի:

— Իս դիմ քի մօդ կուլիմ, Մաշօ ջան, պատասխանեց Կէկէլը, դուն ինձ չես տեսնի, ամա իս քիզ դիմ կու տեսնիմ, իմ հոգին կէհայ միր Հօր մօդ, իժոււմ ինձ ժամը կու տանին՝ բաբուշկէն ու տեօտէն քիզ էլ կու բերին, իժոււմ ինձ ժամեմէն կու դուրս տանին ու էլ դուն ինձ չես տեսնի: Բաբուշկէն էլ կու լաց ըլի, տեօտէն էլ, պապէն էլ, ամա դուն մի լաց ըլի չիս լաց ըլի:

— Կու լաց ըլիմ, մամաշա, Աստուծ գիղենայ կու լաց ըլիմ, ասաց արտասուելով Մաշօն:

— Իտ լաւ չէ, չիս պիտի լաց ըլի, միխկ է գենացուալէ. իս ուզում իմ, վուր դուն չը լաց ըլիս:

— Կու լաց ըլիմ, մամաշա, ինձ էլ տար, իս էնդի խելօք կու կենամ. քու հօքուն մեռնիմ ինձ էլ տար, մամաշա, աղաչում էր Մաշօն:

— Չէ էդ չի ըլի... իս վուր գնամ, Մաշօ ջան, ինձ քու օրումը մոէտ չը գցիս. դիմ փիքը արա, վուր դուն մամաշա ունէիր, վուր նա գնաց Ասծու մօդ, վուր նա քիզ աշխլքի էրէսին ամեն բանեմէն շատ էր սիրում... ո՞վ

է քու մամաշէն, Մաշօ ջան:

— Դուն, մամաշա:

— Հա իս իմ, միտդ պահէ, վուր իս իմ քու մամաշէն ուրիշ ոչով. ու քիզ խիստ իմ սիրուած Հիմի «Հայր մեր» ասա:

— Հայր մեր, ինձ էլ տար մամաշի հիդ, ինձ էլ կանչէ, Աստուծ զիդենայ իս Քի մօդ խելօք կու կէնամ, աղաղակում էր Մաշօն, իր փոքր ձեռքերը բարձրացնելով և լաց լինելով:

Երկար ժամանակ նա չէր լսում իր մօր խօսքը, կրկնում էր, որ մեր Հայրը նրան էլ տանէ իր մամաշի հետ, վերջապէս Կէկէլը ստիպեց նրան «Հայր մեր» ասել:

— Մտէդ չը գցիս, Մաշօ ջան, ամէն առուտեան ու իրիզուն «Հայր մեր» ասա, կօսի՞ս:

— Կօսիմ, մամաշա:

— Հիմի գնա, ախարտերանցդ կանչէ ու պապին ասա, վուր բարուշկին ու տեօտին էլ բերէ, ասաց Կէկէլը և երբ երեխան գնում էր, մայրը յետ կանչեց նրան և կրկին հարցրեց ո՞վ է քու մամաշէն, Մաշօ ջան:

— Դունիս մամաշա, պատասխանեց նա, զարմանալով, որ եկու անգամ այս հարցը առաջարկեցին նորան:

— Հա, Մաշօ ջան, ի՛ս իմ քու մամաշէն, հիմի գնա, ասաց նա Մաշօին զրկելուց յետոյ:

Եռսով եկան հիւանդի սենեակը Միհրդատը, Կէկէլը մայրը և քոյրը, որոնք նրա խնդիրքով էին դուրս գնացել սենեակից և երեխաները: Կէկէլը խնդրեց որ պատուհանը բաց անեն և իր անկողնակալը մօտեցնեն նրան: Նորա խնդիրքը կատարեցին:

Ապրիլ ամիսն էր, արևը մայր էր մտնում: Փոքրիկ այգին, որ գտնվում էր Միհրդատի տան առաջը սկսել էր ծաղկել, նա նորից կեանք է ստանում, ծիծեռնակները մէկ քանիսը նստած, միւսները թռչելով երգում էին և ողջունում դարնան գայը, թիթեռները մէկ բոյսից միւսն էին թռչում:

Կէկէլը տեսաւ այս ամենը և իր երեսը դարձրուց դէպի սենեակում գտնվողները. նա ամենքին զրկեց և համբուրեց և Մաշօին իր անկողնակալի վրա նստեցրեց: Կրկին անգամ նայեց Կէկէլը դէպի այգին. այդպանը կանգնած բահը ձեռքին մշակում էր մէկ անկիւն: Կէկէլը զրկեց Մաշօին. նա մտածում էր՝ այս փոքրիկ այգու համար մարդ կայ, որ աշխատում

է մշակել նրան, արդեօք ով պէտք է մշակի իմ երեխայի մանուկ զգացմունքները:

Միւս օրը Կէկէլը հոգին աւանդեց, իր գըրկումն ունենալով Մաշօին:

V

Երեք օրից յետոյ Կէկէլին թաղում էին: Խեղճ Միհրդատ. ի՞նչ զրուծեան մէջն էր նա: Ինչպէս նորա փոքր աչքերը ուռել էին արտասուքներից, երեսի դոյնը գնացել, սերթուկը իր կտրած մազերով ծածկվել: Ինչպէս աշխատում էր եկեղեցումը կանգնած չը լաց լինել, բայց ժամանակ առժամանակ յանկարծ գոռում էր «Կէկէլ ջան», ի՞նչպիսի հերոսութեամբ նա համբերում էր: Բայց երբ աւետարանը խորանից դուրս բերին, նա գնաց համբուրեց, յետ դառնալու ժամանակը տեսաւ իր կնոջ դագաղը և ուշաթափվեց, նորան դուրս տարան եկեղեցուց: Մէկ քառորդ ժամ պ. Մ. բժշկավետը գործ էր դնում իր հոտ առնելու բուլը դեղերը, բայց նոքա չէին օգնում: «Աստուած բարի տայ ուստայ Կօմշօին», մինչև նա չը մօտեցաւ Միհրդատի ականջները չը քաշեց և նորա քթում սպիչկա չը վառեց, նա անզայ էր, բայց երբ ուշկի եկաւ այնպիսի հայացք

ձգեց խեղճ ուստայ Կօմշօի վրա որ նա ամիան ծակը հարուր թուփնով կառնէր...

Կարգը կատարեցին և ննջեցեալը դուրս էին տանում, ինչ սուգ և կոծ բարձրացրին Կէկէլի բարեկամները, Մաշօն, նա մանաւանդ Միհրդատը:

Նա գրկում էր հանգուցեալը, նորա խաչած ձեռքերը հեռացնում էր և համբուրում... Միհրդատը սկսեց հազալ, նորան հեռացրին գազաղից:

— Վայքի, վայքի, վայ քու կօկօք օրին Կէկել, վուր էտէնց չուստ խաւրեցաւ, ասաց Խօխօինց պառաւր:

— Էրնէկ գիշերնամ, ինչ իս ասում, բատօնօ, պատասխանեց Կիրակուսեկնց Օսանէն, քսանու ութ տարեկան որբուկին, նրան ի՞նչ նա մէգամ մեռաւ ու պրծաւ, վայ նրա մարթու միխկը, վուր անտէր ու անտիրտկան մնաց էս փուչ աշխրքումը:

Վ ուրփեւերութիւնը հիշտ չէ, աւելացրեց նա հոգոց քաշելով, էտ բանը ինձ հարցրու:

VI

Մէկ ամիս անց էր կացել Կէկէլի մահից յետ: Միհրդատը Կէկէլի հօրանց տանը խօսում էր նորա մօր հետ:

— Էհ, դէղի ջան, էտով էլ վունջեչ չի՛

գառնայ: Իս էլ շատ լաց էլայ, շատ գլուխս վայ տուի, շատ մաղերս գջլտեցի, ամա վուն- չեչը չօակից. Կէկէլը չը կենդանացա: Ելն ասի էրէխէրքս միսկ ին, նրանց խաթիր էլէ գլուխս պահելով անիմ: Սխ, Կէկէլ, էս օինն էլ էկար գլխիս էլն, ասում էր Միհրդատը հառա- չելով:

— Այ քու դէղին, Կէկէլ ջան, ասում էր Կէկէլն մայրը:

— «Իմ Մաշօին ուրիշի ձեռը չը գցիս», ասում էր ինձ մեռնելու առաջ Կէկէլը, բաս վունց ա- նիմ, հօրս ու մօրս հիգ կռված իմ, նրանց մօդ գնալ չի ըլն, ո՞ւր գնամ ու ո՞ւր կորչիմ: Քօծն ու բիջը խօ տունն ու ախոս գուղը թեկնով վիր գցեցին ու երէկէրանցս կոտորեցին, ասում էր Միհրդատը գանդատվելով:

— Ել ի՞նչ ասիլ դուզէ, վուրթի, քօծի ու բջի արով իմ գուշմանը չը ննգնի. անողլուշաղ մարթը դժար է, ասում էր Կէկէլն մայրը:

— Էա, դէղի դժար է, ամէն վուխս մարթ խօ տանը չի ըլն, մնում ին էրէխէրքը քօծե- րու արով ու նրանք էլ մէկ ձէն ին հանում թէ չէ «գորս դու պատուիրեցիր», սիլէն շխպեց- նում ին:

— Ուրիշ չարա չը կայ, պիտիս գուվերնանկա բռնիս, էրէխէրքդ միսկ ին, վուրթի:

— Է՛հ վունց կուշն, դէղի, ասում էր նեղա- նալով Միհրդատը, գուվերնանկէքը էրէխանցը խարաբ ին անում. համ էլ, դէղի ջան, թազա վուրփեվերի իմ, խօ կու ճանչնաս միր քաղիի խալխին, ո՞վ գիզէ ինչիբ մօդօնին:

— Այ թէ գուզ իմ իրկրուրդ վուրթու ռուս ձիձէն խօ կնգաս վուխան էլ միր տանն էր, ամա հիմի ի՞նչ ասիս ասում ին:

— Ի՛սս ի՞նչ պիտիս անի, վուրթի, հալցրեց Կէկէլն մայրը հառաչելով:

Ինչ պիտի անիմ, դէղի, էլն իմ չարէն դուն իս, եա դուն պիտի գաս միր տունն կենաս, եա իս ձիր տանը, էրէխէրքս միսկ ին, ասաց Մի- հրդատը:

— Իմ գալը չի ըլն, փեսայ ջան, էլն դուն պիտի գաս. իս իմ տունը չիմ կանա մօշլա անի:

Այն օրը երեկոյեան տասը մշակ Միհրդա- տի տան կայքը բերում էին Փասլիբինց տուն: Ինչ անիս Փասլիբինք «Փասլիբը ննգան»: Շա- րունակ երեք տարի այսօրից Միհրդատը կե- նում էր իր աներանց տանը և ինչքան շահվեց իր կացած տան քրէհն էր վերցնում և ձրի

ապրում էր, Կէկէլի մօրն էլ նա իւր երեխե-
րանց դայեակ էր շինել:

Մաշօն մեծանում էր և իր մայրը նրա
զլխից չէր դուրս գալի: Միշտ հեռու իր եղ-
բայրներից, նա նստած էր լինում մէկ անկիւնում
և մտածում էր: Նորա զլխից չէին դուրս գա-
լի իր մօր ասած խօսքերը. «Իս դիպի քի մօդ
կուլիս, դուն ինձ չիս տեսնի, ամա իս քիզ կու
տեսնիմ և նա երբեմն իր մայրը որ և իցէ
մութը անկիւնում կանգնած ժպտում էր, նա-
յերով Մաշօի վրա և ի՞նչպէս այս բօլէներում
Մաշօն ուրախ էր լինում, ի՞նչպէս նրա երեսը
ողևորվում էր. բայց շուտ երևոյթը փոխվում
էր և նա միտքն էր բերում իր մօրը, պառկած
մահուան մահճի վրա, միտքն էր բերում նո-
րա տխուր ժպիտը և երկու անգամ կրկնած
հարցը. «Ո՞վ է քու մամաշէն»: Այս խօսքերը
խորը թափանցել էին նորա մանկական սիր-
տը. . . բայց թողնենք Մաշօին և նկարագրենք
մէկ անձն, որ փոքր դեր չէ խաղում այս անցքի
մէջ:

VII

Նիլդըրըգօինց հարս Դարինկէն, բաւական
հարուստ որբուերի էր. նա ունէր մէկ պրօցէս

«Միրօլօի սուգում», որը եթէ իրան կողմը
վճռէին, նա կը ստանար երեսուն և հինգ հա-
զար ուրբուց աւել: Դարինկի հակառակ կողմը
իրանց գործը յանձնել էին Միհրդատին, որը
հաւատացնում էր, որ ինքը կը կը տանի, որով-
հետև այնպիսի թղթեր ունի իր ձեռքին, որի
գոյութիւնը Նիլդըրըգօինց հարսը չը գիտէր, եթէ
ոչ նա բողբոլիին չէր սկսի այդ գործքը: Այս
լուրը հասաւ Դարինկին և նա ցանկացաւ ծա-
նօթանալ Միհրդատի հետ: Նորա ցանկու-
թիւնը շուտով կատարվեցաւ. մէկ առաւօտ,
տասերկու ժամին, Միհրդատի Փայետօնը կան-
գնած էր Նիլդըրըգօինց հարսի պապեզդի մօտ:

Միհրդատը այնպիսի բարի էր, այնպէս քաղա-
քավարի, որ առաջին անգամից Դարինկէն չէր կա-
րող նորա հետ գործքի վրա խօսել, այդ պահան-
ջում էր քաղաքավարութիւնը: Երբ Միհրդատը
գնում էր քաղաքավարութիւնը: Երբ Միհրդատը
գնում էր, կրթեալ տանտիկինը խնդրեց նորա-
նից կրկնել իր այցելութիւնները: Ի հարկէ
Միհրդատը երջանկութիւն համարեց իրան հա-
մար լսել այդպիսի հրամանք, d'une belle
dame, ինչպէս Նիլդըրըգօինց հարսն էր:

Այս օրից Միհրդատը ամէն օր այցելու-
թիւն էր անում Գարինկին և ինչպիսի, ինչ-
պիսի խօսքեր չէր ասում խեղճ, անվորձ տիկ-
նոջը, ինչպէս նորա բարձր սկսած ճառը կա-
մաց կամաց հասնում էր քչփշօցին և ինչ
քաղցր խօսքեր էին, այսինքն կիսախօսքեր, ու-
րովհետև երբ մարդ քչփշում է միւսի հետ,
նա միայն խօսքերի սկիզբն է ասում, իսկ միւսի
երևակայութիւնը թամամեցնում է մնացա-
ծը՝ այնքան այդ ժամանակը նոցա հոգիքը մի-
մեանց համակրում են: Դուք, սիրելի կարգա-
ցող, մեղադրում էք որբեւորիններին, մանաւանդ
Գարինկին, ո՛հ մի անէք այդ բանը աղաչում
եմ: Հարկաւոր է ձեզ միայն մէկ հայացք ձգել
խեղճ Շիրլըբըրգօինց հարսի վրա, միայն տես-
նել թէ ինչպէս անմեղ տիկնոջ բերանի ջուրը
դնում է, թէ ինչպէս գլուխը ժաժ տալով և
քնքոյշ ժպիտով նա ասում է իր հետ խօսողին
«ինչ հանաքչի իք» և դուք իսկոյն կը փոխէք
ձեր վձիւրը, եթէ ոչ դուք անզգայ, անգութ
կը լինիք:

Վեց տարի, երևակայեցէք, ամբողջ վեց
տարի Գարինկէն որբեւոր էր, ամբողջ վեց
տարի նա այդպիսի խօսքեր չէ լսել և առաջ

էլ, թէպէտ իր ամուսինը սիրում էր Գարին-
կին, թէպէտ նա էլ մէկ քանի սիրոյ դաս էր
առել «Վօնժոււանից», բայց այնու ամե-
նայնիւ սիրոյ բառերը նորա շրթունքների վրա
այսպիսի քաղցր շնչին չունէին և մի և նոյն
ժամանակը նա այնքան անտանելի էր, որ այդ
քաղցր թօպէներում ասում էր. «էսօր մէ թօփ
ատլաս ծախեցի արշնումը մէ աբասի դագում,
եարսուն արշինս կօնէ վից մանէթ... զեղեցիկ
ուսս քօծը դավա է բերում:

— Համեցէք, ասում է Գարինկէն:

— Ենթահակալ իմ, չիմ ուզի, պատասխանում
է Միհրդատը:

— Ի՞նչի, հարցնում է որբեւորին:

— Ղալա խմելիս չիմ կանա ձիզ մտիկ տայ:

— Հիհի հիհի, հի, քնքոյշ ծիծաղում է Գա-
րինկէն և վերցնելով իր ահագին, կարմիր, նէժ-
նի ձեռքերով բաժակը, դնում էր Միհրդատի
առաջը:

Գրէթէ ամբողջ ամիս Միհրդատը շարու-
նակում էր այսպէս իր յարաբերութիւնները
Շիրլըբըրգօինց հարսի հետ, վերջապէս մէկ օր
նա առաջարկեց Գարինկին իր տան համաս-
տանափկութիւնը:

— Իս էնդուր իմ հիմնակետէդ ասում ձիգ, վուր մէ շարթուա էրնէն ձիր գուրծն է, ասում էր Միհրդատը, կուլն ձիր կուրը կտրին իժում կօսիք թէ՛ փուղի խաթիր ուղեցի ձիգ:

— Օ էտ ինչ իք ասում, Միհրդատ, իս աւատում իմ ձիր ազնուութենին ու գիգիմ, վուր փուղը ձիգ համա վունչիչ է, ասում էր քընքըութեամբ Նիլգըբըգօինց հարսը:

— Բաս իս ումիկ ունենամ, վուր դուք կու համաձայնէք:

— Համեցէք էս մատնիքը, ասաց Դարինկէն:

— Ամա, ինչկի գուրծը վերջունայ, միր նըշնուիրը ոչովուն չասիք. կուլն գուրծը դուք սանիք իժում կօսին վուր իս ղասիլի տանուլ տուի:

Ս էկ շարթից յետոյ Նիլգըբըգօինց հարսի գործն էր դատարանում: Միհրդատը գործքը տանուլ տուեց, Դարինկէն ստացաւ երեսուն և հինգ հազար ուրբի: Միհրդատի տանը կորել էին այն թղթերը, որոնցով նա անպատճառ գործը կը տանէր յօգուտ Դարինկի հակառակորդների և ցաւալին այն էր, որ ապելացիա չէր կարելն տալ, որովհետեւ երկու կողմը ևս խնդրել էին դատաւորից, որ նա գործը

վճուի հիմնակետով գրաժգանակի ղակօնի երեսուներորդ յօդուածի վրա:

VIII

Աման էր, երեկոյեան ութ ժամը, արևը մայր էր մտել: Կէկէլն մայրը նստած տախտի վրա նայում էր Մաշօի երեսին, որը իր գլուխը դրել էր մեծ մօր ծնգանը և աչքերը խիած, պառկած էր: Կէկէլն մայրը, նայելով Մաշօի երեսին մտաբերում էր իր հանգուցեալ աղջկան: Նա չէր կարողանում ջոկել Մաշօին Կէկէլեց այնքան նմանութիւն կար այս երկուսի մէջ, որոնց դէմքը, բնութիւնը և վարմունքները չէին զանազանվում: Բնչպէս շատ անգամ Կէկէլն էլ, երբ նոր սկսում էր մթնել և սենեակի մէջ մտն չը կար, գալիս էր իր մօր մօտ, նորա ծնգան վրա դնում էր իր գլուխը և սկսում էր մտածել, քանի անգամ սրտացաւ ձեռքերով նա վերցրել է իր շալը և ծածկել երեսային, որ ինչ է չը մրսի. բայց նա աչքերը բաց է արել և հեռացնելով շալը ասել է «քնած չիմ, դէղի»: Պառաւի երեւակայութիւնը տանում է նորան աւելն հեռու, նրանք դնացել են Օրթաճալա իրանց բաղը, Կէկէլը գնացել նստել է ծառի տակը և նայում է թէ ինչպէս ծտերը

մէկ ծառից միւսն են թռչում, ի՞նչպէս այս ճիւղի վրա իրանց բունի մօտ նստած թռչունքը երգում են, խկ միւսը թռչելով մօտենում է բնին, որից փոքր դուխերը բերանները բաց անելով, ընդունում են իւրեանց մօր բերած կերակուրը, հոգը փչում է և բոլոր տերևները սկսում են շարժվել, միմեանց քսվիլ և տալիս են մէկ ընտանի կօնցերտ. Աէկէլը վեր է կենում իր տեղից, մօտենում է ջրին և իր ուները նորա մէջն է դարսում: Արտասուքները սկսեցին վազել պատարի թշերի վրա. «Աէկէլ ջան, Աէկէլ», փնթփնթաց նա: Մաշօն աչքերը բաց արաւ, նա քնած չէր, նա էլ իր մօր վերա էր մտածում:

— Բարուշկա, ասաց նա, մամաշէն վուր մեռնում էր էրկու գամ ինձմէն ի՞նչի հարցրեց թէ ո՞վ է իմ մամաշէն:

— Գանա քնած չես գէնացուալէ, հարցրեց պառաւր:

— Չէ, բարուշկա, մամաշէ մեռնելու վրա էի փէքր անում. . . ի՞նչի հարցրեց հըա, բարուշկա:

— Էնդուր, Մաշօ ջան, վուր նա հէնց գիդէր թէ քու պապէն կնիկ գուգէ ու նա կուլի քու մամաշէն:

Երեխան կրկին սնդամ ծածկեց աչքերը և սկսեց մտածել: Պառաւր իր չորացած ձեռքը սկսեց քսել Մաշօի մազերին. «աս վուր չըլի ի՞նչ կուլի իմ հայը», մտածում էր նա:

— Իժում, բարուշկա, պապէն գուգէ կնի՞կ, հարցրեց Մաշօն փոքր ժամանակից յետոյ:

— Չիմ գիդի, գենացուալէ, կուլի, վուր ուգէ էլ պատասխանեց պառաւր. ի՞նչի վրա իս հարցնում:

— Իս ուրիշ մամաշա չիմ ուղի, բարուշկա: Իմ մամաշէն իս ամէն օր տեսնում իմ, ամէն օր ինձ հարցնում է. ո՞վ է քու մամաշէն, իս էր ասում իմ գուն իս ու իժում նա ասում է. «հա իս իմ, ուրիշ ոչով, իս քիզ խիստ իմ սիրում», այ հիմի էլ, վուր պառկած էի, իս նրան տեսայ. սպայնումը պառկած ինձ մօրիկ էր տալի ու. . .

Իրօք բացվեց և սենեակը մտաւ Միհրըրդատը, երեխան վեր կացաւ և մօտեցաւ նորան:

— Իարով Մաշօ ջան, ասաց նա հեռացնելով երեխային և մօտենալով իր զօնքին, բարիգուն, դէդի, աչկդ լուս, գիդիմ կու ուրախանաս, իս նշովեցայ Շիլլըրըրօինց հարսի վրա:

Պառաւր մնաց շուարված, քիչ էր մնում, որ թուլանար. նա դիդէր, որ իր փեսան մէկ օր կին պէտք է առնէ, բայց այս բօպէին չէր սպասում այդպիսի համբաւի:

— Ի՞նչ պատահեցաւ քիզ, դէդի, շարունակեց Միհրդատը, բէգամնդ կլամր:

— Չէ, վուրթի, ասաց նա, հազար գուգէ բէգամնդ ըլիմ, ի՞նչ կանամ շինի:

— Բաս մէ ասա էրէխերանցը հագցնին պիտի տանիմ, ճանանչեցնիմ իրանց թաղա մամաշի հիդ:

Մաշօն լուռ կանգնած էր մինչև հիմա, նա մօտեցաւ իր հօրը, վերցրեց նրա ձեռքը և իր աչքերը ցցեց Միհրդատի դէմքին:

— Պապա, ասաց նա աղաչելով, իս չիմ գայ, իս ուրիշ մամաշա չիմ ուզի, իս բարուշկի մօդ կու մնամ, պապա:

— Ինչի, Մաշօ, թաղա մամաշէն լաւն է, նա քիզ կանֆէտնիր կուտայ, ասաց Միհրդատը:

— Չիմ ուզի իս նրա կանֆէտնիրը, իս բարուշկի մօդ կուլիմ:

— Չի ըլի, դիմի իս բարուշկի մօդ չիս պիտի մնայ. հիմի կու տանիմ կու ճանանչեցնիմ, վուր իժոււմ դիմի նրա մօդ ըլիս:

— Իս չիմ գայ, պապա, չիմ ուզի նրա հիդ կենալը:

— Նու, շատ մի խօսի, գնա շուրդ փոխէ ու գնանք, ասաց Միհրդատը հրամայելով:

— Չիմ գա, չէ, պապա, ասաց Մաշօն լաց ըլելով:

— Չիս գայ, իմ որ ուզգի կու խիմ էս վուխտը գուքաս:

Մաշօն փախաւ իր սենեակը և այնտեղ սկսեց բարձր լաց լինել:

Կէկէլի մայրը շատ աղաչեց Միհրդատին, որ թողնէ, չը տանէ Մաշօին, բայց նա անողոք էր:

— Ինչկլի իմ, դէդի, մէ օր պիտի գնայ թէ չէ, էտ դիմի քիմէն դիդէնամ, էնէնց էրէս իս տուի, վուր հիմի խօսքս էլ չէ լոււմ:

Պառաւր գնաց Մաշօի մօտ, սկսեց փաղաքշել նորան, համբուրել, մէկ խօսքով հազար ու մէկ հնարներ գործ դնելուց յետոյ նա կարողացաւ համոզել Մաշօին շոր հաքնել և գնալ հօր հետ, միւս երեխաները փոքր լաց եղան, բայց կանֆէտի անունը նոցա կաշառեց: Միհրդատը տարաւ ամէնքին Դարինկի մօտ, ճանապարհին Մաշօն լուր լացով գնում էր: Երբ նոքա մտան Դարինկի սենեակը, նա իրան մօտ

կանչեց ամէնքին և համբուրելով սկսեց կան-
 Ֆէտներ տալ: Մաշօն միայն չը մօտեցաւ և կանգ-
 նած անկիւնում նայում էր. Դարինկի վրա:
 Այս վերջինի գէմքը նոցանից չէր, որոնք ան-
 կամ դրաւում են երեխաների սիրտը, սորա
 բարձր հասակը, մեծ աչքերը, կարմիր և լուրջ
 պզուկներով ծածկված երեսը. բոլոր ձայնը շատ
 վատ տպաւորութիւն ունեցան Մաշօի վրա:
 Դարինկէն մօտ կանչեց երեխային:

— Չիմ գայ, ասաց նա:

— Ինչի, գուշենկա, արի կանֆէտ չի՞ ուղի,
 կանչեց կրկին Դարինկէն:

— Չիմ ուղի իս քու կանֆէտը, իս քիզ չիմ
 սիրում, դուն իմ մամաշէն չիս, ասաց երեխան
 և նորից սկսեց լաց լինել:

— Հէ, հէ, հէ, հէ, խամութին է անում,
 հէ հէ հէ, կու սովրի. ասաց ծիծաղելով Մի-
 հրգատը:

— Քու անումն ի՞նչ է, հարցրեց Դարինկէն
 Մաշօից:

— Չիմ ասի, իս քիզ չիմ սիրում, կրկնեց
 Մաշօն:

— Բաս դուն երէվում է գրուբիան իս վուր
 ինձ մօդ չիս գալի ու քաղաքավարի ջուղաբ

չիս գալի, ասաց Դարինկէն Մաշօին:

— Իս գրուբիան չիմ, պատասխանեց նա:

— Բաս ինչ իս, վուր գրուբիան չիս:

— Իս գրուբիան չիմ, կրկնեց Մաշօն և բար-
 ձրը լաց լինելով դուրս ընկաւ սենեակից:

Մաշօն այլ ևս չը մտաւ այն սենեակը, որ-
 տեղ մի սներն էին, նա դուրսը այնքան լաց ե-
 ղաւ մինչև նորան ծառայի հետ տուն ուղար-
 կեցին, և երբ եկաւ տուն նա զանգատուում էր
 իր մեծ մօրը, ասելով, որ այն աղջիկը (նա
 Դարինկին մամաշա ասելը չէր ուզում) իրան
 գրուբիան ասաւ, որ Մաշօն չէ ուզում «Թազա
 մամաշա», որ նա «փիսն» է և հազար ու մէկ
 այսպիսի բաներ: Պառաւը նրան մխիթարում
 էր, բայց Մաշօն միայն կրկնում էր, որ չէ ու-
 զում «Թազա մամաշա», երեխային այն երեկոյ
 առթութիւն տունց և նա հիւանդացաւ ջեր-
 մով: Իսկ Միհրգատը այս ժամանակ կօմպլի-
 մէնաներ էր ասում իր ապագայ ամուսնուն:

— Չը գիղենաս, Դարինկա, վուր Մաշօն ամէն
 օր քի հիզ էտէնց կու վարուի, ասաց նա Մա-
 շօին տուն ուղարկելուց յետոյ, նա շատ լաւ
 սիրտ ունէ, վուր կու սովրի, կու սիրէ էլ
 քիզ:

—Օ՛րնչ իս ասում, Միհրդատ, ասում էր քնքոյշ սիրահարված տիկինը, քու խաթիր ինձ դժուրքն էլ վուր զըզին չիմ նիղանայ:

Մաշօի ջերմը սաստկացաւ այն գիշերը, իսկ միւս առաւօտ նա անմիտ իր անկողնի մէջ կրկնում էր. «ինձ էլ տար հիդդ մամաշա, իս էնդի չարութիւն չիմ անի, իս խէլօք կու կե- նամ. պապա, իս թաղա մամաշա չիմ ուզի: Ձիմ գայ քի մօդ, իս քիզ չիմ սիրում, դուն իմ մամաշէն չիս. բարուշկա, ինձ էն աղջիկը դրուրիան ասաւ. . .

Երկու օրից յետ Մաշօին փոքր դազաղի մէջ տարան Խօջի վանքը և այնտեղ, իր մօր կողքին թաղեցին. . .

Իսկ Միհրդատը. . . նա շուտով պատկեցաւ Շիլլըրըզօինց հարսի հետ և այսպէս իր կայ- քին աւելացրեց քառասուն հազար ռուբլից աւելի «փ ո ղ»:

ՄԱՐԻԱՍՊԱՆ

I

Խարազիսանում գտնվող տներից մէկում նըս- տած էր գետնին գցած խալէչայի վրա մէկ խումբ, որը բաղկանում էր մէկ կնոջից և հինգ երեխաներից: Կինարմատին կարելի էր տալ 29 տարի: Չընայելով, որ անչափ վշտերը նորա դեմքի վրա թողել էին իրանց հեռաբե- րը, այնու ամենայնիւ առաջին գցած հայաց- քից այդ կնոջ վրա կարելի էր իմանալ, որ նա մէկ ժամանակ շատ գեղեցիկ է եղել: Նորա մէկ անգամ կարմիր թշերը այժմ մեռելանման գու- նաթափվել էին, գեղեցիկ աչքերը լեքը ար- տասուքով, որոնց նա աշխատում էր ծածկել իր երեխաներից, յուսահատութիւն էին ցոյց տալի:

Երեխաներից մէկը, կպած նրա կրծքին, կա- թըն էր ծրծում, իսկ մնացածներից երկուքը իրանց ձեռքերը դրել էին մօր գօքին և չոր- բորդի հետ միասին, որը կանգնել էր Սայինի

այսպէս էր կնոջ անունը, յետևը մէկ ձայն ադէ-
զիլօ, դէզի ջան, քաղցած իմ, դէզի ջան հաց
իմ ուզում, էին կանչում:

Միայն Մայինի մեծ որդին, որին կարելի էր
տալ ութ տարի, նստած էր լուռ ու մունջ,
յօնքերը վեր թողած սննեակի անկիւնում և էր
ձեռքին բռնած փոքր փայտով աշխատասիրու-
թեամբ փորում էր գետինը: Քանի երեխաները
հաց էին ուզում, այնքան մայրը մխիթարում
էր նոցա, խոստանալով, որ խկոյն հայրը հաց
ու միրք կը բերէ:

— Մի լաց ըլէք, գենացուալոս գեդէն, մի
լաց ըլէք. քիչ էլ վուր մնաք մամէն գուքայ
ձիզ համա հաց էլ կու բերէ, միրք էլ, ասում
էր նա:

Այս խոստումից յետոյ, որ այն օրը շատ
անգամ կրկնվել էր, երեխաները փոքր ժա-
մանակ լուռ էին և յետոյ կրկին անգամ
սկսում էին լաց լինել: Միայն մեծը անկիւնից
բարձրացնում էր իր աչքերը, նայում էր մօր
վրա և կրկին շարունակում էր իր գործը. այդ
հայացքից ելևում էր, որ Գարչօն չէր հաւա-
տում մօր խօսքերին:

Բաւական երկար տևում էր մօր խոստում:

ները և երեխաների վերանորոգված պահանջ-
ները, վերջապէս դուրսը լավեցաւ ծանր քայ-
լերի ձայն: Ամէնքը աչքերը դարձրին դէպի
դուռը, կարծես այդտեղից մտնողը նոցա մա-
հուան կամ կենաց վճիռը պէտք է տար. բայց
սենեակը ոչոք չէր մտնում:

Մային գետին դրեց իր ծրծի երեխան և
դուրս մտիկ տուեց:

Իրան մօտ, մէջքը պատին դէմ տուած, պա-
տառտած սպիտակ չթի ախալուխը հաքին, որի
վրա կապված էր կաշուէ քամառ, խարազի
կարած կօշիկներից պճեղները դուրս թափած,
կանգնած էր մի տղամարդ մօտ 40 տարեկան:
Եթէ նորա վսեմ դէմքը չը լինէր, որը դեղնել էր
թամբաքօի հոտից, կարելի էր մտածել, որ այդ
պարոնը Քիֆլիսի ջրբի ուստաններից մէկն է, ո-
րոնց մէջ Քիֆլիսը կարօտութիւն չունի: Բայց
այդ պարոնի դէմքը աւելի յուսահատութիւն
էր ցոյց տալի քան թէ որ և իցէ չար միտք:

— Միխակ ջան, ի՞նչ իս էտի կանգնի, ի՞նչի
չիս տուն գալի, հարցրեց Մային, դառնալով
դէպի դուրսը կանգնած մարդը, որին նա Մի-
խակ անուանեց և որը նորա ամուսինն էր:

— Չը վիկալան, Մայի, առանց քիզ էլ շատն

ունինք ասում է, պատասխանեց Միխակը և իր գլուխը կախ դրեց դռնի վրա :

— Ինչ անինք, Միխակ ջան, Աստուծ ողորմած է, Իր ստիղծած մարթուն նա չի կորցնի. արի գնանք տուն, ասաց Մային և առնելով իր ամուսնու ձեռքը, տարաւ նրան սենեակը :

Երեխաները շքապատեցին Միխակին, մէկը նրա ձեռքը բռնեց, միւսը ախալուսի փէշը, երրորդը նրա ծնկներին փաթաթվեցաւ և ամենքը ձայն տուին. — Մամի ջան, հաց չես բերի, մամի ջան, քաղցած իմ գեղէն ասում էր, վուր դուն կու բերիս, ինչի չը բերիր :

Կարծես Միխակը պապանձվել էր. նա խօսք չէր գտնում, որ ասել էր իր որդկերանցը, միայն լուռ նա իր աչքերը երբեմն մէկի վրա էր դարձնում, երբեմն միւսի վրա, վերջապէս նա հեռացրեց իրանից երեխաներին և խորը ջախջախով, պարկեց գետնի վրա և իր երեսը պատի կողմը դարձրեց : Երեխաները դիմեցին մօրը. նա էլ չը գիտէր ինչ ասէր նրանցը և մինչև հիմա զսպած արտասուքները վազեցին խեղճ կնոջ թշերի վրա : Դարչօն միայն չը մօտեցաւ իր հօրը : Նա, երբ տեսաւ, որ Միխակը ձեռքին ոչինչ չունէ, վերկացաւ, և իր փայտի օգնութեամբ

(Դարչօի աջ ոտը կտորած էր) դուրս գնաց սենեակից :

II

Գրեթէ քսան տարի էր, ինչ Միխակը միջև փողոցում պապիրոզներ էր ծախում : Եթէ տարեկան հասակից Միխակի ծնողները տուին նորան պապիրոզ ծախող ուստա Գէվուրքին աշակերտ և սրանից յետոյ շուտով վախճանվեցան, թողնելով իրանց միակ որդուն տան և հինգ թուման պարտք, իբրև ժառանգութիւն :

Ուստա Գէվուրքը, տեսնելով, որ Միխակը հալալ տղայ է, վերցրեց նրան իրան մօտ և իբրև որդի պահում էր իր տանը : Միխակը գիշեր ցերեկ այնքան աշխատեց, որ կարողացաւ վճարել իր հօր թողած պարտքը : Մէկ քանի ժամանակից յետ Միխակը ուստա օրհնվեց և պսակվելով իր ուստի միակ աղջիկ Մայինի հետ, որին Միխակը երեսոյ ժամանակից սիրում էր, ուստա Գէվուրքի մահից յետոյ դարձաւ նրա դուքնի տէրը : Զմեռն էր : Զիւնը փունջ փունջ, խաղալով օդի մէջ, ընկնում էր գետնի վրա և լճերի նման ծածկում էր Թիֆլիսի քուչի վրա : Երեկոյեան ժամանակն էր, Թիֆլիսի վա-

Ճառականներից մի քանիսը փակում էին իրանց սրբաքնիրը՝ միւսները, սպասելով ուշացած մուշտարիներին, տաքացնում էին փոքր մաղաչների վրա իրանց սառած ձեռքերը:

Միխակը արդէն փակել էր իր գուքանը և շտապ, շտապ գնում էր դէպի բաղաչները: Նրբ նա մօտեցաւ նոցանից մէկին, բաղաչը կշեռքը բարձրացրեց և խփելով դազգին ասաց.

— Աւտա Միխակ, աբա մէ էս խրամուլի գրլուխը տիս, մէ էս խալերուն մտիկ, մէ դունչը անդէ, հէնց գիդենաս սիրուն աղջկայ պրօշնիր ըլի:

— Լան է, ասաց Միխակը, չարէքը վճնց:

— Հինգ շայով ծախում իմ, ամա քու խաթիր համա մէ աբասով կուտամ:

Միխակը առաւ մէ չարէք խրամուլ և գնաց դէպի տուն: Նրբ նա մօտեցաւ իր տան դրանը գեղեցիկ կանացի ձայնը, որը նանա էր ասում, դրաւեց նրա ուշադրութիւնը և ստիպեց կանգնել դրան մօտ:

Մինչև Միխակը հիացած ըսում է երգը, մենք մոնենք սենեակը և մէկ հայացք ձգենք նրա վրա. ահագին դարբասի անկիւնում դրած է տախար իր վրայի նահապետական քուրսիով:

Ճրագուէ մոմը ծոյլ լոյս էր տարածում սենեակի մէջ:

Ոտքերը քուրսու տակը դրած, կիսապառկած օրօրոցի վրա, երեխային կաթն էր տալի մէկ մանկահասակ կին, որի գեղեցիկութեանը կը նախանձէր ամեն գեղեցիկ կին: Նորա կամար-կապած ունքերի և ալուանի թշերի մէջտեղը դրած էին երկու արեգակ, որոնց ամեն մօտեցող թըռչունը անշուշտ պէտք է այրէր իր թևերը և որոնց ամէն մահկանացու աչքեր անուանելով, պէտք է մահացու մեղք գործէր: Նա հանում է իր ծիծը երեխայի բերանից և սխում է քնքշութեամբ օրօրել երեխային և շարժելով իր մեղմիկ շթունքները, նա երգում է առաջ կամոց և յետոյ աւելի բարձր:

Շանի նանա Լէւանո

Չէմօ զուրձնիս մտէւանօ:

Այնարմատի աչքերը սկսում են վառվռի տալ, նոցա մէջ երևում է սէր դէպի իր մանուկը՝ այդպէս կարող են փայլել միայն այն մօր աչքերը, որի զաւակը սիրոյ պտուղ է: Նա շարունակում է երգել, այս ժամանակ դուռը բացվում է և մտնում է Միխակը ձեռքերը սարգած, մէկ վայրկեանից յետ Մային նորա գըրկումն էր:

Միևակի թողնում է Մայինին և նստում է քուրսու մօտ, այս վերջինը բերում է մաւի դաժած սոււփրէն, դցում է քուրսու վրա, դնում է այնտեղ իրանց խոհեմ ընթրիքը և ինքն էլ նստում է Միևակի կողքին:

— Էսօր թամբաքօս պրծայ, Մայի, փուղը տարայ աուի տիրուչը, էքուց էլե էրկու հակը պիտի բերիմ:

— Էս ամսվայ դադումը ի՞նչքան է, հարցրեց Մային:

— Տասն ու իննը մանէթ մէ արասի կէս շայի, եօլա կէհանք էլե, պատասխանեց Միևակը:

— Թամբաքօն վուր կտրիս, ինձ համա էլ զրգէ, վուր շինիմ, էս օր իս էլ պրծայ իմ թամբաքուն, թուղթ շատ կայ, ասաց Մային:

— Անգին քար իս, Մայի ջան, Աստուծ գիւղենայ, հիդս մէ գլուխ լուծ իս քաշում էլե, էնղադա թամբաքօն էտէնց չուստ պապիրող շինեցիր:

— Ելինցի էլե. այ հօրէն տիս, ասաց Մային մատով ցոյց տալով:

— Մէ խօսքով ինձպէս բախտաւոր մարթ աշխրթի երէսին չը կայ: Փառք քիզ Աստուծ, ասաց Միևակը երեսը խաչ հանելով և վերջացրեց ընթրիքը:

Մային վեր քաղեց սոււփրէն և մէկ քանի րօպէից յետոյ մոմը հանգաւ և դարբասի մէջ տիրեց խորը լուռութիւն.

III

Այսպէս Միևակը երջանիկ ապրում էր: Ոչ ոքի առաջը չէր ծռում իր գլուխը, ոչոքին չէր շողջորթում և ում մէջ ծռնութիւն տեսներ, խկոյն երեսին ասում էր, և այս բանը վերջը նորան շատ վնասեց: Ողորմելին չը գիտէր, որ ազատախօսին թիֆլիսցին աւազակից չէ զանազանում:

1873 թուի յունիս ամիսն էր, Միևակը հիւանդ գողով պառկած էր իր տանը: Այս հանգամանքը դժուար տանելու էր նրա համար, որովհետև ահագին ընտանիք ունէր, բայց այնուամենայնիւ տարաբախտութիւն չէր: Դարչօն, Միևակի մեծ որդին բաց էր անում դուքանը և ծախում էր իր մօր Մայինի շինած պապիրօղները: Այս վերջինը այնքան աշխատում էր, որ կարողանում էր կառավարել իր տունը: Եկաւ յուլիս ամիսը, Դարչօն փակեց դուքանը, որտեղ այլ ևս ոչինչ չը կար:

Մային սկսեց կամաց կամաց ծախել իր տան խեղճ կայքը և տեսնելով, որ ապրուստի այդ

Թշուառ միջոցը հատաւ, նա սկսեց լուսաց քանել, բայց ամէն ժամանակ հեռը ունենալով իր ծրծի և միւս փոքր երեխաներին, նրան բացասեցին: Երբ Միխակը լաւացաւ նրա միակ կարէն անգամ ծախված էր: Նա գնաց գործարանատիրոջ մէկի մօտ և խնդրեց, որ իրան վերցնեն իբրև բանուոր:

— Ուշ էկար, ուստա Միխակ, առանց քիզ էլ էնքանն ունինք, վուր չինք կանացի օխտայ դայ:

— Պարուն, ասում էր Միխակը, էրէխէրքս ուտելու հաց չունին, թէ Աստուծ կու սիրիս, մէ բան չարս արա ինձ:

— Ինչ իս ասում տօ՛, վունց չարա անիմ. ուրիշին դուս անիմ, քիզ վեկայնիմ, ի՞նչ գիդիս թէ նա քիզմէն աւելի նաչար չէ, ասում էր գործարանատէրը, և երբ Միխակը հեռացաւ, նա փրնթփնթաց. գլխիս զարաուլ իմ կանգնեցնում քիզ. ինչ անիմ, պիտի էրէսիս ասիս, թէ ի՞նչ ասում է. ինձ մարթ չէ հարկաւոր, ամա վուր պէտք էլ ըլն քիզ չիմ վեկայնի:

Այսպէս Միխակը ամէն գործարանատիրոջից խնդրեց գործ և ամէնքը նորան բացասեցին: Նա գումար չունէր և առաջարկում էր իր աշ-

խատանքը, իսկ նրա քրտինքը ոչոք չէր կառնում գնել:

Այսօր Միխակը գնաց վերջին գործարանատիրոջ մօտ և մի և նոյն բացասական պատասխանը ստացաւ: Մենք տեսանք, ինչպէս նա անհաստատ քայլերով դառնում էր տուն, բայց երբ մօտեցաւ դրանը, երբ միտքն եկաւ, որ իր ընտանիքը քաղցած է, նա չը համարձակվեցաւ ներս մտնել և յնպէս սաղ օրը դուրսը կը մնար, եթէ իր կինը չը տանէր տուն:

IV

Մէկ ժամից աւելի Միխակը պառկած էր սենեակի մէջ, երեսը պատի կողմը դարձրած: Ծովն ալիքների նման զանազան մտքեր գալիս էին նորա գլուխը և դիպչելով ասին, իրողութեանը ջարդվում էին և հեռանում, որ աւելի ոյժ հաւաքեն և նորից յարձակվին: Երեխաների ժամանակ առ ժամանակ կրկնած օղէզի ջան, քաղցած իմօ՛ւր, Միխակի սրտին նետի նման դիպչում էին: Իրտից լավեցաւ երկու անգամ «Միխակ»:

Միխակը վեր կացաւ, դուրս նայեց և տեսաւ իր տանտիրոջը. համեցէք, ասաց նա:

Սենեակը մտաւ Միխակի տանտէրը: Նա

այս կողմ այն կողմը նայեց փնտռելով իր համար նստելու տեղ, բայց ոչինչ չը գտաւ: Երեխաները հետաքրքիր հայեացք ձգեցին պարոնի ձեռքերի վրա և տեսնելով, որ նորա դատարկ են, շարունակեցին լաց լինել:

Տանտէրը դարձաւ դէպի Միխակը:

— Ուստա Միխակ, ասաց նա, ախար էտէնց իս չի ըլի. էրկու թուման տան քրի՛հ իս պարտ, վունց քրի՛հն իս տալի, վունց տունն իս դարդկում:

— Ինչ անիմ, աղա, պատասխանեց Միխակը, այ քու բարի աչքով տեսնում իս՝ էրէխէքքս հաց ին ուզում, փուղ չունիմ, վուր հաց առնիմ ուտեցնիմ ու քու քրի՛հը վճարդանց տամ:

— Լաւ իս ասում, ուստա, ասաց տանտէրը, ամա իս իս չիմ խլի քու հայր. իս իմ տան քրի՛հն իմ ուզում. համ էլ, ախպեր, տանը կենում իս, չէ՞ վուր օրէց օր պարտքդ աւելնում է, տունն էլէ դարդկէ ու էն էրկու թումանը իժում տու:

— Լաւ է, աղա, մէ էրկու օր վաղա տու ու դուս կէհամ:

— Տւիլ իմ, ուստա, էրկու օր վաղա իմ տուի, հիմի դուն գիդիս, ասաց նա ու դուրս գնաց:

Մէկ քանի րոպէից յետոյ Միխակն էլ հեռուեց նրան:

— Ինչ անիմ, մտածում էր նա, վուրդի ճարիմ իս փուղ, վուր հաց առնիմ օղլուչաղես համա. տունն էլ պիտի դարդկիմ: պարտապ մարթ, ինձ ո՞վ տուն կուտայ, ալքըտութին անիմ, թէ. . .

Նա կտրեց իր մտածմանց թելը և սաստիկ գունաթափվեց: «Ձէ իս գուղութին չիմ անի»:

Այս ժամանակ նա մօտեցաւ Սիօնին: Ինչպէս ջրումը խեղդվող մարդ շտապում է իր ձեռքը ընկած թփով պաշտպանվել, այնպէս շտապով Միխակը գնաց սանդուղտով ներքև և իր զլուխը տաճարի պատին կպցրուց: Բաւական երկար ժամանակ Միխակը անշարժ կանդնած էր: Ի՞նչ էր անում նա, ի՞նչ էր մտածում: Արդեօք անիծում էր իր հացի խլողներին, թէ աղօթք էր անում: Աղօթք էր անում, որովհետև երբ նա հեռացաւ տաճարից, նրա դէմքը պարզ և հանգիստ էր, կարծես նա իր բեռը թողել էր տաճարի մօտ:

Վ

Միխակը գնաց դէպի ծածկած Բազաղխանէն: Մագազիններից մէկի պատահաններին վրա

կայցրած էին վիհերի շնի բիլէտներ, դրան մօտ կանգնած էր մէկ կարճահասակ մարդ: Նա իր ձեռքերը մէջքի վրա էր դարսել և փորը դուրս ձգել, նրա յօնքերը ձիու պայտն էին մտաբերում:

Միխակը դիմեց դէպի այդ պարոնը:

— Աղա Փարսիդ, ասաց նա, մինձ առուտուր ունիս, մինձ աբարօտի մէջն իս, թէ քու Աստուծ կու սիրիս, թէ քու ստիղծողը կու սիրիս, ինձ մէ բան տու, մէ գուրձի կանգնեցրու, օղլուշաղս ուտելու հաց չունէ:

Աղա Փարսիդը, ինչպէս անուանեց նրան Միխակը, կասկածաւոր հայացք ձգեց այս վերջինի վրա և իր ձեռքով ծածկեց ժամացոյցի ցեկօջկան:

— Ինչկէ հիմի դուն ինչ բանի վրա էիր, հարցրեց աղա Փարսիդը:

— Գանա ինձ չիս ճանչնա, իս պապիրոզ շէնող էի, դուքանս մէջի փողոցումն էր. քանի ջէր ինձմէն պապիրոզ իս առի, ասաց Միխակը:

— Չիմ գիդի, միտս չէ. լաւ վուր պապիրոզ շէնող իս, ինչի մէ փաբրիկանտի մօզ չիս գնում ու չիս կանգնում, հարցրեց վաճառականը:

Միխակը պատմեց պատճառները:

— Է լաւ, նրանք վուր չին վիկալի, ասաց

աղա Փարսիդը, իս վունց վիկալնիմ, եա ի՞նչ բանի վրա կանգնեցնիմ:

Միխակը հեռացաւ նեղացած:

— Ամա ի՞նչ իմ ասում, կանչեց նորա յետեւից վաճառականը, մէ ամսվայ եղնէն արի. մէ բան իմ վիկալնում, թէ էն գլուխ էկաւ, կուլի քի համա էլ բան ըլի:

Միխակը շարունակեց իր ճանապարհը, նա սպասում էր այդ պատասխանին, միայն կամենում էր այդ վերջին միջոցն էլ փորձել:

VI

Միխակը մեքենայաբար գնում էր դէպի մէյզանը: Այստեղ նրա ուշադրութիւնը իր վրա դարձրեց Դարչօն: Վաստի սա ի՞նչ է շէնում, մտածեց Միխակը, որը չէր նկատել իր որդու տանից դուրս գնալը: Միխակը նայում էր Դարչօի յետեւից, այս վերջինը գնում էր մէկ լաւ հագված պարոնի հետ: Մէկ քանի բօպէից յետ Դարչօն իր ձեռքը տարաւ դէպի պարոնի ջերը: Միխակը տեսաւ այս շարժումը և քարացած մնաց, բայց այդ դրութիւնը բօպէական էր՝ նա ճղելով ամբօխը հասաւ Դարչօին, բռնեց նորա շըլքից և դուրս բերեց մէկօանից:

— Տօ էդ ի՞նչ էիր ուզում անի. գուզութի՞ն,

չիս ամանչում, էն օրը չը տեսար, վուր մէ մարթու գուղութենի խաթիր բիրթը տարան:

— Մամի քաղցած իմ, պատասխանեց Դարչուն:

— Գնա տուն, էլ էդթաւուր բան չանիս, ասաց Միխակը խստութեամբ, իս ձիզ համա հաց կու բերիմ:

Դարչուն հեռացաւ: Միխակը նայում էր նորա հեռանալուն: Միխակը մտաբերեց երեխայի ասածը. «Մամի քաղցած իմ», նա յետ կանչեց Դարչօին, գրկեց, համբուրեց և հեռացաւ. . .

VII

Թիֆլիսը ծածկվեցաւ խաւարով: Յետոյ կամաց կամաց, կարելով իր ամենօրեայ ճանապարհը, լուսինը դուրս սողաց Մախաթի վրա զանազան ամպերի միջից և իր գունաթափ ճառագայթը տարածեց Թիֆլիսի վրա: Օդը խտակ էր և գիշերը դիւրալի: Այս այն լուսաւոր գիշերներից մէկն էր, որը մտաբերում է մերժված սիրահարին անհաւատարմի անցեալ փաղաքշական խօսքերը, մեղմիկ ձեռքի սեղմելը և քնքոյշ համբոյրը, որը մտաբերում է աքսորականին իր հայրենիքը: Այնտեղ էլ իր աքսորանքի մէջ նա տեսնում է խայտառ առուններ և կանաչով ծածկված բլուրներ, այնտեղ էլ մի և

նոյն լուսինն է, բայց նորա հայրենիքում ուրիշ տեսակ է խաղում լուսնի ճառագայթը զետի փրփուրների հետ և մի և նոյն ժամանակը նորա խրճիթի դրանը նստած է կամ նորա մայրը, կամ երեսայութեան ընկերուհին և կամ անտէր և միայնակ թողած ահագին աղքատ ընտանիքը: Եւ ի՞նչի համար նա էստեղ է ընկել մի՞թէ ճշմարիտ նա աւազակ է. . .

Միխակը կանգնած էր Մէյրանում: Յանկարծ սարսափեղ ճայթոցը դլզդեց Թիֆլիսը: Միխակը դէպի երկինք բարձրացրեց իր աչքերը. լուսինը բաւական բարձրացել էր, նա խաւարել էր այն բազմաթիւ գոյնգոյն աստղերից, որոնք լքցրել էին օդը և դեռ չը հանգած իրանց տեղը ուրիշներին էին թողնում:

— Կօնսուլօրա կուլի, մտածեց Միխակը:

Ամբոխի հոսանքը, որը ուղղված էր դէպի Թամանշոփե քարվանսարան, Միխակին էլ տարաւ իր հետ: Ճանապարհին նա լսեց հետեւեալ խօսքերը.

— Տօ Կունձօ, ասում ին Նահն էկիլ է:

— Հա, սօ, ասում ին թուրքացիլ է ու Մահմէդի օրէնքն է բունի:

— Չէ կօնսուլօրա չի էլի, Նահի համա

կուլի էս շուշտունէքը, մտածեց Միխակը,

Կա հասաւ Քամոյնեց եկեղեցուն: Պալատը լուսաւորված էր, Փոխարքայի այգիի մէջ մուզեկա էր ածվում և ջուխտ ջուխտ տղայ և աղջիկ անց ու դարձ էին անուամ: Քիֆլիսի բոլոր բնակիչները պալատի առաջն էին:

Միխակը անց կացու ամբոխի միջով: Երբ բաւական հեռացաւ, նորա ուշադրութիւնը դրաւեց մէկ պապիրոզի մագազին: Միխակը այդ կրպակը էլե տեսել էր, միայն այն փոփոխութիւնները, որոնց նա ենթարկվել էր, Միխակի վրա ծանր տպաւորութիւն ունեցան:

Պատուհանների և դրան մէջ դցված էին ասհադին մէկ բոյի շուշէք, գազգէն ու շիաֆները կակալեց էին շինած և դէմ առ դէմ դրանը ժամացոյց. վերջապէս երկու հատ բազկաթուները, լամբորնի սեղանը, իր վրայի ջրով լի գրաֆինով և բաժակով, ասհադին հայելին, շիաֆների մէջ դարսած ոսկեղօծ պապիրոզիւցէքը, մուշտուկները և գեղեցիկ զանազան բանդիրօլ կայցրած պաշկերով պապիրոզները թամամեցնում էին մագազինի դեղեցկութիւնը:

— Եստի մտիկ, էստի մտիկ. սրանք վրձնեց ին սարքի իրանց դուքանը ու իս իմ աշխատան-

քով չիմ կանացի հաց ճարի. սրանք վրձնեց ին սարքի իրանց դուքանը, ու իմ վուրթին, իմ ութ տարեկան էրէխէն հացի խաթիր պիտի դուղութին անէ, չէ, Դարչօ, ուփրօ լաւ է իս մեռնիմ, քան թէ քու դուղութիւնը տեսնիմ:

VIII

Մէկ քանի ժամանակից յետ մենք տեսնում ենք Միխակին Քամոյնի թաղում մէկ հարուստ տան առաջ կանգնած: Տան պաղեպրի դուռը պատահարաբար բաց է մնացել: Միխակը կանգնել է այդ դրան առաջը և իր աչքերը ցըցել նորա վրա: Քրախէքը վազում է նորա երեսի վրա, նա մեքենայաբար ներս է մտնում և բարձրանում է սանդխտի վրա: Յանկարծ նա կանգնեց. «էս ի՞նչ եմ անում, մտածեց նա, ո՞ւմ տուն իմ գնում, ի՞նչի... դուղութենի՞: չէ ուփրօ լաւ է, վուր գիփ մէտի մեռնիւք», նա շտապով յետ է դառնում, բայց քուչեց լսում է ձայներ և չէ համարձակվում դուրս գնալ: Զայները մօտենում են: Խօսողները դրան առաջն են կանգնում: Միխակը շունչը պահում է և անշարժ մնում է դրան մօտ և լսում է:

— Տօ ասում իմ, մէ գիշեր բի ու եարաստն թուման կուտամ, ասում է առաջին ձայիր:

— Զէ անում, աղա, ասում է միս ձայնը:
Տօ մէ գիշեր, իժում հարսուն թումնով
լաւ բաժինք կու շինիք ու մարթու կուտաք:

«Աէ գիշեր ու եարսուն թուման, եարսուն
թուման, մտածեց Միխակը, եարսուն թուման,
կրկնեց նա, ու Բարչոն գուղութին անէ, էրէ-
սկոս քաղցած ին. . .»

Միխակը այդ ևս չէ լում դրսի խօսակցու
թինը, նորա առաջ կանգնած է իր քաղցած
և տխուր կինը, իր մտաբերում է իր մէկ ան-
գամ համեստ, բայց երջանիկ ընտանեկան
կեանքը, նա մտաբերում է իր կնոջ վառվրուն
աքերը, հինա նորա վշտից խորը ընկել են.
նա տեսնում է Բարչոնի ձեռք ուրիշի ջիբը տա-
նեկն, լում է նորա ասած՝ «քաղցած իմ,
մամի» և սեղանի բարձրանում է սանդխտի
վրայով: Միխակը անցնում է սենեակներից
մէկը, միտում նա տեսնում է արծաթեղէնով
լե շկափը, բայց ձախ կողմը դուռը կիսաբաց է
և այնտեղից բնորոշ հրամայողական կանացի
ձայն է լսվում: Միխակը լսնկարծ, քնկնում է
շկափի վրա, կտարում է շուշան և լսանում է
արծաթեղէնը:

Այս այդուկից շիտթված, գուրս են թա-

փում ծառան և աղախինը, առաջինը յարձակ-
վում է Միխակի վրա և բռնում, իսկ միւսը
«օտկեցեք» կանչելով, դուրս է ընկնում սե-
նեակից:

— Էստի դուն ի՞նչ իս շինում, էդ էրծը-
թեղէնը ո՞ւր իս տանում, հայ սօ գուղ, ասաց
ծառան բռնելով Միխակին:

— Թող, բռնէ քու էրծթեղէնը, իս էլ չիմ
գրդի ինչի էկայ, թող գնամ:

— Չիս գրդի ինչի իս էկի, թողնիմ, քու
հօրն օղորմի:

— Տօ թող, օղլուշաղս միսկ է:

— Չէ գնանք պօլեցիէն:

— Թող ասում իմ, ասաց թափ դարով Մի-
խակը:

— Չիմ թողնի, ասաց ծառան և նորից
բռնեց Միխակին:

— Չիս թողնի, այ թէ չիս թողնի, ասաց
Միխակը, բարձրացրեց իր ձեռքը և պինդ խփեց
ծառայի սրտին:

Այս վերջինը ընկաւ անշունչ: Միխակը ու-
զում էր փախչել, բայց խեղոյն եկան աղախնի
կանցած մարդիքը և «հայ սօ մարդասպան» ա-
սելով, կապեցին և տարան. . .

Երեք օրից յեա Միխակը արեստանտի շորը
 հաքին, զլուխը ուսի կողմը ծաած, երկու զե-
 նուորականների միջով, անց էր կենում սամօժ-
 նի առաջը: Երբ նա հաւասարվեցաւ Ձիգիանո-
 վի բազին, որտեղից երևում էր բերդը, նա
 բարձրացրեց գլուխը, տեսաւ իր ապագայ,
 տխուր բնակարանը, կանգնեց մէկ րոպէ և այս
 խաղը ասաց.

Քէնա եալ օլդի, նէիլիմ,

Դարդմ իւլ օլդի, նէիլիմ

Ափարդլան էամադա

Սաբաբ քիմ օլդի, նէիլիմ:

Իսկ Մային իր երեխանցով, սիրելի կարգա-
 ցողուհի, սպասում է, որ դու պարզես քո ու-
 զորմած ձեռքը դէպի նոցա, բացի քեզանից,
 նա ուրիշ յոյս չունի. . .

ՈՐԳՈՒ ՀՂՐՍԱՆՈՒՔ

I

Գիշեր էր: Կանանցից և տղամարդիկներից
 բաղկացած մի խումբ, զուռնաչի Մնացականին
 առաջնը գցած, վառու մոմերը ձեռքերին
 սուրբ Շմաւոնի եկեղեցուց դէպի Մայրանի-Աղ-
 բիւրի Թաղն էր գնում: Սա մի հարսանիք էր.
 Հայրապետնեց Ասլանը պսակում էր իր միակ
 որդի Սեդրակին: Փեսան ձեռքը հարսին տուած,
 խաչեղջօր հեա միասին գնում էր տղամարդկե-
 րանց և կանանց մէջ տեղը: Զուռնան անդադար
 փչում էր, մականները Փշանգներ և հրացան-
 ներ էին արձակում, իսկ մակարբաչին, աղափ-
 ների այդ զլխաւորը, անդադար ձայն էր տալիս
 մականներին:

— Այ թագաւորի մականներ:

— Հա բալլի, միաձայն պատասխանում էին
 մականները:

— Ուրբա. . .

— Ուրբա, կանչում էին մականները, խառ-

ներով իրանց բազմատեսակ ձայները մակարբա-
շու ձայնի հետ:

Մի խօսքով ուրախութեան սահման չը կար:
Թրգվաբոյրերը *) անդադար կամ նորահարսի
փեշերն էին ուղղում, կամ միմեանց ականջին
ծածուկ նկատողութիւններ էին անում ու ու-
րախ ուրախ ծիծաղում. . . թէ ի՞նչ էին նոքա
ասում, թէ ի՞նչ խօսքեր էին լինում նրանց ծի-
ծաղի պատճառը, ես չը գիտեմ, և ո՞վ կարող
է իմանալ դրանց գաղտնի, քնքոյշ ճրկճրկոցը:
Շատ երիտասարդներ և շատ օրիորդներ նա-
խանձում էին ուրախութեան հեղինակներին.
Բինքը հարուստ, գեղեցիկ և բաժինքով կին է
առնում, երանի քեզ Սեդրակ» մտածում էին
առաջինները: «Ձահիլ սիրուն և հարուստ, ա-
սում էին երկրորդները, երանի քեզ Մարիամ»:
Բայց ի՞նչ էր անցնում գլխուոր հերոսների
սրտերում. Սեդրակը ուրախ էր, ուրախ էր այն-
պէս, ինչպէս ուրախանում է մի երեխայ, որի
համար մի այսպիսի հանդէս է կատարվում:
Հազիւ 18 տարեկան, հասակը միջակ, դէմքը
գեղեցիկ, մազերը սև, մի տեսակ երեխայական

*) Հարսանիք հրաւիրված կանայք:

հպարտութեամբ նա բռնել էր Մարիամի ձեռ-
քը և գնում էր, բոլորովին չը մտածելով, թէ
ի՞նչի համար է պսակվում և ի՞նչ պարտակա-
նութիւններ ունի դէպի իր կեանքի անբաժան
ընկերուհին: Հայրը ասել էր, որ Մարիամը լա-
աղջիկ է, որ նա փող և բաժինք ունի, որ Սե-
դրակը պէտք է պսակվի Մարիամի հետ, և
նա պսակվեց. . . մինչև անգամ նա հպարտա-
նում էր, երբ մտածում էր, թէ ինքն էլ կու-
նենայ մի էակ, որ իր կամքին բոլորովին հըռ-
հպատակ կը լինի. . . Իր հօր կամքին անպայ-
ման հնազանդելու սովոր, Սեդրակը ուզում էր,
որ մէկն էլ իր կամքին հնազանդ չլինէր: Այս-
պէս գնում էր ընտանիքի ապագայ հայրը իր
ընկերուհու հետ. . .

Մարիամը հաւանում էր Սեդրակին. այդ
քնքոյշ, գեղեցիկ, անմասն Մարիամը հաւանում
էր Սեդրակին. այդ երևում էր նորա սև, փի-
ալա, վառվռուն աչքերից, նորա ժպտող փա-
փուկ շթունքներից, նորա երկնակամուր ուն-
քերից, նրա սև, երկար թերթերունքներից,
նրա սպիտակ փափուկ երեսից, նրա վարդա-
նման թշերից և հպարտութեամբ բարձրա-
ցած կողը ուսերից. . . Երանի ինձ հաւանելի,

Մարիամ, ես այն ժամանակ ոտից տակի հողը
կը լինէի. . . Մարիամը 16 տարեկան էր, հա-
րաւի աղջիկ էր նա. 16 տարեկան հասակում
նա մինչև անգամ փորձում էր ճանապարհին իր
նորափեսի ձեռքը սեղմել, փորձում էր յիշեց-
նել նորան իրանց սպասող քաղցր լուսակները,
բայց Սեդրակը սիրոյ այդ յառաջաբանների
վրա ուշադրութիւն չէր դարձնում, և ի՞նչպէս
կարող էր այդ երեխան հասկանալ կնոջ ամեն
մի շարժուածքի, ամեն մի հայտացքի, ամեն մի
ցանկութեան նշանակութիւնը: Ախ իմ սիրելի
ընթերցող, քանի և քանի անգամ մեր սիրտը
ուրախ ուրախ բարախել և քանի անգամ սե-
քօղով է ծածկվել. մտաբերիր սիրելիս. . . յի-
շատակները երբեմն քաղցր են լինում. . . Բայց
Սեդրակը ուրիշ բանով էր զբաղված. նա զբաղ-
ված էր մակարների ուրաներով, Փշանգնե-
րով, իր հագուստով, մի ուրիշ դաստայ զուռ-
նով, որ իրանց տանից առաջ եկաւ իր դէմ,
բէնգալեան կրակներով, որ իրանց տան առաջ
վառեցին. . . այնպէս նա և նորա հետ էլ հան-
դիսականները մտեցան իրանց տանը:

II

Մինչև որ հարսանիքը կատարվում էր, Հայ-

րապետենց Ասլանը, Սեդրակի հայրը, հպարտ
հպարտ ման էր գալի իր տան դահլիճում և
զանազան հրամաններ էր տալի թէ իր եղբայր-
ներին և թէ ծառաներին: Ետ հետաքրքիր
բնաւորութիւն ունէր Հայրապետենց Ասլանը. . .
Եթէ իմ ընթերցողը տեսի է մի ուռած, փքած
հնգուհաւ, եթէ նա երեւակայի, որ այդ հըն-
գուհաւը ունի մարդու պատկեր, միջակ հասակ,
կալմուածքը առողջ, աչքերը պուշ, հուտ
տուած, երեսը վեր առած և բխերը խուզած,
եւրօպական ձևով հագնված և ստիական կոշտ
և կեղտոտ պատկեր ունեցող, եթէ այս բոլորը
երեւակայի իմ ընթերցողը, — նա լաւ գաղափար
կունենայ Հայրապետենց Ասլանի վրա: Մի հա-
նաքչի նրան կնքել էր. Ասլանը թարգմանել էր
Алексеѣй, իսկ Հայրապետը Герасимъ, և երբ
նրան ասում էին — «Алексеѣй Герасимичъ, այս
քանը այսպէս է». նա մի առանձին հպարտու-
թեամբ ուսերը բարձրացնում էր, բռնում էր իր
սիւրտուկը կրծքի մօտ, թափ էր տալիս և ա-
սում էր.

— Հրամանացդ ասեմ, բոլորովին ճշմարիտ է,
да. . . Բայց դեռ մէկ ժամ առաջ այդ գործքի
հակառակ էր եղել. Алексѣй Герасимичъ-ը

ամեն բան յաղթեց. . . .

Այն մարդուց, որ իրան *Алексеѣ Гера-
симичь* էր կանչում, հացկերոյթի ժամանակ հե-
ռու էր նստում, որ ինչ է իր կենացը խմելու
ժամանակ հեռուից ձայն տայ՝ *Алексеѣ Гера-
симичь*, ձեր հրամանոց կենացը (և որքան յի-
մար էր լինում Ասլանի ժպիտը այդ րօպէին),
որ տեսնեն իր համագիւղացիները, որ ինքը
Алексеѣ Герасимичь է, և ոչ թէ Բոյաղչի
Թոմաս, կամ Կալբօզնեց Սելքօն, կամ Չալվա-
դարենց Չորաբ, կամ թէ չէ Փափենց գիժ Սար-
գիս և այլն: Նա գրանց թայն չէր, նա *Алек-
сеѣ Герасимичь Алексѣевъ* էր: Նրան չէր
կարելի Ասլան ասել, պէտք էր աղա Ասլան ա-
սէին, որովհետև աղայութիւնը միայն իրան
էր յատուկ. . . ով ինչ ուզում է ասէ, ես իմ
հերոսին Հայրապետենց Ասլան կանուանեմ: Այս-
պէս իմ Ասլանը չափազանց փառասէր լինելով,
մի և նոյն ժամանակ և բարեգործ մարդ էր.
Նա մի քանի հարիւր մանէթ էր ընծայել տե-
ղական ուսումնարանին, մի քանի մանէթ էլ
տուել էր դասական պիտոյքների համար, մինչև
անգամ ինքն իրան տեղական ընթերցարանի
հիմնողն էր համարում, բայց այս անում էր ոչ

թէ գործի համար, այլ որ ասեն՝ «Աղա Ասլանը
այս և այն արեց»: Ասլանը ազնուական էր.
փառասիրութիւնը դորա տոհմի մէջ ժառան-
գական հիւանդութիւն էր, հանգուցեալ նրա
պապը (Աստուած ողորմի, Աստուած
հոգին լուսաւորէ, լաւ մարդ էր խեղ-
ճը) պարսից իշխանութեան ժամանակ մի մէ-
ջիթ էր շինել և դորա համար ազնութիւն էր
ստացել: Հայրապետենց Ասլանը հարուստ էր
եթէ կարելի է հարստութիւն համարել յիսուն
հազար մանէթի կարողութիւն, և այդ կարո-
ղութիւնը մասամբ ժառանգական էր և մասամբ
բարեվաստակ: Թէ ինչպէս էր նա աշխատել
դորա համար պատմութիւնը լուում է, այսքանը
միայն յայտնի է, որ գրեթէ բոլոր նրա հա-
մագիւղացիները մասամբ խարէութեամբ և մա-
սամբ անազնութեամբ էին հարստացել. մէկը
որբեր էր զըկիւ, միւսը իր բարեկամի թղթերն
էր գողացել և խեղճին անանկութեան էր հաս-
ցրել, երրորդը ազնիւ խօսքով պահ տուած
փողերն էր փախցրել և իր հօրը սպանել տուել,
չորրորդը իր աներոջ միակ տղին կամեցել էր
զեղել տալ, որ հարստութիւնը իրան մնայ, հին-
գերորդը. . . Բայց անվերջանալի է. . . ափսոս է

ընթերցողի ուշադրութիւնը: Չը պէտք է դարմանալ, որ Հայրապետենց Ասլանը և նրա համադիւղացիները հարուստ էին, և բարոյական հազուստ էին հագնուամ, երկսեռ ուսումնարաններ ունէին և այլն:

Պարտիզապատ գիւղը ժայռերի վրա էր շէնած, նրա միջեց մի սիրուն առուակ էր անցնում: գիւղը լեքն էր համեղ, խօսկան աղբիւրներով: Պարտիզապատը իր բնակիչների աշխատանքին էր պարտական, որ գեղեցիկ, պողպատե սայգիներով էր ծածկվել:

Երկիրը բնակիչներին չէր տալիս սնունդ և նոքա ստիպված էին օտարութեան մէջ աշխատել, առուտուր անելով բամբակով, մետաքսով և այլն: Նատերը նրանցից բացի Ռուսաստանը գնացել էին և արտասահման, բայց խօսելք մեր հերոսի վրա:

Րուսանեկան կեանքում Ասլանը կատաղի բռնաւոր էր, իր գերբաստանի բոլոր անդամները գողում էին նրանից, վախում էին նրանից. մինչև անգամ իր տան շունը և կատուն, բոլորը նրա համար էին ստեղծված, նրա ստրուկներն էին, նրա ստրուկն էր և իր որդի Սեդրակը, այն գեղեցիկ երեխան, որ այժմ պսակ-

վում էր հօր հրամանով...

Մարիամի հայրը մեռել էր և իր միակ ազգական չորս հազար մանէթի կարողութիւն էր թողել. այս դէպքից օգուտ քաղեց Հայրապետենց Ասլանը և հրամայեց իր որդուն պսակվել չորս հազար մանէթի և գեղեցիկ տղջկայ վրա: Պարտիզապատ գիւղում սովորութիւն չէր կար փող և բաժինք տալու, մինչև անգամ պսակի շորերն էլ տղան էր ուղարկում, բայց Ասլանը պէտք է կարգից դուրս բան անէր. Պարտիզապատ գիւղում հարսանիքը ցերեկով էին կատարում, իսկ Ասլանը գիշերը կատարեց (Թիֆլիսի պէս)...

Ամեն բանում Ասլանը ջոկվում էր իր հայրենակիցներից. մի խօսքով մազալու կենդանի էր Հայրապետենց Ասլանը: Հիմա նա կանգնած է դահլիճում, հպարտ թափ է տալիս իր սիւրտուկը, և սպասում է նորապսակներին:

III

Երկու զուռնաչիները միմեանց հակառակ ղայքաներ էին ածում, որպէս զև միմեանց շփոթեն: Նաղարաչի Գարուստը իր ձեռքի կէռ փայտը խփում էր ահագին նաղարին և իր բազմատեսակ հունարներն էր ցոյց տալի. եր-

բեմն իր երկար ոտը բարձրացնում էր, նորա տակիցն էր փայտը խփում, երբեմն նաղարի տակիցն էր խփում և երբեմն միւս դաստի զուռնաչիներին էր լեզու հանում: Ձահիլ կարճաբոյ զուռնաչի Խուդին կաշուց դուրս էր գալի այնպէս էր փչում. իսկ պառաւ ուստայ Մնացականը մէջքը արհամարհանքով շուռ էր տըւել դէպի ուստա Խուդին և պարզ ցոյց էր տալի իր արհամարհանքը դէպի այդ նոր ինքնակոչը. դրանք զուռնաչիների հին և նոր սերունդ էին: Մակարբաշին թուշիտում էր և ոտներով գետինն էր փորում: Վերջապէս նորապսակները հասան իրանց մեծ դրան մօտ... АЛЕКСѢЙ ГЕРАСИМИЧЪ-ը իր թանգագին ամուսին Ջարդալամի հետ դուրս եկան նորապսակների առաջ. նոքա թեսան Սեդրակին և Մարիամին. Ասլանը մէկ կանգնեց, նայեց այդ գեղեցիկ ջուխտակ տատրակներին և յիշեց իր երիտասարդութիւնը, իր հարսանիքը, իր կեանքի մէջ անցած քաղցր բօպէսները, մի վայրկենում մտածեց, որ իր դարը անց է կացել և արտասունքի երկու փայլուն կաթիլներ գլորվեցին թշերի վրա. նա ուզում էր վազել, գրկել իր որդուն, համբուրել նրան, բայց դա բռնաւոր հօր սրտի մի

բօպէսկան փափագ էր: Ասլանը ծանր քայլերով առաջ գնաց, մեկնեց իր ձեռքը, որ նորապսակները յարգանքով համբուրեցին. հայրը և մայրը դրանց օրհնելով ներս ընդունեցին: Երկինքը պարզ էր, բիւրաւոր աստղեր լուսաւորում էին նրան: Աշունք էր և ցուրտ, տերեւները թափվում էին ծառերից, սենեակների պատուհանները զընգզընգում էին նաղարի և զուռնի ձայնից: Մնացականը սկսեց նաղանի ածել, իսկ Սեդրակի մեծ քոյրը պար գալ. սա կանգնեց մէջ տեղը, ծանր, կոտորվելով և նաղելով, կամաց կամաց բարձրացրեց իր կռները, աչքերը խորհրդաւոր կերպիւ պտտեց, առաջ նայեց իր մարդուն, տեսաւ, որ նա ուրիշ բանով է զբաղված, կրակոտ, սրտի խորքը թափանցող հայեացք զցեց մի սիրուն երիտասարդի վրա, որին հաւանում էր և յետոյ սիրամարգի նման փոքրիկ քայլիկներով սկսեց թեթև շարժվել, կարծես մի հրեշտակ էր օդի մէջ լողում... ՎՅ շաբա՛ն, դռնաց նաղարաչի Գալուստը և մի քանի կօպէկներ բռնած ձեռքեր մեկնվեցան դէպի պար եկողը. իսկ սրա հաւանած սիրուն երիտասարդը արասանոց ձեռքը դնելով, թեթև սեղմեց աղջկայ ձեռքը: Այսպէս կանայք պար

էին գալի. տղամարդիկը նրանց ձեռքերը կօպէկներ էին դնում ի հարկէ զուռնաչիների համար, վերջապէս յայտնեցին, որ հացը պատրաստ է: Սեղանի վրա առանձին բան չը պատահեց: Թամադան լաւ էր կառավարում, տիրացու Աբգարը ամեն կենացի վրա յարմարաւոր երգեր էր ասում, իսկ մահարները թագաւորի ամեն բաժակ խմելիս, մահարբաշու հրամանով կանչում էին:

— Թագաւորի խումբ անո՛ւշ, անո՛ւշ, ուրբա՛ւ:

Վերջապէս սեղանից եր կացան, եալին պար եկան և հիւրերը ուղեորվեցին դէպի իրանց տները: Ամենից ուրախ զուռնաչի Մնացականը դուրս եկաւ. նա տաս երեք մանէթ շաբաշի փող էր հաւաքել...

— Եէն կենայ աղա Ասլանը, ասում էր նա գնալով:

IV

Սեզրակը իր կրթութիւնը ստացել էր տեղական ուսումնարանում, որի վրա օրիորդաց ուսումնարանի հետ տարեկան չորս հազար մանէթ ծախս էր լինում: Ինքը մի աղա մարդու որդի կամեցել էր նոյն տղայութիւնը անել և ուսումնարանում, այնպէս որ ուսուցիչները

անկարող էին եղել նրան մի որոշ ուղղութիւն տալ, նախապատրաստել կեանքի համար: Սեզրակը խօսում էր ուրիշն խօսքերով, դատում էր հօր պատողութեամբ, գործում էր նրա կամքով: Ուրիշ էր Մարիամը: Այդ ընդունակ աղջիկը հարուստ պաշար էր դուրս բերել օրիորդաց ուսումնարանից և զանազան գրքեր կարգալով բաւական զարգացել էր, այնպէս որ նա աւելի լաւ վարժուհի էր Սեզրակի համար, քան թէ ամուսին:

Առաջին ամիսները բաւական խաղաղ անցկացան: Ամուսնութեան առաջին քաղցր ամիսները թռան գնացին... Պարտիզապատ գիւղե սովորութիւնն էր, որ երիտասարդները ամուսնանալուց հաղել երեք, չորս ամիս անցած գընում էին օտար երկիրներ և շատերը նրանցից տարիներով չէին վերադառնում: Կանանց մնում էր անսեսութեամբ պարապել:

Երեք ամիս էր անց կացել Սեզրակի ամուսնութիւնից յետոյ: Երեկոյ էր, Ասլանի ընտանիքը հաւաքվել էր մի սենեակում: Գիւանի վրա նստել էր Ասլանը, քիչ հեռու իր թանգագին կէտը, մի կողմն էլ Սեզրակը և Մարիամը: Ամենքը լուռ նայում էին Ասլանին, սպա-

սում էին, որ նա սկսի խօսակցութիւնը: Բու-
խարում պառկած կատուն անգամ չուռ նայում
էր Ասլանին:

— Էզուց գնա պաղարօժնա վեր առ, դի-
մեց Ասլանը Սեղրակին, ընդմիջելով խորհրդա-
ւոր լռութիւնը:

— Ո՛ւմ համար Ափի, հարցրեց Սեղրակը:
Մարիամի սիրտը խփում էր:

— Քեզ համար, պատասխանեց հայրը,
բաւական է ինչ տանը մնացիր: Սենք գործեր
ունենք, պէտք է գնաս Սուկով, հսկես առու-
արի վրա:

— Լաւ կը լինի:

— Երկու օրից յետոյ պէտք է գնաս, շուտ
պատրաստվիր:

Մարիամը տեսնում էր իր սկեսարի վճռողա-
կան դէմքը, բայց չը կարողացաւ համբերել և
ասաց.

— Մի՛թէ այնքան հարկաւոր գործ է, որ
Սեղրակը այդքան շուտ պէտք է գնա. միթէ նա
չէ կարող մի քանի ժամանակ էլի մնալ...

— Գործը միշտ հարկաւոր է, ընդմիջեց
Ասլանը, իսկ նրա մնալը քո բանը չէ. Էդպէս
դու ինձ հետ չը պէտք է խօսես. ամօթ է ու-

ղեմն երկու օրից պատրաստ լինես, դիմեց նա
Սեղրակին և դուրս գնաց սենեակից: Նրան
հետեւեց և իր կինը:

— Ի՞նչի դու այդպէս շուտ համաձայնեցիր
հօրդ հետ, ասաց Մարիամը Սեղրակին, երբ
նրանք մենակ մնացին: Երեւի դու էլ ուզում ես
շուտ գնալ, հեռանալ ինձանից...

— Հօրս կամքը պէտք է կատարեմ, ես ինչ-
պէս կարող եմ նրան հակառակել. դու էլ
իզուր ասացիր, նա խօ քեզ էլ չը լսեց և մի
և նոյն ժամանակ նեղացաւ քեզ վրա:

— Բայց ես ուզում եմ, որ դու էլի մնաս.
հարկաւոր գործ չը կայ, մենք նոր ենք պսակ-
վել: Ես չեմ ուզում քեզանից հեռու լինել,
աղաչում էր Մարիամը Սեղրակին, փաթաթ-
վելով նրան:

— Կամաց, կամաց, հայրը կը լսէ. անկա-
րելի բան ես ուզում. պէտք է գնալ. Ափին
ասում է որ գործը միշտ հարկաւոր է, պատաս-
խանեց Սեղրակը, դու էլ նրան պէտք է խո-
նարհ լինես...

Առաջին անգամ չէր, որ Մարիամը այսպիսի
խօսքեր էր լսում իր ամուսնից: Առաջին ան-
գամ չէր, որ նախատվում էր իր սկեսարից...

նա շատ լաւ հասկանում էր իր ամուսնական իրաւունքները, բայց ում ասէր, ո՞ւմ գանգատ վէր, ո՞ւմից պաշտպանութիւն խնդրէր: Մի քանի այսպիսի նախատինքներ, մի քանի այսպիսի թուլութիւններ ամուսնի կողմից և կինը առաջին պատահողը գիրկը կրնկնի...բայց ո՞վ է մտածում սրա վրա, ո՞վ նրան մարդատեղ է դնում.:

— Աւրեմն պէտք է դնաս, Սեդրակ, ասաց Մարիամը և արտասուքները թափվեցան նրա աչքերից...

Ափսոս չե՞ս, Մարիամ, որ լաց ես լինում: Ափսոս, որ չեմ կարող արտասուքներդ քաղցր կաթիլները հաւաքել: Լաց մի լինիր, իմ քաղցրիկ, կամքիդ մատաղ լինեմ, Մարիամ...Բայց հայրը հրամայեց և որդին երկու օրից յետոյ ծանապարհին էր դէպի Մօսկվա...

V

Մարիամը մնաց իր սկեսարի կատարեալ իշխանութեան տակ: Պէտք է նրա բոլոր կամքերը կատարէր, պէտք է նրա բոլոր ցանկութիւնները գուշակէր, պէտք է նրա վերաւորանքները տանէր. հարսանիքից երեք ամիս յետոյ, այն ժամանակ երբ ամեն մի կին իրան

զրախտումն է համարում, Մարիամը այդ ժամանակ պէտք է ապրէր Հայրապետնեց Ասլանի համար: Իսկ պառաւի խիղճը նրան չէր տանջում. նորա համար անհասկանալի էր, որ որդին և հարսը իրանց համար են ստեղծված, իրանց կամքը պէտք է ունենան: Ոչ, նորա ստեղծվել են պառաւի համար, նորա խաղալիկներն են Պառաւը իր բռնաւորութիւնը տարածում էր կոպտաբար Մարիամի վրա, որովհետեւ դա իր ստորագրեալի, Սեդրակի, ստորագրեալն էր... Այլ ևս չեմ կարող համբերել, Սեդրակ, գրեց նա մի նամակ, եկ շուտով: Ինձ ամեն բօպէ նախատում են...եթէ դրանը կանգնում եմ, հայրդ ասում է, որ ես սիրեկանի ծանապարհ եմ սպասում... եթէ մի մարդու նայում եմ, ասում է, որ դա ո՞վ է, որ դրան այդպէս մտիկ ես տալի... եթէ մի գիրք եմ կարդում, ասում է, որ սիրահարութիւն ես սովորում...» Սորա պատուսխանը հօր նամակումն էր գրած. «Սփի, Մարիամին ասա, որ քեզ հնանգանդ լինի...» Այլ ևս Մարիամին չէին տալի Սեդրակին առանձին նամակ գրել և ինքն էլ ցանկութիւն չունէր գրելու. Սեդրակը չը կարողացաւ նրան պաշտպանել, Սեդրակը չէր

կարող նրան պաշտպանել, նա կրաւորականութեան էր հասցրած, Սեդրակը կորցրեց իր համարումն Մարիամի աչքում: Մէկ մարդ պատահէր Մարիամին, մէկը թող նրան համակրէր, երկու միտթարական խօսք ասէր, և Մարիամը նրա գիրկը կընկնէր, նրա ստրուկը կը լինէր... բայց ո՞վ կար Պարտիզապատում:.. Ոչ ոք չունէր Մարիամը, որին գանգառփէր, նա որք էր, ազգականները նրան չէին հասկանայ և եթէ պատմէր էլ նրանց, պէտք է Սեդրակի խօսքերը կրկնէին:

Տարի ու կէս անցել էր Սեդրակի գնալուց: Մեծ պատի առաջին շաբաթվայ ուրբաթ երեկոն էր: Սուրբ Շմաւոն եկեղեցում՝ ժամը արձակվել էր: Մերունի քահանան (զա Մարիամի կրօնի ուսուցիչն էր) սև փիլճոնը ծածկած, չոքել էր կանանց դասում, նորա ետեւից խոստովանող կանայքն էին կանգնել ամենից յետ Մարիամն էր: Կանայք պատկառանքով մօտենում էին քահանային, ստամուտ էին միտթարական խօսքը և հեռանում: Ամենից վերջը մօտեցաւ Մարիամը, ծնկի վրա ընկաւ և արտասուք թափելով պատմեց ամեն բան իր նախկին ուսուցչին: Մերունին լսում էր և գլուխը շար-

ժում: Երբ Մարիամը վերջացրեց, նա ասաց.

— Այոթիր, Մարիամ, այոթքի մէջ հանգստութիւն կը գտնես: Հնազանդվիր քո վիճակիդ. Փրկիչը հեղութիւն է քարոզում:

Մարիամը հեռացաւ մի փոքր թեթևացած, բայց երկար չըտեւեց այդ դրութիւնը. նա 17 տարեկան էր, նորան սէր էր հարկաւոր, նրան կեանք էր հարկաւոր... մէկը չը կար, որ ասէր. «Արի ես սփոփեմ ցաւերդ», մէկը չասաց նրան. «Դու միայն ուրիշների համար չես ստեղծվել, քեզ համար պէտք է յապրես. արի, գնանք փախչենք. ապրենք միասին, ես քեզ երջանիկ կանեմ»: Զը կար այդպիսին և մինչև հիմա էլ չը կայ: Ես էլ, ընթերցող, կը վերջացնեմ պատմութիւնս, մինչև այդպիսի մէկը երևան զայ... Բարով մնաս իմ սիրուն, իմ քաղցրիկ, իմ հոգւոյս հատոր Մարիամ:

Մ Ա Ր Ի Ա

I.

Յունվար ամիսն էր: Այն օրերից մէկը, երբ վաճառականները և կոմիսիօնէրները Փօթիում աւելի շատ են զբաղված, որովհետեւ այդ օրը մի քանի նաւ էր եկել և մի քանիսն էլ գրնում էին: Ամեն տեղ աղմուկ և վազվզոց էր: Վաճառականները շապեցնելով մշակներին, մի քանիսը իրանց ապրանքը նաւի վրա էին դրսել տայի, միւսները նուեից վեր բերում: Այստեղ շոգենաւերից մէկը, բոլորովին պատրաստ դէպի ճանապարհ, կապիտանի հրամանից յետոյ, շարժում է իր անիւնները և վրդովելով Քիօնի հանգիստ մակերևոյթը վազում է առաջ, թողնելով իր ետեւը ալեքներ, որոնցից փախչում են փոքրիկ նաւերը:

Շոգենաւի վրա անց ու դարձ են անում զանազան մարդիկ, մի քանիսը երեսը խաչ հանելով, իսկ միւսները նայելով Քիօնի փերերին, որոնց նրանք թողնում էին: Մի ուրիշ նաւ դեռ նոր է պատրաստում իր շոգիները, որոնք բար-

կանալով դուրս են թափվում խողովակներից: արևը բաւականին բարձրացել էր, նրա ճառագայթները, անցնելով Քիօնի ջրերից խառնվում էին յատակում, երևեցած ամպերի ցողացման հետ:

Արեք մարդ մտնում էին փին դէպի այն կողմը, ուր միշտ կանգնած էին լինում նաւակներ: Նրանք հագած ունէին եւրօպական հագուստներ: Նրանք կարծես հաւասար մարդիկ էին, կարելի է ընկերներ, այդպէս գոնեա երեւում էր նրանց քայլուածքից, բայց եթէ մօտիկ լսէին նրանց խօսակցութիւնը, կերևար, որ պարոններից մէկի ձայնը աւելի հրամայողական էր և թէպէտ միւսները նրան ասում էին «դու», բայց այդ զգուս փաղաքշական էր: Երևում էր, որ միւսները կախում ունէին նրանից: Սրա դէմքը մաշված էր, աչքերի տակ սև գիծ էր անցկենում, երևում էր, որ սա բաւական շոտյլ կեանք է անցկացրել: Միւսները դրանից շատ քիչ էին զանազանվում:

— Ուրեմն, Օսինկա, դու այստեղ կը սպասես, մինչև Վասօի դալը:

— Գիտեմ, ես լաւ սովորել եմ իմ դասը: Բայց ասա խնդրեմ, Ատեփան, ինչե՛ համար

դիմել այդպիսի միջոցներին. կարծես ուրիշ կերպ չէ կարող լինել:

— Ես ասում եմ, որ չէ կարելի, ասաց երիտասարդներից նա, որին դիմեց Օսինկան կիսաընկերական և կիսահրամայողական ձայնով. մի՞թէ այդքանը քեզ բաւական չէ: Իսկ եթէ դու ինձ չես ուզում օգնել, այդ ուրիշ բան է:

— Այդ մասին ես չեմ խօսում, հարցը դրա մէջ չէ. ես ուզում էի, որ կարճ միջոցում լինի և այդպէս չերկարանայ, ասաց Օսինկան:

— Եղբայր, մենք դրա մասին արդէն խօսեցինք, խառնվեց երրորդ երիտասարդը, Վասօն, էլ ի՞նչի ես երկարացնում:

Վերջապէս, Օսինկա, ասա կարճ, որ դու ինձ չես ուզում օգնել. դու զիտես, մի և նոյն է, ասաց Ստեփանը:

— Լաւ է, զնացէք. ինձ համար էլ մի և նոյն է, այդ որսը իմ սեղանի համար չէ պատրաստվում, ես այստեղ սպասում եմ:

— Ուրեմն ցտեսութիւն, իմ ապագայ բժիշկ:

— Ցտեսութիւն իմ ապագայ հիւանդ, ասաց Օսինկան:

Երիտասարդներից երկուսը, Ստեփանը և Վասօն, սեղմեցին Օսինկի ձեռքը և նստեցան

ափի մօտ կանգնած երեք թիաւարներով նաւակի մէջ:

— Որ կողմը, հարցրեց թիաւարներից մէկը:

— Դէպի փարոսը, ասաց Ստեփանը, նըստելով նաւակի մէջ: Թաւարները լսփեցին իրանց թիերը և նաւակը սողալով Բիօնի երեսին, վաղեց դէպի ծովը, որի մօտ գտնվում էր փարոսը:

II.

ՍԼ ծովեց փոքր ինչ հեռաւորութեամբ, Բիօնի ափին գտնվում է փարոսը, որը ամեն զիշեր լուսաւորված է լինում նաւերին ճանապարհ ցոյց տալու համար: Այդ ահագին շինուածքը տիրապետում է ոչ թէ միայն Փօթիի վրա, այլ և նրա շրջականների վրա: Փոքրիկ բալկօնից, որ շինած է փարոսի ծայրի չորս կողմը, երևում է մի կողմից ծովը մեծ տարածութիւնը, միւս կողմից Փօթիին շրջապատող դաշտերը, ծածկված անտառներով, որոնք փոքրը ծառերով սկսվում են Փօթիի մօտ, և աւելի ու աւելի հեռանալով դէպի Գութայիս նրանք ստանում են հսկայական դէմք: Կանգնած այդ բալկօնի վրա, նայելով դէպի ծովը և ցամաքը

մարդ զուարճութիւն է զգում, տեսնելով իրան այդպէս մօտ բնութեանը: Այստեղ, հեռու շատ հեռու ասից երկինքը միանուս է ծովի հետ, կարծես կազմելով մէկ անանցնելի սահման: Թեթև քամին այդտեղեց ծախելով մէկը միւսի վրա բերում է փոքրիկ ալիքներ, որոնք աւելի և աւելի մեծանում են, դիպչում են ասիին և փշրվում են բարձր գցելով փոքրիկ կաթիլներ, որոնց միջից անցնելով արևը կարծես կայծեր է կազմում և հօղի վրա թողնում է փոքրիկ ծիածան: Այստեղ և այստեղ զանազան թռչունները խաղալով իրանց թևերով քամու հետ ընկղմվում են ծովի մէջ և իրանց կտուցով ձուկը բռնած, հեռանում են դէպի ցամաք իրանց աւարով: Այստեղ փոքրիկ նաւակը հազիւ հազ երևում է ծովի մակերևոյթի վրա, այստեղեց մի շողենաւ հսկայական քայլերով մօտենում է դէպի ասիը: Յամաքից զանազան թռչունների ձայներ են լսվում, նրանց թռում, ազաւաի զըրյորոցը խառնվում է երգիչ թռչունների ճրկճրկալու հետ:

Ահա այստեղ կը խնդրէի իմ ընթերցողին հեռւեւել ինձ, և ինձ հետ միասին մի հայեացք ձգել փարոսի մօտ գտնված, կիսածուռ տախ-

տակեայ շինուածքի դրան վրա: Այդտեղ նստած է մի աղջիկ, որին 16 տարիից աւելի տալ չէ կարելի: Նա հազնված է հասարակ չիթ դերիա, որի տակից, ինքնահաւանութեամբ դուրս է բերած փոքրիկ, դեղեցիկ ոտք: Նրա սև, խայտառ մազերը երկու հարուստ հիւսեր են ներկայացնում, որոնցից մէկը մէջքի վրա է զգված, իսկ միւսը ընկած է սպիտակ կրճքի վրա, որ մօտակայ ծովի ալիքների նման բարձրանում և ցածանում է: Նրա դէմքը մանուկ երևալի դէմք է, բայց նայիր նրա վառված աչքերին, նրա լայն կրճքին, նրա բոլոր կազմվածքին և դու կը տեսնես այն կրակով լեքը, հասալին առած աղջիկներից մէկին, որոնց պատահում ես միմիայն հարաւում:

Նրա փափուկ ծնկան վրա յանդգնութեամբ դրել է իր դուխը մի ծերունի և պարկել է դետնի վրա: Աղջիկը մէկ ձեռքով թեք է ընկել սանդուղքի վրա, իսկ միւսով խաղում է ալևորի ձիւնի նման սպիտակ մազերի հետ:

Ծերունու ճակատը և դէմքը ծածկված են կընձիռներով, սպիտակ միրուքը ծածկել է նրա կուրծքը: Ծերունին ուշադրութեամբ լսում է աղջկայ երգը և նրա աչքերից վազած արտա-

սուքները թաց են անում իր ալեզարդ միրուքը:

Լուսինը բարձրից նայում է դրանց վրա և այդ պատկերին տալիս է մի խորհրդաւոր դէմք:

Աղջկը կարեց երգը, նրա արձագանքը խառնվեց ալիքների աղմուկի հետ:

— Եարունակիր, Մարիա, ասաց ծերունին, շարունակիր. մէկ այդ քո երգը և մէկ Գրիգորի տեսքը ինձ յիշեցնում են իմ երիտասարդութեան երջանիկ ժամանակները, այն ժամանակները, երբ այս ձեռքերը մի անգամից բարձրացնում էին առագաստը, երբ այս կռները ուժով խփում էին թիերը և նաւակը մի քանի քայլափոխ առաջ էին գցում: Ծերունին այս ասելով ձեռքը տարաւ իր միրուքին և այդպէս լուռ մնաց, կարծես նա ընկղմվեցաւ անցեալի մէջ:

— Գիու ծովը շատ էիր սիրում, հայր, ասաց աղջկը փաղաքշելով ծերունուն:

— Հա, լաւ ժամանակներ էին, շարունակեց ալեւորը, կարծես հետևելով իր մտքերին, շատ լաւ ժամանակներ էին: Մանաւանդ երբ ես պսակվեցայ: Այն ժամանակ ես չէի ափսոսում, երբ հեռու ճանապարհորդութենից գալիս էի ցամաքը, երբ զրկվում էի ծովի հսկայական պատկերը տեսնելուց... հա, չէի ափսոսում,

որովհետև ափին ինձ սպասում էր Սալոմէն: Ես լաւ յիշում եմ այն քաղցր լուսին, երբ նրա հետ ամբողջ տարի ու կէս չք տեսնվելուց յետոյ, նա իմ առաջը դուրս եկաւ Տ ամսական Գրիգորին դռնէն կաած: «Սա քո որդին է, Զաքար», ասաց նա և ցոյց տուեց երեխային: Մի և նոյն դէմքը, որ հիմա դու տեսնում ես, մի և նոյն դէմքը ունէր Գրիգորը երեխայ ժամանակ: Երբ առաջին անգամ ինձ տեսաւ մանուկը, նա պտրղեց դէպի ինձ իր առողջ ձեռքը և զլխարկս մէկ սաժէն հեռաւորութեամբ գցեց, այն ժամանակ ես 47 տարեկան էի, հիմա անցել են 30 տարի և այն երեխան իմ Գրիգորը, որ փետուրի նման թեթեւ էր, այս լուսին երևի խաղում է ծովի զայրացած ալիքների հետ: Նա այժմ երջանիկ է:

Ծերունի Զաքարը սիրում էր միշտ պատմել իր անցեալը: Շատ անգամ Մարիան մի և նոյնը լսել էր նրանից, շատ անգամ տեսել էր ծերունու սպիտակ միրուքի վրա փայլուն արտասուք անցեալը մտաբերելիս, բայց կրկին նա ուշադրութեամբ լսում էր, լսում էր, որովհետև դիտէր, որ այդ պատմութիւնը ծերունուն թեթեւացնում է:

— Դու կրկին գնացիր ծովը, հայր, ասաց Մարիան, և երբ վերադարձար:

— Հա, գնացի... վերջին անգամ գնացի, իսկ երբ վերադարձայ Սալոմէն չը կար. նա իր շունչը փչել էր Աստուծուն: Մնաց ձեռքիս երկու տարեկան Գրիգորը և նրա համար ես մընացի ցամաքի վրա: Իմ բոլոր կեանքը կենտրոնացաւ Գէորգի վրա, նրան ես գոհեցի ծովը, նրա համար հայրը և մայրը ես էի: Երբ նա բաւական մեծացաւ, ես տանում էի նրան փոքրիկ նաւակով ծով, սովորեցնում էի թիավարել, իսկ տան և հինգ տարեկան հասակում նա ամենալաւ թիավարն էր: Իմ պատկերը ես նրա մէջն էի տեսնում... հա, շատ նմանութիւն կայ իմ և նրա մէջ, ասաց նա, կարծես ինքն իրան, միայն նրա վերջը... ես չէի ուզէնայ, որ նրա վերջն էլ իմ նման լինի... Մարիա, ի՞նչ ասաց նա քեզ վերջին անգամ գնալիս, հարցրեց նա յանկարծ:

— «Ապասիր, Մարիա, սպասիր, յիշեր և ինձ մի մոռանայ:»

— «Ապասիր, յիշեր և ինձ մի մոռանայ,» նոյն խօսքերը, որ ես Սալոմէին ասացի: Հա, ինձ խիստ է նման Գրիգորը: Ես յիշում եմ,

ինչպէս նա, երբ մէկ անգամ մենք փոքր նաւակով գնացել էինք ծովը, փոթորիկ բարձրանալուց յետոյ, խնդրում էր, որ մենք փոխանակ դէպի ափ թիավարելու, դէպի ծովը գնանք, իսկ երբ ես թոյլ չը տուի, նա սկսեց դէպի ցամաքը թիավարել, բայց ժամանակ առ ժամանակ կրակոտ հայեացքներ էր գցում դէպի ծովի խորքը, կարծես նա մենամարտութեան էր կանչում ալեքներին, կարծես նա ուզում էր ասել. «ես ստիպված եմ փախչել ձեզանից, բայց ուրիշ անգամ կը պատահենք:»

— Դու մասնակցեցիր նրա առաջին ճանաչորդութեանը ծովով, հարցրեց Մարիան:

— Չէ, ես պատրաստվում էի, բայց իմ մի ընկեր թիավար մեռաւ ձեռքերիս վրա և քեզ երկու տարեկան երեխիւ թողեց իմ հովանաւորութեան տակ: Ես թողի իմ որդուն և սկսեցի քեզանով պարապել: Այն ժամանակից դու իմ անբաժան ընկերն ես, ես սիրեցի քեզ իմ որդու չափ, Մարիա, և այժմ դու վճարում ես իմ սիրոյ փոխարէնը:

Մի արտասուք գլորվեցաւ ծերունու սպիտակ միւրուքի վրա, աղջկը իր սիրուն ձեռքերով գրկեց նրա ալեգարդ գլուխը:

— Ես միշտ կը սիրեմ քեզ, դու իմ երկրորդ հայրն ես, դու իմ հարազատ հայրն ես, ասաց նա վերջապէս երկար լռութենից յետոյ:

— Լսիր, Մարիա, ասաց ծեր Զաքարը մի քննող հայեացք ձգելով աղջկայ վրա, դու սիրում ես Գրիգորին:

— Հա սիրում եմ, քեզանից յետոյ նրան եմ սիրում: Նա իմ եղբայրն է, իմ բարեկամը, ի՞նչպէս կարող եմ չը սիրել նրան: Ի՞նչպէս կարող եմ մոռանալ նրան, իմ մանկութեան ընկերոջը:

— Հա, սիրիր նրան, Մարիա, ես երջանիկ կը մեռնեմ երբ կը տեսնեմ ձեզ պսակված:

Աղջկէ կարմրեց: Նա անհանգստութեամբ իր աչքերը չորս կողմը դարձրեց, կարծես վախենալով, որ մէկ ուրիշը կարող է այդ խօսքերը լսել... նա յիշեց այն երիտասարդին, որ արգէն քանի օր է շրջում էր փարոսի չորս կողմը և շուաքի նման ամեն տեղ հետևում էր Մարիային: Անծանօթը շատ հետաքրքրում էր Մարիային: Աղջկէ շուտ ընդմիջեց ծերունու խօսքը:

— Քննելու ժամանակ է, հայր, ես արգէն պատրաստել եմ քո անկողինը, գնանք:

Ծերունին համբուրեց աղջկան և իր ձեռքը նրա ուսին դրած մտաւ տուն: Մի քանի ժամից յետոյ ամեն տեղ լռութիւն էր տիրում: Մոռիլէ հանգիստ մակերեւոյթի վրա պառկել էր փարոսի հսկայ շուաքը...

Երկար ժամանակ մի կողմից միւս կողմը պտղտում էր Մարիան իր անկողնի մէջ այդ գիշեր, բայց չէր կարողանում քնել: Նրա առաջ կանգնած էին Գրիգորը և իր տեսած անծանօթը, այդպէս էր թւում աղջկան: Նա շիր աչքերը հեռացնում էր, բայց այդ երկու մարդիկ կրկին նրա առաջն էին: Նրա երեւակայութեան մէջ այդ պատկերը փոխվում էր: Ծերունու մօտն էր Մարիան Զաքարը ասում էր, որ երջանիկ կը մեռնի, երբ կը տեսնէ Մարիային ամուսնացած Գրիգորի հետ... իսկ այն անծանօթը մօտիկ կանգնած, լսում էր այդ խօսքերը:

Աղջկէ իր սրտում նեղանում էր ծերունու վրա, նեղանում էր անծանօթից, որ նա այդ խօսքերը լսում էր...

Մարիային թւում էր, որ իր անծանօթը հեռու կանգնած է և կանչում իրան և ինքն էլ չէ կարողանում ընդգիմանալ, ուզում է վազել նրա մօտ գրկել նրան...

Նա վերկացաւ անկողնից, մօտեցաւ պատուհանին և բաց արաւ: Լուսնի արծաթեայ ճառագայթը ընկաւ նրա սպիտակ, մերկ կուրծքի վրա: Նա գցեց իր հայեացքը հեռու, անսահման տարածութեան մէջ և այդպէս երկար մնաց այն դրութեան մէջ, երբ ուղեղը այլ ևս չէ աշխատում ու մարդու գոյութիւնը զգացմունքի մէջ է կենտրոնանում:

Մարիան ցուրտ զգաց...

— Ես չեմ սիրուն Իրիզորին, հայր, չեմ սիրում նրան, ասաց նա բարձր և փակեց պատուհանը:

— Չեմ սիրում նրան, կրկնեց խրոխտ փարոսի արձագանքը:

III

— Է՛յ, ո՞վ կայ այդտեղ, մենք ուզում ենք փարոսը տեսնել:

Այս ասուցը Ստեփան, կամ Ստեպիօն էր, ինչպէս ընդունված էր նրան կանչել իր ընկերների մէջ:

Մամաջանեանց Ստեպիօն մի շատ հարուստ մարդու որդի էր, այնքան հարուստ, որ կարող էր պարծենալ թէ Քիֆլիսի կէսը իրանն է:

Հարստութեան հետ Ստեփանի հայրը ուս-

ել էր և կրթութիւն: Թուսաստանի համալսարաններից մէկումն էր դասախօսութիւններ լսել Ստեփանը, բայց այնտեղից դուրս էր եկել նոյն դասարկ գլխով, որով մտել էր:

Փոխանակ սովորելու, նա քէֆ էր անում, սիրեկաններ էր պահում և փոխում էր նրանց, ինչպէս շապիկը փոխում են: Նա լաւ երգում էր օպերեաներից, կանանց հասարակութեան մէջ անման էր, գիտէր ժամանակին մի օրիորդի շողքորթող խօսք ասել, իսկ պսակված տիկնոջը բարեկերև սովորականից աւելի պինդ սեղմել ձեռքը: Ստեփանը իրան շրջապատել էր իր նման ընկերներով, որոնք նրա հաշուով էին ապրում և մի և նոյն ժամանակ նրա նպատակներին ծառայում: Ստեփանը ունէր փող, գումար, այդ միակ բանը, որ իրաւունք է տալի ամեն բան անելու և ամեն բան անում էր: Նա այժմ եկել էր մի քանի օրով Փօթի և չէր ուզում վերադառնալ Քիֆլիս առանց սովորական որսը անելու, իսկ այդ որսը նա տեսել էր փարոսի մօտ, որտեղ նա հիմա կանչեց պահապանին, որ գուռը բաց անեն և ցոյց տան նրան փարոսը:

— Պահապանը այստեղ չէ, պարոն, ասաց

նրան Մարիան, ես կը բաց անեմ ձեզ համար
դուռը:

— Հա, խնդրեմ բաց արձ, ասաց Ստեփա-
նը և աղջկայ վրա ձգեց մի կրակոտ հայեացք,
որի առաջ Մարիան աչքերը վեր թողեց:

Դուռը բացվեց և Ստեփանը Վասօի հետ
մտան փարոսը և սկսեցին բարձրանալ սան-
դուղքով:

Բայց դեռ կէսին չը հասած յանկարծ մի
ձայն լսվեցաւ և Ստեփանը ընկաւ սանդուղք-
ների վրա:

Վասօն նրան ցած բերեց: Այդ աղմուկը լսե-
լով դուրս եկաւ և ծերունի Զաքարը: Վասօն
զիմեց նրան:

— Ի՞մ բարեկամը յանկարծ հիւանդացաւ,
նրան այժմ չէ կարելի տանել, չունէք արդեօք
մի սենեակ, որտեղ դնենք նրան մինչև բժշկի
բերելը: Ես ձեզ կը վարձատրեմ:

— Չէ հարկաւոր, ասաց ծերունին: Մարիա,
զիմեց նա աղջկան, տուր դրանց քո սենեակը
առ ժամանակ, իսկ դու ինձ մօտ կը լինես:

Ստեփանին տարան սենեակը և գրին Մա-
րիայի անկողնի վրա: Վասօն դնաց բժշկի ետե-
կց, ծերունին դուրս եկաւ և հիւանդի մօտ

մնաց Մարիան: Նա նայում էր Ստեփանի մաշ-
ված, գունաթափ երեսին:

Աղջկը ճանաչեց անձանօթ իրիտասարդին,
որ անդադար շրջում էր փարոսի չորս կողմ:
Նա մօտեցաւ նրան, կռացաւ և երկար հայ-
եացք ձգեց հիւանդի վրա. կարեկցութիւն
գծագրվեցաւ Մարիայի երեսին:

— Մի բաժակ ջուր, ասաց հիւանդը թոյլ
ձայնով:

— Իսկոյն:

Մարիան բերեց ջուրը, բարձրացրեց հիւան-
դի գլուխը և մօտեցրեց բաժակը նրա շրթունք-
ներին: Հիւանդը խմեց, յետոյ նայեց Մարիայի
վրա: Նրանց հայեացքները պատահեցան:

— Ենորհակալ եմ... ի՞նչպէս է անունդ:

— Մարիա:

— Ենորհակալ եմ, Մարիա:

Եկաւ բժիշկը գրեց մի դեղ և արգելեց հիւ-
անդին տեղափոխել, ասելով, որ դրանից Ստե-
փանը կարող է մեռնել:

— Գոնեա մի երկու շաբաթ հարկաւոր է
գրան այստեղ թողնել, իսկ յետոյ կարծեմ կա-
րելի է տեղափոխել, ես երեկոյեան ելի կը մօ-
նեմ, ասաց բժիշկը, վերցնելով իր գլխարկը:

— Ի՞նչպէս պէտք է գործածել այդ դեղը, Տարցրեց Մարիան:

— Դո՞ւ կը ծառայես հիւանդին, շատ լաւ տրվէք ամեն երկու ժամից յետոյ մի մի բաժակ այդ դեղից, այս ասելով բժիշկը կամ աւելի լաւ է ասել Ստեփանի մտերիմ Օսինկան դուրս գնաց սենեակից:

Մարիան մնաց հիւանդի մօտ: Նա ծառայում էր հիւանդին, տալիս էր նրան դեղ, ուղղում էր նրա բարձերը, խօսում էր նրա հետ:

IV

Անցան ութ, ինն օր: Մարիան փոխվեց. նրա առաջվայ միշտ ուրախ դէմքը միայն այն ժամանակ լինում էր հանդիստ, երբ նա խօսում էր հիւանդի հետ կամ նրան ծառայում: Այդ փոքրիկ ծառայութիւնները աւելի շուտ և շուտ էին կրկնվում: Հիւանդի և Մարիայի յարաբերութիւնները բարեկամական էին իսկ բարեկամութենից դէպի սէրը մեծ չէ հեռաւորութիւնը:

Անցան ութ, ինն օր. Մարիան Ստեպկոսից չէր հեռանում՝ նրանք երկուսը անբաժան էին: Ստեպկոս հետզհետէ առողջանում էր: Նրանք միասին նստում էին վառած բուխարի առաջ,

միասին անցնում էին փարոսի չորս կողմը: Մի կար, կամ կիսագործ չուլքին ձեռին Մարիան միշտ Ստեփանի կողքին էր լինում, ժամանակ առ ժամանակ նա բարձրացնում էր իր սիրուն աչքերը, մի հայեացք էր գցում Ստեփանի վրա, մի թափանձիկ հայեացք, որ կարծես սիրտն էր մտնում, տեսնելու թէ այնտեղ ինչ է լինում: Կարծես Մարիան մոռացաւ ծերունի Զաքարին, չը կար այլ ևս առաջուայ հոգատարութիւնը, նա էլ չէր երգում ծերունու սիրած երգը, չէր նստում նրա հետ դուրսը և Գրիգորի վրա խօսում: Ստեփան, Ստեփան և միշտ Ստեփան, սրա մօտ էր լինում Մարիան:

Մարիան տասն և վեց տարեկան էր արդէն: Նա այն հասակումն էր երբ ամեն աղջիկ, ամեն երեխայ կին է դառնում: Այդ փոփոխութիւնը նշմարվում էր և Մարիայի մէջ: Նա անհանգիստ էր լինում, ընկնում էր յանկարծ մտածմունքի մէջ, բայց թէ ինչի վրա էր մտածում, ինքն էլ չը գիտէր: Անցնելու ժամանակ նա յանկարծ բռնում էր Ստեփանի ձեռքը և քաշ էր ընկնում նրա ուսից:

— Ախ Ստեփան, էլի կրկնիր ինձ, որ սիրում ես ինձ, էլի մէկ անգամ ասա:

— Միրում եմ և միշտ կը սիրեմ, թող բոլորը, լսիր ինձ: Ինչ պէտք է լինի քեզանից այստեղ, այդ մարդիկը չեն կարող քեզ գնահատել, իսկ մենք միասին երջանիկ կը լինենք:

— Դու ինձ կը թողնես Ստեփան: Այս ինչի տեսայ քեզ, ինչի դու հիւանդացար, ինչի եկար մեր տուն, ասում էր աղջիկը յուսահատված:

— Քեզ թողնել, չէ Մարիա, երբէք ես քեզ չեմ թողնի: Մենք անբաժան կը լինենք: Ես ինչի պէտք է թողնեմ քեզ. ես հարուստ իսկ դու գեղեցիկ. ասում էր Ստեփանը սեղմելով Մարիայի ձեռքը:

— Մի բան մոռանում ես, չէ՞ որ դու կամուսնանաս, իսկ այն ժամանակ... ինձ կը թողնես... մի ուրիշ կնոջ համար... ոչինչ, թող ինձ, բայց ոչ թէ ուրիշ կնոջ համար, աւելելաւ է մեռնել:

— Ամուսնանալ: Ձեմ հասկանում թէ դու ի՞նչի ես կարծում, որ մենք ամուսիններ չենք լինի: Անպատճառ հարկաւոր է, որ քահանայան մեզ պսակէ, այդ է քո կարծիքով ամուսնութիւնը:

— Բաս ուրիշ ի՞նչ կարող է լինել, ասում

էր Մարիան զարմացած, առանց քահանայի ամուսնութիւն...

— Երեխայ ես, հոգիս: Մենք միասին կապրենք, ուրիշն չեմ առնի կնութիւն, սա ամուսնութիւն չէ բաս ի՞նչ է:

Այսպէս խօսելով նրանք մտնում էին փարոսին: Ստեփանը յոյսեր էր տալիս, փողաքշում էր աղջկան. սեղմում էր նրա ձեռքը: Մարիան հետզհետէ անշարժ էր դառնում, նա իր հայեացքը ցցում էր մի առարկայի վրա և ելչէր հեռացնում:

Նրանք մտնեցան փարոսին, բաց արին դուռը և մտան ներս: Լավեցան նրանց քայլերի ձայնը, որ ազմուկով կրկնեց փարոսի արձագանքը: Քամին փչում էր, երկինքը ամպերով էր ծածկվել և փարոսի շրջակայքի վրա կիսամութ էր տարածվել:

— Գլուխս պտուտ է գալիս, ասաց Մարիան և իր գլուխը դրեց Ստեփանի ուսի վրա...

— Դու երեւի վերե նայեցիր, ասաց Ստեփանը, ծածկիր աչքերդ՝ այդ սանդուղքի պտոյտներին է:

Աղջիկը ծածկեց աչքերը, նա աւելի մօտիկ կպաւ Ստեփանին...

— Կարծես այստեղ մի մարդ կայ, ասաց Մարիան, ես վախենում եմ:

— Չէ, մի վախենայ, նստենք այստեղ. բայց ինչպէս խփում է քո սիրտը, ասաց Ստեփանը և սկսեց աւելի պինդ սեղմել աղջկայ ձեռքը:

Նա իր ձեռքը փաթաթեց աղջկայ մէջքին և այդպէս մնում էին մի քանի րոպէ:

Աղջկը հետզհետէ թուրանում էր: Նրա շըրթունքների վրա անզգայ մի ժպիտ էր խաղում: Կուրծքը անհանգիստ բարձրանում էր և թեթևանում էր ծանր և խորը հառաչանքներով: Նա սկսեց լաց լինել ինքն էլ չը գիտենալով ինչի համար, առաջ կամաց, յետոյ բարձր, յետոյ էլի կամաց: Նա սեղմում էր Ստեփանի ձեռքը և ժամանակ առ ժամանակ իր աչքերը բարձրացնում էր նրա վրա:

— Մօտեցիր, էլի էլի, շնջում էր աղջկը, այդպէս... Ստեփան զու ինձ սիրո՞ւմ ես:

— Սիրում եմ, երգվում եմ քո բաղդով: Նոքա լռեցին և այդպէս գրկած մնում էին մի քանի ժամանակ...

Այժմ քո սիրաը չէ՞ խփում, Մարիա, ասաց Ստեփանը:

— Ո՛չինչ, կանցնի, տուր միւս ձեռքը, աս-

ում էր Մարիան աւելի և աւելի կամաց, տուր... այդպէս... դու ինձ չե՞ս թողնի... ասա...

V

Ժամանակը անցնում է և ամեն բան փոփոխութեան է ենթարկում: Տեսնում ես այսօր մի պատուաւոր մարդ, հիանում ես նրանով, բազմաւորութիւն ես համարում նրա ձեռքը սեղմել, վաղը նա ընկնում է, անպատիւ է լինում և դու քեզ հեռացնում ես նրանից. ի՞նչի համար... որովհետեւ ամենքը այդպէս են անում... Մի երիտասարդ յոյսերով լի, աշխատանքի համար պատրաստ դալիս է իր հայրենիքը, ուզում է դործել, սկսում ես հաւանել նրան, բայց վաղը տեսնում ես, որ նա էլ զնաց միւսների շաւղով, հոսանքը նրան էլ տարաւ, իսկ դու անտարբեր նայում ես... ամենքը այդպէս են անում, դրա համար ինքն իրան առաջ եկած կանոն կայ, որին չես կարող ընդդիմանալ... ամենքը այդպէս են անում... հիւանդին հարկաւոր է բժիշկի, ընկնողին պէտք է ձեռք մեկնել, խեղդվողին պէտք է ազատել: Բայց ո՞վ կանէ, ոչ ոք չէ անում այդպէս, ես էլ չեմ անի, իմ գործս չէ...

Բայց ո՞ւր է Մարիան, Թիֆլիսի թաղերից

մէկում երկու յարմարաւոր սենեակ միշտ վարձով են տրվում:—Այդ սենեակները շատ յարմարութիւններ ունեն, մանաւանդ դրանց տէրը, որ երբէք չէ հարցնում, թէ այնտեղ ո՞վ է բնակվում, ինչ տեսակ մարդ է, միայն թէ իւրաքանչիւր ամիս տան վարձը սկզբից վճարեն: Այդ սենեակները արժեն որ մի հայեացք ձրգենք նրանց վրա: Սեճ սենեակը մէկ դուռն ունի դէպի դուրս և չորս պատուհան, միւս դռնով անցնում էք փոքր սենեակը, որ միայն մէկ դուռն ունի դէպի դուրս, պատուհան չունի, միայն զրան վրա ապակիներ կան որոնք միշտ կանանչ վարագոյրներով են ծածկված: Ցերեկ և գիշեր սենեակի մէջ կիսամութ է տիրում, որովհետև երբէք դրան վարագոյրները չեն բարձրացնում, և միշտ լամպայի լոյսը գիշերով ցածր է լինում: Սենեակի մի անկիւնում վառարանն է, որի դիմացը դրած է մեծ մահճակալ, հասարակ, բայց մեղմ անկողինով ծածկված: Մահճակալի մօտ պատին մի գորգ է կպցրած, իսկ գետնին խալի է փռած: Միայն երկու աթոռ կայ այդ սենեակում մէկը մահճակալի մի գլխին դրած, իսկ միւսը միւս գլխին. մի կամօդ և շորի շկաֆը լրացնում են

սենեակի զարդարանքը: Ժամացոյց չը կայ: Սենեակի կարասիքը գեղեցիկ են և թանգ առած, Միւս սենեակը մի ընդունարան է, որտեղ կայ մի դիվան, երկու բազկաթոռ սեղանի մօտ, որի վրա գեղեցիկ լամպա է դրած, իսկ պատերի մօտ մի դիւժին աթոռ: Սեղանի վրա դրած է սամովար և երկու մաքուր բաժակ: Դիվանի վրա գլուխը կրճքի վրա գցած խորը մտածմունքի մէջ նստած է Մարիան: Նա երբեմն երբեմն բարձրացնում է գլուխը. մի փոքր լսում է և կրկին մտածում: Մի բօպէի մէջ անցնուս է նրա փոքրիկ գլխում բոլորը, ինչ որ եղաւ: Ահա նա դուրս է գալի փարոսից Ստեփանի կռանը կպած, «գնանք, գնանք շուտ, փախչենք», ասում է նրան և առանց նայելու դէպի տունը, դէպի իր մանկութեան խաղաղ օրօրոցը, առանց մտածելու ճերտունու վրա, մօտենում է Բիօնին, նստում է նաւակը, իսկ միւս օրը Ստեփանի հետ երկաթուղով թռչում է դէպի Քիֆլիս: Երկաթուղու կայարանից ուղղակի գալիս է այս տունը կռքով, այստեղ մի դառը ժպիտ երևում է Մարիայի գեղեցիկ շրթունքների վրա:

— Նոր աղջիկ պարոն ես բերել, աղա, ասում է դուռը բացանող ծառան Ստեփանին:

Այս խօսքերը այն ժամանակ անհասկանալի էին Մարիայի համար, հիմա նա հասկանում է... Մարիան այս տան առաջին տանտիկինը չէ...

Չանգի ձայնը վերջ դրեց Մարիայի մտածմունքին: Սենեակը մտաւ Ստեփանը, համբուրեց Մարիային, մտաւ փոքրիկ սենեակը, հանեց վերարկուն, դրեց երկու աթոռից մէկի վրա (միւսի վրա Մարիայի շալն էր դրած), եկաւ միւս սենեակը և նստեց Մարիայի մօտ բուրովին ազատ, զգալով որ նա իր տանն է, իր սեփականութեան մօտ:

VI.

Մարիան մեկնեց ձեռքը դէպի թէյամանը և ծանր սկսեց ածել հոտալէտ թէյը բաժակի մէջ: Նրա դէմքի գծադրութիւնը բոլորովին չք փոխվեց: Նրա դէմքը արտայայտում էր իր դեռ մի րօպէ առաջ տխուր մտածմունքները:

— Դու ինձ համար թէյ ես ածում: շատ շնորհակալ եմ, ասաց Ստեփանը: Գիտես քեզ մօտ թէյը մի ուրիշ տեսակ համ ունէ: Ես շատ եմ սիրում քեզ հետ թէյ խմել:

Մարիան ոչինչ չը պատասխանեց: Նա մէկ հայեացք միայն գցեց Ստեփանի վրա և այդ հայեացքը ամեն բան ասում էր: Երկիւղ և սէր

էր արտայայտում այդ հայեացքը: Աղջկը հասկացել էր իր դուրսիւնը, դիտէր, որ նա սիրուհի է, դիտէր որ առաջին սիրուհին չէ ու վերջինն էլ չը պէտք է լինի, բայց կրկին նրա աչքերը սէր էին արտայայտում: Նա կրկին սիրում էր Ստեփանին: Սիրում էր, վախենում էր և մի և նոյն ժամանակ յոյս ունէր և միթէ իրաւունք չունէր այդ 17 տարեկան աղջկը, որ այնքան մօտ էր Ստեփանին, որ արդէն զգում էր, թէ մի երկու ամսից յետոյ պէտք է մայր լինէր, միթէ իրաւունք չունէր այդ ողորմելի կինը յուսալու որ իրան տանից դուրս չեն անի, ինչպէս դուրս են ձգում հին շորի կտորը կամ աւելորդ զարդարանքը....

— Այսօր դու ուրիշ տեսակ ես, Մարիա, շարունակեց Ստեփանը, ինչ է պատահել քեզ:

— Ոչինչ:

— Գուցէ քեզ ծառայ նեղացրել է. նա շատ կոպիտ է:

— Չէ, ոչինչ չէ պատահել:

— Կամ դու կրկին յիշում ես ծովի ափը, ծերունուն և նրա այն Գրիգոր որդուն, որ քեզ հետ պէտք է պսակվէր, ասաց հեգնական ձևով Ստեփանը, Մարիան լուում էր:

— Վերջապէս մէկ բան ասա՛ւ Դու իմ ոչ մի հարցմունքին պատասխան չես տալի...

— Գիտես ինչ է Ստեփան, ասաց Մարիան անհամարձակ, ես ուզում եմ... Նա վերկացաւ, մտեցաւ Ստեփանին և նստեց նրա կողքին:

— Գիտես, ես ուզում եմ, ասաց նա փաղաքշելով Ստեփանին, հարցնել, ո՞վ էր այն կինը, որ մեզ հետ ընթրեց այգում մի քանի ամիս առաջ:

— Ի՞նչ կին, ես չեմ յիշում և ինչ ընթրիքի համար ես խօսում:

— Յիշում ես, մենք նոր էինք եկել... ես նոր էի փախել հօրս մօտից, երեք շաբաթ այստեղ մնալուց յետոյ մենք գնացինք դերմանացու այգին, այնտեղ շատ երիտասարդներ կային, շատ աղջիկներ կային և նրանցից մէկը նստած էր Օսինկի մօտ: Նա այնպէս տխուր դէմք ունէր, սև մազերով և մոխրագոյն դերիա էր հագել:

— Այո գիտեմ, դու խօսում ես Օսինկի սիրուհու վրա: Ի՞նչի նա քեզ այդպէս հետաքրքրում է:

— Այդքանը միայն. էլ ոչինչ չը գիտես նրա մասին:

— Չէ ոչինչ:

Ստեփանը սուտ էր ասում, նա գիտէր այդ աղջկայ պատմութիւնը, որովհետև դա իրանց տան զեղեցիկ հայ աղախինն էր, մի խեղճ կալատօղի աղջիկ, որի ծնողները մեռնելու ժամանակ յանձնել էին իր մօրը: Աղջիկը պէտք է ծառայէր և յետոյ, երբ մեծանար Ստեփանի մայրը նրան պէտք է մարդու ասար:

Այս ամենը գիտէր Ստեփանը: Չէր մոռացել իր յարաբերութիւնը դրա հետ: Նա յիշում էր այն մութ գիշերը, որ քօղարկեց իր յանցանքը և աղջկայ անկումն: Վերջապէս Մարիայի բնակարանի ամեն մի անկիւնը, ամեն մի պատը, ամեն մի կարասիքը տեսնելիս յիշում էիր այդ աղջկան, այդ տան նախկին տիկնոջը, բայց նրանք չէին խօսում, չէին պատմում, իսկ Ստեփանը չէր կամենում պատմել:

— Բայց քեզ ի՞նչն է հետաքրքրում, թէ ո՞վ է այդ կինը, հարցրեց Ստեփանը, փոքր լուութենից յետոյ:

— Գիտես, ես նրան մէկ անգամ միայն տեսայ, այն գիշերը, բայց չեմ կարողանում մոռանալ: Յիշում ես այն օրը, մենք մօտեցանք այգիում այդ խմբին, բոլորը կարծես մեզ էին

սպասում, ամեն բան թողին և սկսեցին հե-
տաքրքրութեամբ նայել ինձ և քրչփրչալ: Ես
ամաչեցի, կարմրեցի, որովհետև զգում էի, որ
թշերս այրվում են տաքութիւնից... իսկ այն
կինը, աէր Աստուած, նայում էր ինձ վրա,
նայում էր այնպէս, գիտես, կարծես ուզում
էր ամեն բան տեսնել իմ մէջ, ամեն բան իմա-
նալ և բոլորը ժամանակը նա ինձանից աչքը
չէր հեռացնում: Իսկ յետոյ երբ իմ կենացը
խմեցին, նա բաժակը բարձրացրեց և ասաց.
«քո կենացը» խմեց, նայեց և բարձր ծիծաղեց...
գիտես, դա այնպէս վատ ծիծաղ էր, կարծես
լաց էր լինում:

— Դու գարմանալի բաներ ես յիշում: Մի
քանի ամիսների գործը հիմա ես մտաբերում:
Հասկանալի է քո դրութեան մէջ այդպէս խո-
սել...

— Սպասիր, Ստեփան, ինձ այնպէս է թւում,
որ դու ինձ կը թողնես. գիտես, շատ վատ կը
լինի: Սթէ ես գոնեա միայնակ լինէի...բայց
ես շուտով երեխայ կունենամ...ինչ պէտք է
աննմ:

Ստեփանը լուռ նստած էր: Նրա գլխում
նոր անցաւ այդ միտքը: Առաջ երբ տեսաւ

Մարիային, երբ նրան խաբեց, նա դիտէր, որ
մի ժամանակ պէտք է թողնէ աղջկան: Նա չէր
կարող պատկիլէ մի այդպիսի աղջկայ հետ, նա,
Ստեփանը, հարուստ, համալսարանում աւար-
տած Մամաջանեանց Գուրգենի-որդին, նա, որի
հետ ամեն մի օրինաւոր, հարուստ և մի նոյն
ժամանակ կրթված աղջիկ ուրախութեամբ կը
պատկիլէր: Մի՞թէ կարելի էր կապիլէ մի խեղճ,
անմեղ, իր ձեռքով անպատված աղջկայ հետ:
Չէր կարելի: Գիտէր այս ամենը, բայց մի՞ և
նոյն ժամանակ զգում էր, որ կապված է Մա-
րիայի հետ: Առաջ դա մի սովորական որս էր,
մի զուարճութիւն, բայց հիմա Մարիայի հետ
ապրելուց յետոյ, նա զգում էր, որ փոքր ի
շատէ սիրում է այդ աղջկան: Մարիան զեղեցիկ
էր: Գիտես, ընթերցող, լինում են հասարակ
խեղճ աղջիկներ հասարակութեան ամենաստոր
դասակարգերի մէջ, որոնց բնութիւնը ամենա-
ուսա պարզէներ է տալի: Քնքոյշ կազմուածք,
նրբութիւն, զեղեցկութիւն, ոգի և խելք և
այս բոլոր պարզէների մէջ նա մի զեղեցիկ
ներդաշնակութիւն է դնում: Ինչպէս երաժշտա-
կան օրկեստրի մէջ զանազան ձայն ունեցող
գործիքներից հմուտ արհեստագէտը ներդաշ-

նակութիւնն է կազմում, ինչպէս մի գործիքի ձայնը միւսին համեմատ է անում, այնպէս էլ բնութիւնը Մարիայի բոլոր գոյութեան մէջ ներդաշնակութիւնն էր զրիւ: Նա կանգնած է, դերիան գեղեցիկ նստել է վրան. գնում է, գնացքը թիթե է, համեմատ է իր հազուատին. ձայն է հանում նոյն հարմօնիան կայ, վերջապէս տեսնում ես երեսը, խօսում ես հետը, ծանօթանում ես նրա խելքի հետ և ապշած մնում ես: Այո, Մարիան այն հասարակ աղջիկներին էր, որոնց կամենում են նմանվել կրթված օրիորդները, բայց չեն կարողանում: Դա ստորին դասի աղջիկ էր, խեղճութեան գեղեցիկ մսիթարանք:

Ահա այսպիսի աղջկայ հետ ապրեց Ստեփանը գրեթէ մի տարի և այդ աղջիկը նրա համար անհրաժեշտութիւն դարձաւ, մինչև անգամ սիրեց նրան, բայց անբաժան մնալ, կապվել Մարիայի հետ երբէք չէր մտածում: Շատ անգամ նա ինքը որոնում էր պատճառը, մտածում էր, թէ ի՞նչն չէ կարող անբաժան ապրել այդպիսի գեղեցիկութեամբ հարուստ, բայց խեղճութենից անպատուած աղջկայ հետ և ոչինչ չէր գտնում, ոչ մի արգելք չէր գրու-

նում, այնու յամենայնիւ մտածում էր՝ ինչպէս կարելի է: Երբեմն դաւանութիւնը պատճառ էր բերում իրան արդարացնելու և դա օգնում էր:

Մարիան վրացի էր. այն մարդը, որ հարկաւոր դէպքում ոչ թէ միայն կրօնուրաց, այլ և ազգուրաց կը լինէր, այդպիսի մէկը դաւանութիւնը իրան արդարացնելու գործիք էր շինում: Նա հայ սիրուհի ունէր, որին այդպէս չէր սիրում, ինչպէս Մարիային, բայց եթէ սիրէր էլ նրա հետ չէր կապվի:

Շատ անգամ Մարիան յայտնել էր, որ վախենում է, թէ իրան Ստեփանը կը թողնէ, այնպէս որ այս անգամի ասածը նոր չէր Ստեփանի համար, բայց այժմ մի տեսակ տպաւորութիւն գործեց Ստեփանի վրա: Երեխան էլ մէկ միջնորդ էր դառնում, այն անմեղ էակը, որ դեռ նոր պէտք է կեանք ստանար, նա միջնորդ էր դառնում իր մօր և իր համար իր բնական հարստատ հօր առաջ:

Ստեփանը գիտէր որ մի ժամանակ կը թողնէ Մարիային, գուցէ այդ ժամանակը շատ էլ հեռու չէր, բայց այնքան քաջութիւն չուներ, որ ասէր Մարիային: Նա լռում է:

Ստեփան, Ստեփան, մի խօսք ասա, դու ինձ

կը թողնես, աղաչում էր աղջիկը: Սուս ես կե-
նում, հասպա իմ երեխան, ի՞նչ անեմ ես քո
երեխային:

— Ի՛հ, Մարիան, ասաց նա վերջապէս, ինչ
բաներ ես խօսում: Հաղար անգամ մի և նոյնը
կրկնում ես: Ես սիրում եմ քեզ չեմ պատկզի
քեզ հետ, բայց կապրեմ և քեզ, չեմ թողնի:

Մարիայի երեսը պարզեց: Ուրախ ժպտը
խաղում էր նրա գունաթափ երեսի վրա....

Սպիտակ գերիա հագած, հարուստ մազերը
ազատ, չը հիւսված թափվել էին մի մասը կրծ-
քին, իսկ միւս մասը կռտնը: Խորհրդաւոր
գունաթափութիւնը, որ ամեն մի կին ունե-
նում է, երբ պատրաստվում է մայր դառնալու,
փռվել էր Մարիայի երեսին: Այդ այն գունա-
թափութիւնն է, որ ամեն մի կնոջ, ինչ կար-
գի և պատկանէր նա, պատկանելի է անում
մարդու առաջ:

— Ախ Ստեփան, զիտես ինչքան եմ սիրում
քեզ, զիտես ես զգում եմ, որ իմ երեխան ար-
դէն քեզ սիրում է: Գիտես... իմ երեխան...

Մարիան ուրախ ծիծաղեց:

— Իմ երեխան, կրկնեց նա և դարձեալ
ծիծաղեց:

Խեղճ աղջիկ: Ինչքան խարվում ես: Գե-
անցեալ օրը Ստեփանի ազգականները առաջար-
կում էին նրան պատկզել, վուր յիշատակը
չը վեր ննգնի, վուր աղջիկը լաւ աղ-
ջիկ է, ուսում ունէ, համ էլ հինգ
հազար թուման փուղ: Եւ այս խօսքերը
նստում էին Ստեփանի խելքում....

Ինչ Մարիան շարունակում էր իր ծիծաղը,
երբ սենեակը մտաւ Օսինկան: Սրա հասակը
աւելի բարձր էր, քան թէ միջակ, երեսը չօղ
և ճոկատը փայլուն: Աինում էին ժամեր, երբ
Օսինկի երեսին նայելու ժամանակ կարծես այդ
երեսից իւղ է դուրս գալի: Երկու ահագին աչ-
քերը և զէպի աջ ծուած քիթը նրա դէմքին
տալիս էին շատ անսխորժ արտայայտութիւն:

Ամեն տեղ կը պատահէիր Օսինկին: Նա լե-
նում էր նշանաւոր հիւրանոցում և ամենայեա
ընկած միկիտանի դուքանում: Հարբում էր շան-
պայն և ամենահասարակ թթու գինով, ինչ
պէս կը պատահէր: Նրան կարելի էր տեսնել
Թիֆլիսի նշանաւոր սիրուհիների և ամենավեր-
ջին ընկած կանանց սներում: Սիօնի, Անչիս-
խատի և Փէթխայինի տօներին նա անպակաս
էր և հէնց որ դայրան կածէին, նա կըսկսէր

կանանց խնդրել, որ պար զան և ինքն էլ պինդ
կը ծափ տար: Ծսինկան մի ժամանակ ունէր
միջոցներ, բայց հիմա ոչինչ չունէ, այնու ամե-
նայնիւ քէՖ է անում, լաւ է հագնում և
փող է վատնում: Նա անհրաժեշտ մարդ է ամեն
մի երիտասարդի համար, որ նոր է ժառան-
գութիւն ստացել: Ամեն մէկի համար, որ ու-
զում է գեղեցիկ սիրուհի ունենալ, որ ուզում
է իր քէՖով և սիրուհու գեղեցկութեամբ
մարդիկ զարմացնել և երբ այսպիսի մէկը թող-
նում է իր սիրուհուն, կրկին Ծսինկան է հար-
կաւոր: Այսպիսի կենդանի էր սենեակ մտնողը...

— Միշտ ուրախ էք, զիմեց նա Ստեփանին
և Մարիային, միշտ ծիծաղում էք: Ախ, ինձ
համար թէյ ես ածում Մարիա, շնորհակալ
եմ որ չես մոռացել Ստեփանի բժշկին: Նրբ
ենք կնքում երեխան, ես պէտք է կնքեմ. ու-
րիշին իրաւունք չեմ տայ:

Մարիան ծիծաղեց:

— Եուտով, ասաց Ստեփանը. գուցէ մի
քանի օրից յետոյ:

— Գիտէք, տղայ կունենանք: Ստեփանի պէս
դոչաղ տղայ: Նոր բան՝ նիկօլը առաջար կել է իր
սիրուհու հետ պսակվել, իսկ նա չէ համաձայնել:

— Չէ:

— Ի՞նչ չէ... շատ հասկանալի է: Աղջկը
վախենում է, որ իր փողերն էլ այնպէս չը
վատնէ, ինչպէս վատնեց հօր կարողութիւնը:
Իսկ Միխայլ եգօրիչը, այն պառաւը էլի փո-
խեց իր սիրուհուն: Գիտէք նորերումն ինչ է
պատահել. Խանալեանցի տղէն Մօն-Պլեղերում
մի սիրուն աղջիկ է տեսնում և նրա ետեւից
ընկնում: Աղջկը վախում է նրանից, իսկ
տղան հետևում է «սիրում եմ քեզ», ասելով:
Աղջկը կառք է նստում, տղան էլ մի ուրիշ
կառք: Վերջապէս խեղճ վախեցած աղաւնին
իջնում է մի տան առաջ, մտնում է բազը,
բարձրանում է սանդուղքներով և մտնում է
սենեակը: «Սիրում եմ, սիրում եմ» ասում է
տղան և հետևում է աղջկան սենեակը և այն-
տեղ մի ծանօթ է տեսնում:

— Ո՞ւմ, հարցնում են միասին երկու սիրե-
կանները:

— Չեմ ասի:

— Ուրեմն չը գիտես, ասում է Ստեփանը:

— Չէ, գիտեմ, բայց այդ գաղտնիքը մէկ
ընթրիք արժէ:

— Տուեչ եմ, տառ ո՛ւնն է պատահում:

— Իր հօրը. Я не туда попалъ, մըթմըթում է խեղճ երիտասարդը: Впередъ не ошибайтесь, милостивый государь, պատասխանում է հայրը ու վզախոթին տալով դուրս է անում: Զարթէ իմ նորութիւնը մէկ իրիդնահացի:

— Այո, արժէ, գնանք Նովի-Սվէա, կը գնն Մարիա:

— Չէ, ես տանը կը մնամ:

Երիտասարդները դուրս գնացին: Մի քանի րոպէ Մարիան նայում էր փակված դրանը, յետոյ վերկացաւ, ծանր քայլերով մտնեցաւ անկիւնին, որտեղ դրած էր Աստուածամօր պատկերը, ծունկ չոքեց և տաք աղօթքը թափվեց նրա բերանից: Ազօթում էր Մարիան իր երեսայի համար: Թշուառութեան և անբարոյականութեան վայրից նրա ջերմ աղօթքը բարձրանում էր երկինքը....

VII.

Գ...փողոցի վրա գանկող տունը այս գիշեր սովորականից աւելի էր լուսաւորված: Մարդիկ և կանայք մի սենեակից միւսն էին անցնում: Պառաւնները անկիւններում քրչփրչում էին,

քամբասում էին, ջահեղները միմեանց կուռը տուած ճրկճրկում էին: Այդ տան մէջ ուրախութիւն կար, այդ գիշեր հարսանիք պիտի լինէր: Բաղդասարենց Յովսէփը պսակում էր իր գեղեցիկ, ուսում առած աղջկան:

Տան մի սենեակում կատերինը, գեղեցիկ, կրթված աղջկը, ժամանակակից օրիորդը, շրջագատված իր ընկերուհիներով, ժամանակակից օրիորդներով հագնվում էր:

Աղջեկները խօսում էին և հագցնում նորահարսին: Հայ լեզուն մօզա էր: Կատերինը և իր ընկերուհիները գիտէին այդ լեզուն, ինչտեղ հարկաւոր էր հայերէն էին խօսում, բայց իրանց մէջ միշտ ռսերին:

— Ախ, ի՞նչ բեխեր ունէ քո փեսան, աւում էր օրիորդներից մէկը:

— Ես նորա մէջ հաւանում եմ նրա երեսի գծազրութիւնը: Այնպէս նուրբ է աւդ գծազրութիւնը: Տեսնես ինչեր է ասում նա քեզ, Կատերին, երբ մենակ էք լինում:

— Ամեն բան ասում է: Նա ինձ սաստիկ սիրում է: Այն մարդը, որ շատ կանանց է իբ վրա սիրահարացրել, ինձ Աստուծու չափ սիրում է:

— Բայց ասում են, որ...

— Հա ասում են, խօսքը կարում է նորա-
հարսը, և ինքն էլ է ասում, որ սիրուհի է
ունեցել, ինչ աներք, հիմա ո՞վ այդպէս չէ:
Բայց ինձ ինչպէս էր խոստովանում: Ասում էր,
որ իրան խարել են, որ ինքը միայն մէկ ան-
գամ իր կեանքի մէջ սիրել է, և ինձ է սիրել:
Ахъ какой онъ душка, а глаза то, глаза!
և երբ խօսում է... այնպէս ճիշդ հայեացք ունէ:
Նա աշխատակցում է հայ լրագրին: Ասում է
բոլոր ազգերի հոգևորականներին, բայց մեր
հոգևորականներին պաշտպանում է: Նրանք
մեզ անհրաժեշտ են, ասում է նա:

— Շատ է գովում, փափաց ընկերուհիներ-
րից մէկը միւսի ականջին, МНѢ ОНЪ ВО ВСЕ НЕ
ПРАВИТСЯ.

— Ինձ էլ, պատասխանում է ծածուկ ընկե-
րուհին...

Միւս սենեակումը նստած են պառաւանդ:

— Քա, Մարթա, ասումին սիրեկնիր է ու-
նեցի, ղո՞րթ է:

— Բաս սուտ է, քա վուրթի էլ ունէ կօտէ,
ի՞նչ իս ասում: Մարթա փեսայ գթաւ Անանին,
սասց միւս պառաւը, որ աշխատում էր իր թո-

ւանը տայ Ստեփանին:

— Խնամի ջան, համեցէք համեցէք մայինց
մէկ մէկու կու սիրէինք ու հիմի էլ միր վուրթ-
կերանց բախտաւորութենով բարեկամանում ինք,
ասում էր Անանին, նորահարսի մայրը, նորա-
փեսի մօրը:

— Աւքդ լուս Անանի ջան, մէկէլ աղջկադ
բախտաւորութիւնն էլ տեսինք, պատասխա-
նում է Ստեփանի մայրը:

— Հինգ հազար թումանը հիմի կու համ-
բրիս, Իօսէր Զախարիչ, ասում էր մի ուրիշ
սենեակում Ստեփանի հայրը կատերինի հօրը,
ու էքուցէւէա բանկը կուտամ քու աղջկայ
անումով:

— Ինչ խօսք ունիմ, միր ուսլովէն էտէնց
է էլի, վուր պսակի գիշիրը փուղը ստանաս:
Էս սահաթին:

— Ղու գիտես, Օսինկա ջան, ասում էր
մի ուրիշ անկիւնում Ստեփանը իր ընկերօջը,
խայտառակութիւն չը գուս դայ:

— Ոչինչ չի լինի: Շատ ասացի, որ չը գայ
եկեղեցին, չէ համաձայնում: «Ուզում եմ մէկ
անկիւնում կանգնել, ասում է, և ցոյց տալ իմ
աղջկան իր հօր հարսնիքը»...

- Բայց որ առաջ գայ, մէկ բան անէ:
- Չէ, Մարիան երգուեց, որ չէ երևայ, որ ձայն չի հանի, այլ հեռուից կը նայէ:
- Դու գիտես, այդ գործը քեզ եմ յանձնում, էլի գնա ասա, որ ես նրան եմ սիրում, որ հօրս խօսքն եմ կատարում, որ պսակվում եմ:
- Ժիտեմ, խօ առաջին անգամը չէ:
- Երկու ժամից յետոյ այս բոլոր խօսող, բամբասող, հաշուող, անբարոյականացած հասարակութիւնը կառքերով դիմեց դէպի Զրկինենց եկեղեցին...

IX

Յուպը ձեռքին, պարկը ուսին դրած, սուրբատի շինեւ և կոշեկ հագած Թիֆլիսի փողոցները չափում է մի ձերունի: Նա ամեն դուռը բաղխում է, ամենքից ողորմութիւն է խնդրում և երբ դուռը բացվում է, նրա սուր աչքերը այս կողմից այն կողմն են ընկնում, նա որոնում է և չէ գտնում: Մերունի Զաքարն է դա: Նա չափեց Փօթիի փողոցները, չափեց Բուծայիսի փողոցները, չափում է Թիֆլիսի փողոցները և չէ գտնում իր աղջկան, իր ընկերոջ որդուն: Մերունուն խիղճը տանջում է: Հազար ու մէկ բան է մտածում նա, գուցէ

լաւ չէ նայել աղջկան, գուցէ իր հոգատարութիւնը օրինաւոր չէ եղել, գուցէ վերաւորել է իր ընկերոջ աղջկան և զրանով խեղճի կորստեան պատճառ է դարձել: Մերունին գիտէր, որ Մարիան փախաւ Ստեփանի հետ: Բայց թէ ի՞նչի փախաւ այն չը գիտէր, քանի որ աղջեկը իր Գրիգորին էր սիրում: «Սա էի նրա փշանալու պատճառը, մտածում էր նա, ես պառաւ յիմարս չը կարողացայ նրան օրինաւոր պահել...»

Սա գիշեր նա անցնում է Զրկինենց եկեղեցու մօտ: Սկեղեցու դրանը մի քանի կառքեր են կանգնած: Սկեղեցին լուսաւորված էր: Մերունին նայեց, երեսը խաչ հանեց և ուզում էր ճանապարհը շարունակել, երբ մի ուրիշ կարգ կանգնեց դրան մօտ, որի միջից իջաւ մի կին հինգ կամ վեց տարեկան երեխայի հետ: Կինը սև շորեր էր հագել, երեսը ծածկված էր սև քողով, իսկ երեխան ոտքից զլուխ սպիտակ շոր ունէր հագած: Գիշերվայ խաւարի մէջ այդ մանուկը մի հրեշտակ էր երևում:

— Այարապան, սպասիր ինձ ահա այն անկիւնում, դիմեց կինը կարապանին:

Սա ձայնը մագիքական ազդեցութիւն ունեցաւ ձերունու վրա: Նա փողոցի մի կողմից թը-

ուաւ միւս կողմը: Վեց տարի անցել էր Մարիայի փախչելու օրից, վեց տարի շարունակ ծերունին չէր լսել նրա ձայնը, բայց այնուամենայնիւ ճանաչեց այդ քաղցր նուազ, որ մի փամանակ այդքան յաճախ լսում էր:

— Մարիա, Մարիա, կանչեց նա, իմ սիրուն աղջիկ, դու մոռացար քո ծերունուն, չես ուզում ինձ ճանոչել:

Իսեղծ կինը փաթաթվեց ծերունու շնքին, մէկ գրկախառնութիւն ամեն բան ներքեց: Ծերունին ներեց աղջկան իր կրած տանջանքները, ներեց նրա յանցանքը:

Ծերունու սիրտը ուրախ է, որ գտաւ իր մոլորված զաւակը:

Ոչ մէկ չար զգացմունք չը կար Չաքարի սրտում, բացի ուրախութիւնը:

— Սա իմ աղջիկն է, հայր, ցոյց տվեց Մարիան երեխային: Տեսնում ես որքան զեղեցիկ է... և ի՞նչքան տարաբաղդ է իմ փոքրիկը... Բայց ես ուշանում եմ... արի... յետոյ կը պատմեմ: Արի նա պսակվում է ուրիշ կնոջ հետ, իսկ իր աղջկան թողնում է... արի հայր, միայն ոչ մէկ խօսք մի ասի: Գիտես ես նրան խոստացայ, որ լուռ կը մնամ: Գիտես, չեմ

ուզում խայտառակել... նա ինձ թողեց բայց, ես այնու ամենայնիւ սիրում եմ նրան, գիտես սիրում եմ նրան, գիտես սիրում եմ նրան... նրան, որ ինձ անպատուեց, իսկ իմ երեխային անտէր թողեց...

Աղջիկը ծերունու կռնից քաշելով հասցրեց նրան եկեղեցու դրանը: Նրանք մտան տաճարը և երեսները խաչ հանեցին:

X

Մարիայի երեսի վրա տենդային հանգստութիւն էր տիրապետում:

Չէկեց Մարիան մտաւ եկեղեցին, Օսինկան եկաւ և նրա մօտ կանգնեց:

Աստուածամօր պատկերի առաջ կանգնած Մարիան դիտում էր ամեն բան:

Ստեփանը կանգնած էր բեմի առաջ, իսկ նրա մօտ հարսանեկան շորը հագած Կատերինը, որ այդ խորհրդաւոր բօլեին շատ զեղեցիկ էր: Քահանան դառնում է Ստեփանին:

— Տէր ես, որդեակ իմ, հարցնում է նա:

Պատասխան չը կայ: Ինչ է մտածում Ստեփանը: Արդեօք իր պարտականութիւններն են նրան զբաղեցնում, արդեօք վախենում է, որ իր ամուսնու հետ էլ այնպէս կը վարվի, ինչպէս

վարվել է շատերի հետ: Ոչ, նրա աչքի առաջ
զանազան զիրքերով կանգնած են և անցնում են
իր հեշտասիրութեան զոհերը, նրանք մտնելով
մոմերը հանդցնում են և իրան սպառնում են:
Իր կեանքի ամենամանրամասն անցքերը կեն-
դանի պատկերանում են նրա առաջ:

— Տէր ես, որդիակ իմ, կրկնում է իր հար-
ցը քահանան:

— Այո՛, պատասխանում է Ստեփանը, թըմ-
բութիւնից դուրս գալով:

— Մեռնի զեղէն ջանիդ, ասում է Ստե-
փանի մայրը, ինչքան ամանչքուտ է մէքաշ չա-
սաւ թէ տէր իմ:

— Մարթա, էն աղջիկն ո՞վ է, վուր էն
ծիր մարդու մօտ կանգնած լաց է ըլում:

— Սիրեկանը, կուլի քա, ով կուլի: Այ ան-
նամուս, վուր ժամն էլ է էկի քա:

— Էսթաւուր բան իմ օրումը չէի տէսի,
հալբաթ էս էլ մօդա է, Մարթա ջան:

— Հալբաթ:

Արարողութիւնը վերջացաւ: Ամենքը պատ-
րաստփէցին դուրս գնալու: Ստեփանը իր կնոջ
ձեռքը տուած դուրս էր գալի:

— Հիմա մենք յաւիտեան անբաժան կը լե-

նենք, ասաց նա իր հարսին:

— АХЪ ДУШКА, պատասխանեց հարսը:

Երեկան Մարիայի հետ բոլոր ժամանակ
կանգնած էր անկիւնում:

Նա չէր տեսնում իր հօրը, երեսայի հա-
սակը շատ փոքր էր: Երբ Ստեփանը դուրս էր
գալի, երեկան տեսաւ իր հօրը, ճանաչեց, վա-
զեց նրա մօտ և ծնկներին փաթաթվելով ասաց.

— Հայրիկ, մայրիկ էլ այստեղ է:

Ստեփանը չըշփոթվեց, նա իր ձեռքով հե-
ռացրեց երեսային:

— Վերցրէք այդ երեսային, ո՞վ է այդ
երեկան, կանչեց նա:

— Какой скандалъ а! ասում էին միմեանց
հիւրերը դուրս գալով:

ՄԱԴՅԻ ՕՂԱՆ

Երբ որ անաւօտից արդէն պատկերել էի իմ Տարիէլ իմէրէլ ծառային, որ մինչև ճաշ պաշարեղէնները գնէր, դարսէր խուրճինը և ինքըն էլ պատրաստէր խուրճինը շալակու :

— Ո՞ր կողմը, հարցրեց իմ հաւատարիմ ծառան վրացերէն :

— Որտե՛ր կերթանք ճաշեց յետոյ, էգուց կիրակի է, երկուշաբթի էլ տօն, ուրեմն երկու և կէս օր ազատ ունենք : Կարաւները հիմա չաղ են, ասացի ես :

— Ո՛հ, շէնի կի ճիրիմէ լամաղօ քալօ դա թօփօ, *) կանչեց նա ուրախ : էյ, Տօպս, էյ, շուացրեց նա իմ ցետերին, ախօտ պայդօմ կուրդղել կուշայի հը. խօշիշ : *)

*) Հողուղ մատաղ սիրուն աղջիկ ու հրացան :
*) Որտե՛ր կերթանք նապատակ կուտես, կամենում ես :

Ճաշի ժամանակ ամեն բան պատրաստ էր իմ սենեակում : խուրճինի մէջ գինի ու արաղ, մի կտոր սուկի, հաց ու պանիր կար, իսկ սենեակի անկիւնում չորս որսորդական հրացաններ բոլոր պարագաներով, որոնց մօտ պըպըղել էր Տօպսը և մի ոտը բարձրացած դողում էր անհամբերութենից :

Որտե՛ր գնացողները չորս հողի էինք : Ես, իմ ծառան և երկու ընկերներս՝ Սիմօնը և Սամսօնը : Առաջինը մի շատ սուրբական կարճատես մարդ էր, երբէք իր հրացանի ծայրից հեռու չէր տեսնում և միշտ ամառ, ձմեռ, ցրտին և շոգին դողում էր. միշտ միտում էր : Իսկ երկրորդը մի լաւ ընկեր էր : Սամսօնը ամեն մարդու հետ չէր խօսի : Առհասարակ փոքրը ի շատէ բարձր պաշտօն ունեցողէ հետ լայիղ չէր անի խօսել, բայց երբ ընկնում էր իր ընկերների շրջանը, որոնք նրան ճանաչում էին և որոնց նա սրտով սիրում էր, այդպիսի դէպքերում Սամսօնը չէր դադարում : Նա կամ թուրքի կանկան կը պար գար, կամ մէկ անտիցեղուրական անեկոթ կը պատմէր, կամ եթէ ոչինչ չէր ունենայ անելու, կսկսէր իր ընկերներին պաչպչել : Ի՞նչ ասէին նրան ընկերները,

ի՞նչ հրամայէին, նա կը կատարէր, բայց երբ իր իշխանաւորը մի րան հրամայէր՝ կը կատարէր, բայց ինքն իրան մի լաւ յիշոց կը տար: Սամսոնս մեծ մարդ էր, արդէն երկրորդ կնոջ վրա էր պսակված, բայց այնու ամենայնիւ նա վախենում էր իր պառաւ նանից առանց սրա թոյլատուութեան ոչ մի տեղ չէր գնայ: Ես էլ սովորել էի նանի ձեւը և միշտ խաբոււմ էի նրան: Մէկ օր ասում էի, որ հիւանդ եմ, տանում եմ Սամսոնին ինձ մօտ, միւս անգամ, որ երեւելի ժողով կայ և մեծ գործեր ունենք և այլն: Խաբվում էր պառաւը:

— Այ սե սրտով, ասում էր նա իր որդուն, բա մի գիշեր քո տանը չը պըտի քնե՞ս, այ աւրայ:

— Դէ, նանի ի՞նչ անեմ, կը պատասխանէր սովորաբար Սամսոնը միրուքը արմբացնելով և և խոնարհ գէմք առնելով, դէ տեսնում ես եկել է, ասումա հիւանդ եմ. բա խաթրը կոտրեմ: Եւ էսպիսի շատ բաներով նա խաբում էր իր նանին: Այդ շաբաթ օրն էլ խաբեցինք նանին, ասացինք որ մի եպիսկոպոս է գալի, որ տեղական սրբազանը հրամայել է Սամսոնին (սա հոգևոր իշխանութեան էր ծառայում),

որ եկողին դիմաւորէ և այլն:

— Դէ գնայ, այ որդի, սուրբազանի աջը քը պըհապան. Այ տղայ, կանչեց նա շտապով որդուն, կաց, մոմ տամ Քանաքեռայ մատուռումը վառիր:

Մոմերը ստանալուց յետոյ Սամսոնին տարայ: Էսպէս էր իմ Սամսոնը, էն լաւ Սամսոնը, որին միշտ կով էի կանչում և նա ուրախանում էր: Մի սովորութիւն էլ ունէր նա. հէնց որ ուսին ձերք գնէին կը ծրովէր և կը բղաւէր, էլ չը գիտեմ հանաքի համար էր անում, թէ երկխայ ժամանակից նրա ուսը փաստված էր: Այսպէս ճաշեցինք չորսով սենիակումս, զցեցինք Բաքոսի կենացը, Սամսոնը ասաց իր սովորական «ե՛ս Ալին» արաղ խմելու և ճանապարհ ընկանք Երևանի փողոցներով դէպի Քանաքեռ: Ծօպը պոչը ոլորած, ուրախ հաչելով առաջ ընկաւ, իսկ Տարիէլը, իր ներկայութիւնը ցոյց տալու համար կանչեց:

— Назадъ, Ծօպս, время не пришли. օ՛հ չէնի կի ճիրիմէ լամպօ քալօ դա թօփօ...

Դուրս եկանք Երևանից, այդ թողի և աղբի մայրաքաղաքից և ընկանք Երևանի խճուղին, վերջապէս Քանաքեռի տակը, այնտեղ, ուր ճա-

նապարհը բաժանվում է, մէկը տանում է դէպի Քանաքէռ, իսկ միւսը դէպի Յարաւ աղբիւր, մենք ջուկ ջուկ գնացինք, որսորդութեան կանոնին համեմատ: Հիմա լաւ եմ համարում, ընթերցող, ասել քեզ որ մեզանից ոչ ոք որսորդ չէր և թէպէտ շատ անգամ այսպէս թափառում էինք, բայց աւելի յլթութեան» համար, ինչպէս ասում է թիֆլիսեցին, քան թէ որսորդութեան համար. դրա ապացոյցը լեքը խուրջինն էր: Մեր բազդն էր, եթէ մի կոյր նապաստակ կը պատահէր, կամ մէկ ոտը կտրած կաքաւ. երեք հրացան միասին կարձակէինք և Տարիէն ու Տօփս, միմեանց առաջ կտրելով կը վազէին որսը բերելու: Այդ օրը մեզ ոչինչ չէր պատահում, թէպէտ շատ էինք շրջում և Տօպս էլ անգողար քարից քար, սարից սար էր անցնում: ամեն տեղ հոտ էր առնում, ամեն տեղ փնտռում էր, բայց ՚ի զուր ոչինչ չէր պատահում:

— Ադա, վայ, վերջապէս լռութիւնը ընդհատեց Սամսօնը, զիտեմ ի՞նչի որս չէ պատահում:

— Ի՞նչի, հարցրի ես, գուցէ ժամանակը չէ, դեռ վաղ է:

— Չէ, տօ ախար մոռացանք քար շուր տայինք քաղաքի մէջ: Բն չը տեսար, որ տէր Չամաչէն պատահեց ճանապարհին, վայ նրա գլուխը թաղեմ արդի կարասում:

Տեսնելով, որ իր սրախօտութիւնը ոչ որի չը ծիծաղեցրեց, Սամսօնը սկսեց երգել: Լաւ էր երգում փուչը: Մանաւանդ այն երգերը, որոնց եղանակը պարսկականից էր վեր առած:

«Ի ննջմանէդ արքայական զարթիր, նազելիդ իմ, զարթիր, եհաս նշոյլ արեգական զարթիր, ասողիկդ իմ, զարթիր». կանչեց Սամսօնը ողևորված, միրուքը շարժելով և ներքևի ծնօտը ծռելով: Վերջապէս հասանք ձորի դուխը, որտեղ վազում է ուրախ Չանգուն: Բեղեցիկ տեսարան է բացվում այդ տեղից: Չանգունը ոլորված օձի նման, պառկել է այդ ձորի երկայնութեամբ, պոչը Սևանայ ծովի մէջ, իսկ գլուխը Հայաստանի մօր Արաքսի կրճքին դրած: Վազում է Չանգուն, Արուիեանի երգած և նկարած Չանգուն ձորի միջով, այգիներով շրջապատված: Շտապ, շտապ, արծաթեայ կաթիլները բարձր գցելով Հայաստանի հարսը դնում է իր մօր մօտ, Արաքսի մօտ և տանում է նրան իր գանգասները: Գնում է, գլուխը դնում է

Արաքսի կրճքին և պատմում է, պատմում զանգատովում է, և նրա պատմութիւնն ու զանգատները, ինչպէս իր մաքուր, փրփրոտ կենսական ջրերը չեն հատնում: Նա պատմում է Արաքսին, թէ որքան տգէտ են Աւանայ վարդապետները, այն արեղաների փոխանորդները, որոնք մի ժամանակ Հայաստանի նեցուկներն էին: Պատմում է Զանգուն իր մօրը, թէ քանի քանի տգէտ հովիւներ են ուղարկվում Աւանից հայ ժողովուրդը գայթակղեցնելու: Կամենում է հակարել իր ճանապարհին պատահած հայ ումորները, բայց դրանց թիւը նա մոռացել է պատմում է, որ հայ դիւղացին, հայութեան այդ ապաւէնը դեռ էլի տգէտ է և ոչ ոք չէ մտածում նրա լուսաւորութեան վրա. վերջապէս անմխիթար է նա, յուսահատված է Զանգուն. նա վազում է ձորի մէջ և անհետացնում է իր ճանապարհին պատահած արդելքները. նա քանդում է ապառաժը, որ նրան բանտարկել է իրան մէջ և անցնում է տխուր, բայց հպարտ այրիի նման, որ թաղեց իր ամուսինը, բայց ուրիշ ամուսին նրա համար աներևակայելի է: Արեւը նոր էր սկսել մայր մտնել, նրա վերջին ճառագայթները թաղվում էին

Զանգուի ջրերի մէջ: Ապրիլ ամսվայ վերջին օրերն էր: Ամեն ինչ ծաղկում էր, ամեն արարած սկսում էր ապրել: Զանգուից մեղմ հով էր փչում և նրա ափերին տընկած ուռնիկների կանաչ զլուխները շարժում:

Կարծես այդ ծառերը զլուխ են տալի քեզ: հրաւիրում են բաժանել իրանց ուրախութիւնը, որ վերջապէս անցաւ ձմեռային թմրութիւնը, մեռելութիւնը, վերջապէս ամեն բան վերանորոգվեցաւ գարնան կենսատու արևի ճառագայթներից: Գետի ափերին դեռ անցեալ տարվայ աշնանային տերևները թափված էին, դրանց միջեց նոր կանաչը իր զլուխը դուրս էր բերում և իր գոյնով ներկում էր ափերը, օդի մէջ մանուշակի հոտը կանգնած էր: Սիրուն էր ամեն բան Հայաստանի այդ սրտում, սիրուն և կոկ էր բնութիւնը Զանգուի ափի մօտ. ամեն բան այնտեղ կայ, թարմ տերևների խօսքը խառնվում է հովի և թռչունների երգերի հետ...

Ես գնում էի բնութիւնը և չէի նկատել, որ ընկերներս արդէն ներքև են իջել և ինձ կանչում են. «կաքաւ» ձայնը ընկաւ ականջս: Երեսուն քայլ ինձանից հեռու, կուրծքը ինձ

դարձրած նստած էր որձ կաքաւը և կրչկրչալով
 էր ընկերուհուն էր կանչում: Հրացանս պատ-
 րաստ էր. «Դու էլ մեռիր մտածեցի ես, թող
 էդդ միայն մնայ»: Մի բոպէից յետոյ Տօպօր
 բերանն առած գեղեցիկ թռչունը, ուրախ վա-
 զում էր դէպի ինձ: Մի քանի ժամանակից
 յետոյ ես էլ վազեցի ներքև ձորակը ընկերնե-
 րիս մօտ, որոնք սպասում էին Ծարաւ-Աղբիւրի
 մօտ:

— Ա՛քու տունը շինի, դիմեց ինձ բարկա-
 ցած Սամսօնը, բա՛ մի սըհաթ բղաւում ի կա-
 քաւ հա՛, կաքաւ, բա՛ դու քար էիր, ինչ էիր
 թռանքիդ վրա կըթնել ու երկնքին թամաշ
 անում. մօլլի ազանն իր տալի՛. եանի մի պու-
 ճուր թուրք էլ ես:

— Բաս էս ի՞նչ ա:

— Աստօձ ոչ դիդէ իմ գլուխը, ասաց Սի-
 մօնը ըստ սովորականին դողալով:

— Նսպաստակ ա, ի՞նչ ա: Էս քոռը չոր-
 նի շանն ա հրացանով խփել՝ նսպաստակի
 տեղա ընդունել, չորաներն էլ հրացանը խել
 են, երկու մանէթ ա տուել հետ առել, ասաց
 Սամսօնը ու ծիծաղեց:

— Չիս տեսնում իս, վուր շուն ին... ի՞նչէ

խրփում ին... էս կուրտղէլս, դուն քոր իս,
 ջըզրացնում էր Տարիէլը Սիմօնին:

— Ալահ, ալահ ա, էս սարսաղն էլ որտե-
 ղեց զլսիս ցաւ դառաւ, բարկանում էր Սիմօնը.

— Տղէրք, էդ թողնէրք, էս գիշեր ինչտեղ
 պիտի քնէրք, արի էս տեղ աղբիւրի մօտ կրակ
 աննէք մնանք, ասացի ես:

— Չէ, քիչ էլ գնանք. կամուրջ կայ Ձան-
 գուի վրա, անցնէրք էն ափը, գնանք Մադօի
 Սղան էնտեղ քնէրք, ասաց Սամսօնը:

— Էդ ինչ Մադօ է, Սամսօն, հարցրի ես:

— Տօ դա իմ ծանօթ մի լաւ քուրդ ա:
 Շատ լաւ հիւրասէր մարդ ա, բոլ էլ ոչխար
 ունի: Գնանք նրա մօտ, լաւ պատիւ կը տայ.
 ոչխարն էլ ծնում ա:

— Դէ գնանք, ասացինք ամենքս:

Բաւական քաղցած էինք. ամենքիս աչքը
 խուրջինի վրա էր: Հաց ուտելու և տաքանալու
 յոյսը մեզ ոյժ էր տալիս: Թէպէտ այդ օրը շատ
 էինք թափառել և յօգնել, այնու ամենայնիւ
 շուտ շուտ էինք գնում և այգիներում փայտ
 հաւարում:

Ճանապարհին Սամսօնը պատմեց, թէ մեր տե-
 սած աղբիւրը ի՞նչի է Ծառաւ-Աղբիւր անուանվում:

Երկու քանաքերցիք գրազ են գալի: Մէկը ասում է միւսին, որ կը տանի Զանգուի ափի աղբիւրը և էնտեղեց առանց ջուր խմելու հետ կը բերի: Քանաքէոցի երիտասարդները ճանապարհ են ընկնում, հասնում են աղբիւրին, մէկը ասում է միւսին — թէ հիմա դու ջուր խմես, ով կիմանայ, որ խմել ես, դու կասես խմել եմ, ես կասեմ չես խմել, եկ գնանք Քանաքետ, մի մարդ բերենք, որ վկայ լինի: Միա-միտ քանաքէոցին համաձայնում է և երկու-սը հետ են դառնում, երբ հասնում են գիւղը նոր է հասկանում, որ խարվել է և ծարաւ է վերադարձել: Այդ անցքից յետոյ, իբր թէ, աղբիւրը անուանվում է Մառաւ:

Ի ուսինը բաւական բարձրացել էր, երբ մենք հասանք Մազօի Օդային, որտեղեց մի թաքուն շներ յարձակվեցին մեզ վրա և Մազօի քուրդ ծառաները ահագին դազանակները ձեռքերին, եկան դէպի մեզ և անցկացրին շներից: Չորս կողմից լավում էին նոր ծնած գառների և ուլերի մըկըկալը:

II

Մազօի օդան միայն չէր այգտեղ, կային և ուրիշները. բայց նրանք թողած էին և ոչ ոք

այնտեղ չէր բնակվում: Քարերը դարսած միմե-անց վրա չորս կողմից պատեր են կազմում, առաստաղը եղեգնիցն է շինած և նրա վրա հող է ածած: Այս է բոլոր շինութիւնը: Մագօի օդան միւս օդաների մէջ տեղն էր գտնու-վում, որի չորս կողմը առանց առաստաղի քա-ռանկիւնի պատեր էին դարսած՝ այգտեղ անա-սուններն են մնում քուրդերի ահագին շների հսկողութեան տակ:

Իր օդայի կտրին կանգնած, լուսաւորված լուանի արծաթեայ ճառագայթով, բնդունեց մեզ՝ քուրդ Մագօն, այդ միջնադարեան հսկայ աս-պետը: Նա ձեռքին ունէր իր դագանակը, քուրդի այդ անբաժան զէնքը, որով դրանք պատերազ-մում են մինչև անգամ զինաւորված մարդու հետ: Այդ մարդուն նայելիս հիանալ կարելի էր նրա դէմքի արտայայտութեան վրա. մարմնի կազմուածքը, հաքուտը, կոպիտ ձայնը ցոյց էին տալի, որ դա բնութեան որդի է, այն հովիւ-ներից մէկը, որոնց նկարագրութիւնը կարդում ենք Աստուածաշունչ գրքում: Նրբ նա մեզ տե-սաւ, իսկոյն հրաւիրեց. իսկոյն հասկացաւ, որ հիւրեր են եկել և առանց հարցնելու, թէ մենք ով ենք, ի՞նչ ազգութեան ենք պատկանում,

նա առարջակեց մեզ իր բնակարանը:

— Համեցէք, աչքիս վրա, ասաց նա հայերէն, ձեզ Աստուած ինձ ղոնաղ ա ղարկել:

— Իմ ընկերներն են, ասաց Սամսօնը, որսի դուրս եկանք մթնեց բերի քեզ մօտ ղոնաղ:

Սամսօնը Մադօի հին բարեկամն էր:

— Ետտ լաւ ես արել, խալՖա Սամսօն: Համեցէք...

— Ադա, գէշ ա Սամսօն, էն Աստօծը գէշ ա, ասաց Սիմօնը ցոյց տալով դէպի տարածվող դաշտը: Ըհը՝ տես, ուզում ա ոչխար տանի: Կերթամ կը խփեմ:

— Ադա, սուս, այ քոր շուն, բիարուր արիւր մեզ, մի շուն էլ ըստեղ կը սպաննես:

— Գէ դու ես զիտում:

Մադօն կտուրից մեզ մոցրեց իր օդան: Մի ծակ, որից մի մարդ կարող է ներս սողալ, այդ օդայի ճանապարհն էր: Միւս կողմից օդան մի փոքր դուռն ունէր, բայց նա նշանակած էր անասունների և կանանց համար:

Օդայի մի մասում անասուններ էին գտնվում, նոր ծնող ոչխարներ և գառներ, միւս մասում փոքր վառարան, որի շուրջը ուրախ կրակի մօտ մենք շարվեցանք: Օդը սաստիկ ծանր էր,

այնպէս որ հաղիւ էինք շունչ քաշում:

Օդայի մէջ գտնվողները բոլորը քուրդեր էին, քացի մէկ հայ քանաքէոցի, որը Սամսօնի հարցին, թէ այստեղ ի՞նչ է շինում, պատասխանեց, որ Մադօից միշտ ոչխարներ է գնում և նրա հետ զանազան հաշիւներ ունէ, որոնց պատճառով շուտ շուտ այցելում է այս տեղը: Մադօն հաստատեց նրա ասածը, միայն տանտիրոջ քուրդ չորաններից մէկը մի կասկածաւոր հայեացք ձգեց քանաքէոցու վրա և սկսեց վառվող կրակը խառնել:

Մեր խուրջինը բացվեց ու շուտով փայտեայ շամփուրների վրա շարած խորովածները սկսեցին խշխշալ կրակի վրա:

Ամենքս լաւ արամադրված էինք: Մադօն խօսում էր Սիմօնի հետ նոր օրէնքների վրա, որոնցից Սիմօնը տեղեկութիւն ունէր: Սամսօնը հանաքներ էր անում, Տարիէլը զինի էր ածում և քթի տակ երգում էր վրացերէն՝

Չմեռն ինչ կուզէ ցուրտ ըլի

Եարի եարալի,

Թէ ա կուան էլ սառիլ ըլի

Թարի եարալի,

Յուրտը մեզի չի վախեցնի

Թէ զլիններու տաք ըլի,

Եւ ցոյց տալով իբր թէ ծածուկ է անում,
տկի բերանը իր բերնին էր կայցնում..

Երբ բաւական մասնք կեր ու խումի մէջ,
երբ գինին տաքացրեց գլուխներս, էլ մեզ հետ
խօսել չէր կարելի:

— Հիմա նանս երազներ ա տեսնում: Տես-
նում ա, որ նրա Սամսոնը եպիսկոպոսի աջն
առել ա, օրհնութիւնը ստացել ու առօք փա-
ռօք բերում ա քաղաք, ասում էր Սամսոնը:
Հայ զիզի, նանի, թէ մին կիմանաս, որ ան-
առակ որդիդ հրմի էս չօլումը բաքոսարանու-
թիւն ա անում.. յետոյ երգում էր՝

Ախ ի՞նչ քաղցր բան

Ըլլալ կոնծարան,

Ախ ինչ դառը բան

Ըլլալ կարտարան:

Ո՛հ ի՞նչ դառը բան

Ըլլալ սիրական,

Ո՛հ ինչ քաղցր բան

Աին ունենալ տան:

Քանաքէոցին մասնակցում էր մեր քէֆին:
Դա մի զեղեցիկ առողջ տղամարդ էր: Մաղօն
առաջարկեց նրան ածել չորանի շվիլի վրա և

քանաքէոցին սկսեց իր փայտեայ գործիքով
հօվիւնների բոլոր եղանակները շվացնել: Ամեն-
քը ուշադրութեամբ լսում էին, եղանակները
շատ զեղեցիկ էին: Նրանց մէջ երևում էր
մէկ վայրենի ներդաշնակութիւն, որ այդքան
սիրելի է ասիացի մարդուն..

— Որտեղեց է սովորել այս քանաքէոցին,
մի՞ թէ իր հաշիւների համար Մաղօի օդան
այցելելով, նա սովորեց և հովի շվին ածել,
մտածում էի ես, երբ ետևիս նստած Տարիէլը
երկու երեք անգամ բօթեց մէջքիս:

— Ի՞նչ ես ուզում, հարցրի ես:

— Նայիր, ասաց նա, գլխով ցոյց տալով
դէպի օդայի մուտք անկիւնը:

Երկու փայլուն աչքեր երևում էին մութ
անկիւնում: Ես երբէք չեմ մոռանալ այդ աչ-
քերը, որոնք սաստիկ կրքոտ արտայայտութիւն
ունէին: Այդպիսի աչքեր անուանվում են իւ-
ղօտ աչքեր, այն մտքով, որ ինչպէս իւղը շու-
տով բորբոքվում է, վառվում է, այնպէս էլ
այդ տեսակ աչքերը, որոնք շատ քիչ են պա-
տահում և որոնց առաջ տղամարդը խոնար-
հեցնում է իր հայեացքը, մարմնի մէջ մի տե-
սակ ցնցիւն զգալով..

— Ո՞վ է հարցրի ես ծառայիցս:
 — Աղջիկ է... հէնց դա սկսեց շփե ածել նա երևաց:

— Բայց ի՞նչ գիտես, որ աղջիկ է:

— Գիտեմ, ես տեսայ երբ նա մտաւ: Հէնց քանաքէոցին սկսեց ածել նա էլ մտաւ:

Քանաքէոցին շարունակում էր շուռացնել աւելի ոգևորված. Մադօի քուրդ հովիւր անհանգիստ էր լինում: Նա վերկացաւ և ուղևորվեց դէպի մուրթ անկիւնը, որտեղից իսկոյն աչքերը անհետացան և մէկը շտապով տանից դուրս գնաց:

Քանաքէոցին և քուրդ հովիւր միմեանց շատ բարեկամաբար չէին նայում...

— Այստեղ բոման կայ, մտածեցի ես: Աղջիկ է երևում քանաքէոցու երաժշտութիւնը լսելու, քուրդ հովիւր քանաքէոցու վրա թշնամական հայեացքներ է գցում, գնում է աղջկայ կողմը, որը փախչում է: Այո, բոման կայ, վճռեցի ես մտքումս և սկսեցի մտածել, թէ ինչպէս տեղեկանամ հանգամանքներին...

— Ազա, քունս տանքումս, մեր տղերք ասաց Սամսօնը, երբ արդէն բաւական երկրպագութիւն էր մատուցել բաքոսին, քննեք ոչ:

Ընկերներս օդայի մէջ պառկեցին, որովհետև դուրսը ցուրտ էր: Նա աւելի լաւ համարեցի ցրտում քնել, քան թէ օդայի մէջ, որովհետև ծանր օդը և զանազան միջատները ինձ անհանգստացնում էին: Քանաքէոցին մնաս բարև ասաց: Նա պէտք է առաւօտը մեզանից շուտ գնար...

III

Քուրդի կարպետի մէջ փաթաթված պառկած էի օդաի կտերը, բայց քունս չէր տանում. քանաքէոցին և երկու փայլուն սևորակները ինձ հանգստութիւն չէին տալիս: Բոման կայ այստեղ, մտածում էի և ինքս էլ չը գիտեի թէ ի՞նչի եմ այդպէս կարծում: Քուրդ հովիւ կատաղութիւնը կարող էր երևայկայական լինել, աղջկայ օդա մանելը պատահական...

— Տարիէլ, էն աղջիկը ի՞նչի եկաւ օդան:

— Քանաքէոցուն սիրում է, պատասխանեց

Տարիէլը:

- Ի՞նչ գիտես:
- Գիտեմ, հաստատ գիտեմ:
- Բա, ինչպէս անենք սօ, որ իմանանք բանը ինչումս է:
- Դու քնիր, ես չեմ քնի, դուրս կը գան

կը խօսեն, կիմանան:

— Թէ զօչաղ ես, Տարիէլ ջան, թէ եմ լօ-
թի Տարիէլն ես, իմացիր, փող կը բախշեմ:

— Աիմանամ, փողն ինչ եմ անում, դու
փող չե՞ս:

— Դիէ լաւ:

Մենք էլի երկար խօսում ինք: Ես կարծում
էի, որ ես և Տարիէլը մենակ էինք, չը հաշու-
լով ի հարկէ Տօպսին, որ ոտքերիս մօտ կօլօլ-
ված երազներ էր տեսնում: Բայց վերջը դուրս
եկաւ որ Մարօն էլ քանաքէոցու հետ դուր-
սըն էր:

— Մարօ ախպէր, դեռ չե՞ս քնել:

— Քնել չեմ, բարեկամիս հետ հաշիւ ենք
անում, պրծանք:

Լաւ զիշեր ա:

— Հա լաւ զիշեր է...է Մարօ,—մի բան
հարցնեմ, ամօթ չըլի:

— Ասա ինչա ա:

— Էսքան ոչխար ունես, հարուստ ես, որ-
զի էլ ունես:

— Չէ տղայ չունեմ, խի ա ամօթ: Մի
լաւ աղջիկ ունեմ, տղից լաւ: Ետտ բաժինք
են տալի, որ Զօրաիս մարդի տամ, տալիս չեմ:

— Երեւի շատ փոքր է:

— Ղարավաշը տասնը հինգ տարեկան ա:
Մենք թէզ մարդի կը տանք, ամա ես ուզում
չեմ: Բարի զիշեր, ասաց նա և մտաւ նեղ
ձակից օդայի մէջ:

Տասն և հինգ տարեկան աղջիկ, սիրուն աչ-
քեր և քանաքէոցի տղայ, որ շատ լաւ շվի է
ածում, ի՞նչ կայ զարմանալու, որ այդ երկուսը
սիրում լինեն միմեանց...

Այսպէս տրամադրված ես քնեցի:

Դեռ լուսնի ճառագայթը նոր էր իր տեղը
արևի լուսին թողնում, հեռու, սարերի մէջ
նոր էին սկսել իրանց երգը արտուտները, կա-
քանները սկսել էին իջնել դաշտը կերակրի
համար, երբ շվի ձայնը ինձ զարթեցրեց: Այդ
քանաքէոցին էր ածում, զնալով գէպի սարը:

Տարիէլը և շունս չը կային:

Օդայի պատի մօտ դրսից կանգնած էր Զօ-
րան և նայում էր հեռացող քանաքէոցուն:
Իրա գեղեցկութեան նմանը ես կեանքումս չէի
տեսել: Չէի իմանում ինչի հետ համեմատեմ
նրա գեղեցիկը: Երեսի նուրբ գծագրութիւնը մի
հակապատկեր էր ներկայացնում նրա աչքերի
վայրենի փայլունքին: Մարմնի ամբողջ կազմ-

վաճքը մի խառնուրդ էր փափկութեան և կոպտութեան: Մաղօս յօնքերը խառնվում էին թերթերունքների հետ:

Քանաքէոցին դադարեցրեց շվե ածելը, յետ դարձաւ, բարձրացրեց գլխակը և խաղացրեց օդում: Զօրան էլ պատից բարձրացրեց ձեռքը և նրանով մի քանի պտոյաներ արաւ: Ես փաթաթվեցի կարպետի մէջ և աչքերս փակեցի:

Մի քանի ժամանակ լսվում էր քանաքէրցու երգը. «Քանաքէո բարձր սար ա վայ լօ, լօ, լօ, վայ լօ, լօ, լօ» կանչում էր նա և յետոյ դարձեալ ամեն բան լռեց:

Երբ ես վերկացայ բաւական հեռաւորութեամբ ոչ ոք չէր երևում, միայն Զօրան մի քանի ոչխար էր քշում դէպի այն կողմը, որ կողմը, քանաքէոցին դնաց:

Բաւական ժամանակ նրան հետևում էի հայտնաբերով, յետոյ վեր առայ հրացանս և դնացի դէպի սարերի ստորոտը, որտեղ յոյս ունէի գրտնել կաքաւներ, որոնք այդ ժամանակ քարափներից դաշտ են իջնում կերակրի համար: Մօտ մէկ ժամթափառեցի, շատ կաքաւ ինձ պատահեց, բայց չը յաջողվեց ոչ մէկին սպանել:

Մէկ բլուրի մօտից որձ կաքաւի ձայն էր

լսվում: Կամաց կամաց ես սկսեցի բարձրանալ սարը: Շունչս պահում էի, որ գոնեա այս անգամ սպանեմ, որ մէկ բան ունենանք տուն տանելու: Հրացանիս ոտքերը բարձրացրած էին, երբ մէկը փեշս քաշեց: Ղա Տարիէն էր, որ քարի ետևը ծածկվել էր:

— Սուս, նստիր, ասաց նա, նայիր էն կողմը, ցոյց տուեց նա սարի մէջ ճեղքը, տեսա՞ր:

Փոքրիկ, կանաչով ծածկված տափարակ տեղ նստած էին քանաքէոցին և Զօրան: Նոքա խօսում էին միմեանց հետ, չը կասկածելով, որ մենք զրանց տեսնում ենք: Խեղճ սիրահարները ապահով տեղ էին գտել. որտեղ կարծում էին նրանց ոչ ոք չի տեսնի:

— Էն կողմը նայիր, ցոյց տուեց ինձ Տարիէլը, էն մէկն էլ զրանց է մտիկ տալի:

Միւս կողմ Մաղօի քուրդ չօբանն էր, որ անդադար սեղմում էր իր խանջալե կոթը:

— Աղա էն քուրդն էլ է սիրում աղջկան, էսէնց էլ խաթաբալա կը լինի, ասում էր Տարիէլը ծիծաղելով:

Վանաչի վրա նստած երկար խօսում էին քանաքէոցին Զօրայի հետ: Մենք չէինք լսում նրանց խօսակցութիւնը, որովհետև շատ էինք

հետու: Վերջապէս քանաքեօցին վեր կացաւ, պատրաստովեց գնալու: Մօտ երկու բօպէ աղջիկը և տղան նայում էին միմիանց, յետոյ մէկը ընկաւ միւսի գիրկը: Հրացանի ձայնը արգելեց նրանց վայելել այն գրիխառնութիւն: Նախանձոտ քուրդը չըհամբերեց, արձակեց իր հակառակորդի վրա հրացան և շտապ քայլերով հեռացաւ: Բաղդաւորապէս քրդի գնտակը չը հասու նպատակին, միայն խանդարեց սիրահարներին աւերորդ բօպէ երջանիկ լինել: Նրանք շուտ բաժանվեցան և գնացին հակառակ կողմեր, անդադար յետ նայելով մէկը միւսի կողմը:

Այդ օրը ճաշի ժամանակ բոլորս դարձեալ հաւաքվեցանք Մադօի օդայում, բայց չը տեսանք ոչ Զօրային, ոչ քուրդ հովւին: Ընկերներին որսը ինձանից աջող էր. Սամսօերը երեք կաքաւ էր սպանել, իսկ Սիմօնը մի նապաստակ:

Մադօին շնորհակալութիւն անելուց յետոյ մենք գնացինք Երևան, որտեղ Սամսօնը դարձեալ խաբեց իր նանին, ասելով, որ եպիսկոպոսը եկաւ և ոչ թէ միայն ինքը ստացաւ նրա սուրբ օրհնութիւնը, այլ և պառաւ նանի համար էլ է բերել:

— Ապրես, այ որդի, ասում էր բարի կինը,

ապրես, Աստուած գործիդ աջողութիւն տայ, իշխանաւորիդ խիտտ աչքը բարի ըլն վե՛զ:

Խեղճ նանի, եթէ դիտենայիր ո՞նցա քո անառակը քեղ խաբում, նրա գլխի մազերը կը հանէիր: Բայց դու ո՞րտեղից կիմանաս, երբ այդքան քաղցր, բարի և միամիտ ես...

Մի քանի ամիս անցել էր այն օրից, երբ մենք որսի էինք գնացել: Ես մոռացել էի մեր որսն էլ, Մադօին էլ, և միւսներին էլ: Ես ման էի գալի Երևանի թողոտ, փոքրիկ այգիի մէջ, որ գտնվում է պօլցիայի առաջ: Այդտեղ բաւական շատ մարդիկ էին հաւաքվել: Երբ ես հարցրի թէ «ի՞նչ խաբար» է, ինձ պատմեցին, որ մի քանի ժամանակ առաջ մի քանաքէօցի էր անհետացել, որ նրան շատ էին պտռել: Բայց ի վուր, իսկ այսօր քանաքէօցու դիակը գտել են Զանգուի մէջ:

— Ինչպէս երևում է քանաքէօցին ջրում չէ խեղդվել, ասում էր պատմողը, որովհետեւ նրա պարանոցի վրա թոկի հետքեր կան:

— Ոչինչ չեն խօսում, թէ ո՞վ կը լինի խեղդած, հարցրի ես:

— Ինչպէս չէ, ասում են, որ քուրդերն են խեղդել, մի քանի օր ծածկել են դիակը ի-

րանց մօտ և յետոյ գցել են Չանգուն:

— Հա՛, մի՞ թէ, բացազանչեցի ես մտաբերելով Մաղօի օդան, բայց ինչ են ասում ինչէ համար կը լինեն սպանած, չէ որ մի շարժառիթ պէտք է ունենային:

— Պատմում են, որ քուրդերը սպանվածին փող են եղել պարտ և չեն կամեցել վճարել, հանգուցեալը պահանջել է և խեղդելով դրանից ազատվել են:

Այսպէս խօսում էինք, երբ մեզ մօտեցաւ Սամսօնը:

— Ադա էդ ինչ քանաքեռցի են սպանել, հարցրեց նա իմ ծանօթից:

— Տօ էն Կովակենց Խէչօն ա, էն ինչ կորել էր է՛:

— Գիտես այդ ինչ Խէչօ ա, զիմեց ինձ Սամսօնը, էդ էն քանաքեռցին ա, որ մեզ հետ Մաղօի օդայումն էր էն զիշերը, միտդ ա՛:

— Ինչպէս չէ:

Խեղճ Չօրա, մտածում էի ես, քո սիրածին էլ սպանեցին: Ով է խմանում նախանձոտ քուրդ հովիւն էր սիրեկանիդ խեղդողը: Եթէ նա վճռեց հրացան արձակել իր հակարակորդի վրա, մի՞թէ չէր կարող խեղդել էլ:

Չօրային էլէ մէկ անգամ պատահեցի: Եթէ ժամանակ կունենամ մի ուրիշ անգամ կը պատմեմ նրա մասին:

ՄԻ ԹԵՐԹԻ ԻՄ ՅԻՇՈՂՈՒ ԹԻԻՆՆԵՐԻՑ

I

Երկու տարի միակերպ կեանք անցկացրի Պարտիզապատ զեղաքաղաքում, որի մրգերը, պարտեղներով պատած զիրքը և զեղեցիկ, բարի կանայք աշխարհի այդ փոքրիկ անկիւնի զրեթէ միակ արժանաւորութիւններ են կազմում: Երբ մարդ դանվում է մի այսպիսի տեղ կամայ ակամայ զուարճանում է որսով, ձի նըստելով և այլն: Այդ բանը անում էի ես մեծ ուրախութեամբ, որովհետեւ երեխայութիւնից սիրում էի թէ ձի, թէ որս և թէ որսորդական շներ:

Գիւղի չորս կողմը դանված սարերը մի ծայրից մինչև միւս ծայրը հազար անգամ չափել եմ, ընկնելով կաքաւի ետեւից, որ զեղեցիկ աղջկայ պէս փախչում է քեզանից և մի և

նոյն ժամանակ իր երգով, շարժվածքով մարդու այնքան հրապուրում է, որ նա հեռուում է չը գգայով յոգնութիւն:

Առաւօտները երբ նոր է արշալոյսը բացվում, երբ արևը պատրաստվում է տալ իր ողջոյնը ցուրտ ժայռերին, կամ երեկոյեան երբ արևը արդէն մնաս բարև է ասում տաքացած քարերին և պատրաստվում է ծածկվել հորիզոնի ետևը, սրանք են այն ժամանակները, երբ կաքաները սկսում են կանչել իրանց հեռացած ընկերներին, երգել և զրանով ցոյց են տալի որսորդին թէ իրանք ինչ տեղ են գտնվում: Այս ժամանակները լաւ որսորդի հրացանը երբէք ուսի վրա չէ լինում, այլ հրացանի երկու ոտքերը բարձրացած, մատը հրացանաքաշի վրա, հրացանի կոթը աջ կռանը կպած, իսկ խողովակը ձախ ձեռքի վրա: Այս զրութեան մէջ նա կատուի պէս ոլորվելով քարից քար է անցնում, ժայռից ժայռ և սիրահարված երիտասարդի պէս հեռուում է իր սիրուհւն, կաքաւի, բոլոր շարժվածքներին և շուտով որսը իր ձեռքին է լինում: Սպանված կաքաւը որսորդին ըստէաչափ է բաւականացնում, նա իսկոյն նոր զոհ է փնտռում: Այս ըստէն որսորդի կեանքի մէջ

ամենամանազնիւ ըստէն է, և մի նոյն ժամանակ սա լաւ որսորդի յատկանիշ է: Այսպիսի բաւականութիւն ես շատ քիչ անգամ էի վայելում, որովհետեւ լաւ որսորդ չէի: Բայց մի և նոյն ժամանակ ունէի և իմ մխիթարութիւնը՝ դա իմ ճարիէլ իմէրէլ ծառան էր իր անհասունել խորջնով:

— Աղա, կը կանչէր նա ինձ վրացերէն իւրաքանչիւր անաջող հրացանաձգութիւն'ց յետոյ աղա կաքաւը մէրն է չի փոխչել, այ տես, հրէն էն քարի ետևը նստեց:

— Արի գնանք...ամա չէ, գու այտեղ կաց:

— Չէ, կը պատասխանէր նա, մի էս սառը խորոված սուկու կտորը կեր, մի էս գինին խմէ, գիտես, աղա, սրա խաղողը Պարտիզապատի աղջիկն է քաղել ու իր կիղտոտ մասներով քամել... Ս'հ շէնի կի ճիրիմէ, լամաղօ քալօ դա թօփօ, յետոյ երգում էր.

«Երբ մենք կունենանք պատուական գինի աշխարհըն էլ քանդվել, քէֆներս էլ լաւ կը լինի»

Այսպէս էր անցնում կեանքս Պարտիզապատ գիւղում՝ որսը և Սրբիանանց մոխտու տունը իմ ապաստանարաններն էին:

Սրբիանանց մուխսին մի փոքրիկ մարդ էր: Նրա հասակը մի արշին ու կեսից աւելի չէր, մազերը արդէն սպիտակել էին, թշերը երկու միջուրով էին ծածկած, իսկ կզակը վեր արած: Նա ման էր եկել արտասահման, զնացել էր մինչև անգամ Նգրպոսոս, ներկայացել էր Նուբար՝ փաշային: Մուխսին շատ էր սիրում պատմել իր ճանապարհորդութեան մանրամասները: Պատմելու ժամանակ խօսելով իր քաղաքական բանակցութեան մասին Նուբար-փաշայի հետ, նա չէր մոռանում պատմել և այն հանգամանքը, թէ ինչպէս ինքը փաշայի այգիից նարինջներ էր գողացել: Խօսելու ժամանակ նա անդադար զաղիներէն աղավաղված Ֆրագներ էր գործածում: Մուխսին պսակված էր, ունէր մի կին, երկու աղայ և մի ոչ թէ սիրուն, այլ աղի, փափուկ, կօկէա աղջիկ, որի աչքերից կարելի էր զուշակել, որ ժամանակով նա շատ երիտասարդներին պէտք է հիացնէր: Մուխսին քնքոյշ հօր սիրով սիրում էր իր բոլոր ընտանիքը և պատրաստ էր նրա համար ամեն տեսակ զոհաբերութիւններ անել: Պարտիզապատ գիւղում իմ եղած ժամանակ Սրբիանանց մուխսու կեանքում փոփոխութիւն պատահեց:

Նա ընտրվեց զիւղի մեղք և այնուհետև նրան էլ մուխսի չէին կանչում, այլ «մեղք աղա»: Նոր պաշտօնի մէջ մի վաղեմի հարուստ և այժմ գրեթէ աղքատացած վաճառականը ցոյց տուեց իր բոլոր կառավարչական ընդունակութիւնները: Միամիտ մուխսին դարձաւ կառավարիչ և այդ իրողութիւնը նա ամեն գործով ցոյց էր տալի՝ սկսած իր ուուսերէն դրած օրէկներին յօրուածներով լի պաշտօնական թղթերից մինչև իր տուած ընթրիքները դաւառապետին կամ նրա օգնականին: Այդ ընթրիքների ժամանակ նա ճաշակով էր հաւաքում հիւրերին: Պարտիզապատ գիւղի շրջակաների աստիճանաւոր դասը նրանից հիացած էր: Այսպիսի «cochon» էր իմ Մուխսին, որը սիրում էր այդ բառը անդադար գործ ածել:

II

Յունիս ամսի տաք երեկներից մէկն էր: Սրերը տաքացրել էր ժայռոտ սարերը և ինքը մայր էր մտել: Պարտիզապատ գիւղից գոլորշի էր բարձրանում: Այգիների մէջ ծոյլ օփիները զանդաղ շարժում էին իրանց գլուխները: Նա ամբողջ օր սարերը չափելուց յետոյ, երկու կաքաւ որսորդական պարկիցս կախ ըն-

կած, հրացանը ուսիս և հաւատարիմ ճարիչէն և Տօղսի հետ վերադառնում էի որսից: Կեռ մի ժամ առաջ սպիտակ ամպեր էին հաւաքվում մաքուր երկնահամարի վրա: Կիւղի մէջ տօթ էր արեւ և ժամանակ առ ժամանակ անձրևի խոշոր կաթիլները թափվում էին տաքացած կաուրների վրա: Կիւղի չորս կողմից զանգակի մեղամաղձոտ ձայնը աստուածասէր քրիստոնեաներին կանչում էր երեկոյեան աղօթքի: Կիւղի մի ծայրում երևաց Տէր-Սիմօն հայրը և միրուքը ուղղելով, տէր-ողորմիան գցելով, պաշտօնական քայլերով դիմեց դէպի սուրբ Նմաւօն եկեղեցին, իսկ միւս կողմից նախընկալօն տէր հօր նման ճիշդ, փայտը խաղացնելով, մէջքը քորելով «օհօ հօ, հօ հօօօ քեա՛Քիր, հօ շուն տղե կու՛վ», կանչելով երևում է զիւղի միւս ծայրում և իր նախիրը քշում: Ուսումնարանից ապագայ հասարակութիւնը ճանապարհին պատահածը վայր ձգելով, տուն է վաղում և օդը թնդացնում է անմեղ, մանկահասն քաղցր ծիծաղով: Կրանց հանդէպ զոյգ զոյգ կանգնած, պարծենկոտ վերակացու աշակերտուհու հսկողութեան տակ, գնում են օրիորդ աշակերտուհիները: Փողոցները ծածկված են ժամ գնացող գոյնզգոյն հագն-

ված կանանցով: Նախիրը մօտենում է զիւղին, աշակերտները աշակերտուհիներին, հորթերը պատասխանում են իրանց մայրերի բռնչարուն... ամառային յանկարծակի անձրևը թափվում է մեծ կաթիլներով: Անասունների, մարդկերանց, տղաների ձայները խառնվում են միմեանց հետ ու միանալով ամպի որոտման հետ, մի անորոշ աղաղակի են փոխվում:..

— Բարիգուն, cochon, կանչեց ինձ մուխսին, որ մի դրան մօտ պատասպարվել էր:

— Բարին արևիդ, մուխսի, պատասխանեցի ես, տեսնում եմ ժամ ես գնում, հողուդ պահպան:

Մուխսին տարին մի անգամ էր ժամ գնում:

— Էդ թողնենք, ես քեզ cochon ասացի, դու ինձ մուխսի, բարեբար ենք դուրս գալի: Հիմի պարոն ջան, տեսնում եմ կաքաւներ ես սպանել, ո՛ր ես տանում:

— Տանում եմ էսպէս. որ դրան մօտ ինձ կասեն լաւ գինի ունեն, այնտեղ կը մտնեմ:

— Որ ասեմ թէ մեր տանը շատ լաւ գինի կայ, էն կարմիր գինուց, որ շատ նման է ճոռկ ունչին, նոկ՝ կախեթու գինուն:

— Ի հարկէ ձեր կողմը կերթամ:

- Որ ասեմ թէ Շաքրօն էլ մեր տանն է:
- Գաւառապետը:
- Հօ:
- Ձեր դուռը կը ծեծեն:
- Որ ասեմ թէ, մեր հարեանի տանն է սայրուն հորս:»
- Գնացի, դուզ ձեր տուն գնացի, Մելքե աղա:
- Դէ գնա. Տարիելեդ էլ տար, տանը ծառայ չը կայ:
- Ձը նայելով անձրևի մեծ մեծ կաթիլներին ես ուղևորվեցի գէպի մութսու տունը:
- Աղս, է՛ի, կանչեց մելքը իմ ետեկց, շատ սաղ ու բաղ չանեա սայրուն հորսի հետ, թէ չէ կինս կիմանայ, տանից քեզ էլ դուրս կանի ինձ էլ:
- Հանգիստ կաց....
- Մի քանի րոպէից յետոյ ես մելքի տանն էի:

III

Կանաչ սեղանի շուրջը, միջակ մեծութեան սենեակում նստած էին գաւառապետը և մի քանի պարտիզապատցիք, մի ուսուցիչ, մի փոքր աստիճանաւոր, որ իր կօկարդով էր պար-

ծենում ու եթէ չամաչէր գաւառապետից, սենեակումն էլ գլխարկը չէր վերցնի, որ իր կօկարդը անցայտ չը մնար: Այգտեղ էին պարտիզապատցի խնջօք Սարգիսը, կնոջ նման խարար բլան հերբար Օվանիսը, սիրուն Կապետը, այդ ձուկից դուրս եկող ու զեռ նոր կազմակերպվող փոքրիկ մարդը: Հինգ հոգի խաղ էին կազմել և ստուկօղիա էին խաղում:

- Վիսա, կանչում էր տաքացած Կապետը:
- Փաս, երկարացնում էր հերբար Օվանիսը, որին Կապետը երևի ոտի հարուածով յայտնել էր թէ ինքը լաւ թուղթ ունէ:
- Գիժ Գիգօլին էլ վիսա, կանչում էր Սարգիսը, որ իրան խաղի ժամանակ գիժ Գիգօլի էր կանչում:
- Ո՞ր ո՞րս, ասում էր գաւառապետը:
- Իս նստեմ, այ աման, փրնթփնթում էր Սարգիսը ու ճշմարիտ նստեց 45:
- Բոլոր խաղացողները աննշան մարդիկ էին, բացի գաւառապետից:

Դա մի ազնուական թիֆլիսցի վրացի էր, որ մի քանի տարի ծառայել էր պօլեցիայում: Մի դարդիմանդ վրացի էր: Նորա հասակը նստած ժամանակն էլ բարձրանում էր շրջապատողնե-

րից: Արծուանման քիթը տիրապետում էր սիրուն գծագրած երեսի վրա: Շաքրո էր նրա անունը: Նա երբէք չէր թողնում իր երկար չուբուխը: Զի նստած ժամանակը չուբուխի կոթը միշտ բոսֆորոսի մէջ էր լինում կոխած:

Շաքրոսի հետ ես կապված էի ամուր բարեկամական կապով, որ գուցէ ինքն էլ չէր գուշակում: Նրան երեխայութենից յիշում էի, որովհետեւ 8 տարի շարունակ նա մեր հարեան էր Թիֆլիսում: Այն ժամանակից, որ նա իր ոտքը դրեց Պարտիզապատ, շրջականերում ազակութիւնը անհետացաւ: Նրա հետ միշտ խօսում էինք վրացերէն կամ ռուսերէն և անդադար խօսում էինք մեր մի ընդհանուր բարեկամի վրա և միմեանց պատմում էինք նրա քաջագործութիւնները:

— Ս'հ գամարջօբա, տասց նա ինձ, երբ մտայ սենեակը, հը կաքաւ ես բերել, ամա լաւ էլ թըջվել ես: Ղէհ, աթոռ վեր առ, արի խաղանք: Ստուկօրկա, Փիշը հինգ կօպէկ:

— Ղիտէք, ես չեմ խաղում: Սաղը արիւնս փչացնում է: Մի և նոյն ժամանակ զիմացը մի շատ գեղեցիկը կայ, աւելացրի ես, որի վրա

կամենում եմ մի քանի հայեացքներ ձգել:

— Այ դա մաշենիկ, ամեն տեղ կը գտնես: Կաւ, մի խաղա, բայց ինձ մօտ երբ կը գաս Վ. գիւղը:

— Մի օր երբ ազատ ժամանակ կունենամ:

— Այնտեղ շատ լաւ է, կաքաւներ շատ կան, վեր առ մի օր Տարիէլիդ, հրացանդ, ձի նստիր ու արի: Կամենաս էգուց միասին գնանք, ազատ օրեր են:

— Չէ, ես ինքս կը գամ:

— Դու գիտես:

Խոյ դացողները շարունակեցին իմ պատճառաւ ընդմիջված խաղը:

Ես սկսում էի ձանձրանալ միակերպ «վիստ» և «պաս» լսելուց, երբ մտաւ մուխսին:

— Bon soir, կանչեց նա, Տարիէլդ ղօշաղ է, զիմեց ինձ, արդէն կաքաւները խորովում է. վերջացրէք խաղը, հաց ուտենք, եթէ կը կամենաք իրիգնահացից յետոյ կը խաղանք: Ես էլ եմ սիրում զոկ կարտերը:

Աստուծոյ տուած բարիքները բերեցին սեղանի վրա: Պարտիզապատի բնակիչները, ինչքան էլ ազքատ լինեն միշտ առատ սեղան ունեն: Մուխսին ընտրվեց թամաղա: Բաժակները դա-

տարկվում էին միմեանց ետեկից: Մեր ուրախ երգերը չէին զադարում մինչև ժամի երկուսը: Այսպիսի յանկարծակի քեֆերը միշտ լաւ են լինում, միշտ ուրախ են լինում: Մենք վեր էինք կենում սեղանից, ես պատրաստվում էի քնել, միւսները խաղալ, երբ սննեակը մտցրին Շաքրօի թուրք չափարներից մէկին, որ յոյտնեց դաւառապետին, թէ Ուսուուպի գիւղում, մի թուրք են սպանել:

— Խելքդ ի՞նչ է կարում, հարցրեց Շաքրօն չափարից, ո՞վ կը լինի սպանած:

— Չեմ գիտում, աղա, ասում են կինն է սպանել, պատասխանեց թուրքը:

— Կի՛նը, կանչեցին բոլորը զարմացած:

— Հա, ասում են սիրեկան է ունեցել, մարդուն սիրում չէ եղել ու երկուսով սիրեկանի հետ սպանել են:

— Կինը փախել է:

— Չէ, մելիքը երկուսին էլ բռնել է, ջոկ ջոկ կազամատ է գցել:

— Էդ ի՞նչ թուրք է սպանած, հարցրեց Շաքրօն, բէ՞գ է:

— Չէ ըսկի թուրք էլ չէ: Մի տեղից եկած քուրդ է: Էս է երեք տարի է Ուսուուպի են

ապրում: Կինը, աղա, մին սիրուն է, մին սիրուն է, որ էլ ինչ ասեմ:

— Հը՞մ, ասաց Շաքրօն, չուբուխից ծուխ թողնելով, գնա, ձիա թամբեցէք գնանք:

— Գիտէք Նաքրօ, ասացի ես, այդ կինը իմ հետաքրքրութիւնը շարժում է:

— Գնանք միասին, կը տեսնես:

— Ինչ կը լի, ասաց մուխսին, ես էլ կը գամ տեսնելու:

— Լաւ, գնանք, ասացի ես:

— Աղա, դուն Սարգսի ձիու վրա կը նստես, կանչեց դրան ետեւը կանգնած Տարիէլը, ես էլ չափարի թարքին, միասին կերթանք:

— Դու էլ ես գալիս հա, Տարիէլ:

— Հա, թէ որ կը տանես:

IV

Մէկ ժամից յետոյ մենք անցանք Պարտիզապատի միջեց և ընկանք քարոտ ճանապարհները: Նոր եկած անձրևի կաթիլները փայլում էին տերևների վրա. հեռու սարի մէջ բուխ միակերպ ձայն էր լսվում: Լուսինը, բնութեան սիրելին, բարձր կանգնել էր, հպարտ գեղեցիկուհու նման: Միլիօնաւոր աստղերը ծածկել էին

երկնքի երեսը: Զիաների միակերպ քայլվածքը լավում էր գիշերային լուսթեան մէջ: Մեծ տարածութեամբ ոչինչ չէ երևում, միայն երբեմն վախեցած նապաստակը դուրս է ընկնում թփի տակից և անհետանում լայն տարածութեան մէջ:

— Այս, ստում էր մոռխտին, ի՞նչ սիրուն է, ի՞նչ լու է գիշերը ճանապարհ գնալ:

— Այո, լու է, պատասխանում էր Շաքրօն, երբ հազարից մի անգամ է պատահում: Բայց երբ ինձ նման քաղաքի աղմուկին սովոր, միակերպ կեանք ես անցկացնում, երբ անգագար ձիու մէջքից կպած սարեր և դաշտեր ես չափում, ման ես գալիս գիշեր ու ցերեկ, ակամայ սովորում ես արհամարհել բնութեան գեղեցկութիւնները:

Քաղաքի կեանքին սովոր վաղեմի պօլեցիականը թափում էր իր սրտի մէջ հաւարված թօյնը:

— Դուք մաւնգալու ժամանակ երևի ձեր գործով էք լինում զբաղված և չէք նկատում ամեն բան:

— Ի՞նչ գործ կայ, ի՞նչով զբաղվես: Բոլորը միակերպութիւն է:

— Բայց այն յանցանքները, որ դուք քրննում էք:

— Ի՞նչ յանցանքներ... միշտ մի և նոյն բանն է կրկնվում: Սպանութիւն, դողութիւն ծածկված տեղից: Այս երկրում դու ոչ մի ազնիւ աւազակի չես պատահի, բոլորը ստոր մարդասպաններ են... այսպէս մենք գնում ենք, կարող է պատահել, որ այն քարի ետեկից մի գնտակ կարձակեն և մարդ շան պէս սատկում է, չիմանալով մինչև անգամ, թէ ումն է պարտական այդ բարերարութեան համար:

— Բայց այս անգամ կարծեմ այդպէս չէ. այս անգամ կին է սպանողը:

Այո, բայց ո՞վ է իմանում... գուցէ կինը չէ սպանել, այլ նրան մեղադրում են. կրկին նոյն ստորութեանը պիտի պատահենք:

Այսպէս խօսելով մտնում էինք Վ... գիւղին, որտեղ բնակվում էր գաւառապետը և որ Ուստուպի գիւղի ճանապարհին էր:

Ամբողջ այդ օրը ես արևի կիզող ճառագայթների տակ էի ման է եկել: Այս հանգամանքը, այդ գիշերը դատարկած գինու բաժակները, վերջապէս անբուն գիշերը ինձ շատ վատ էին տրամադրել: Գլուխս չափազանց ծանր էր:

Նս կարծում էի, որ քնել եմ ուղում, ննջուս էի ձիու վրա, բայց ոչինչ չէր օգնում: Նս նկատեցի, որ չեմ կարող շարունակել ճանապարհը և երբ հասանք Վ. գիւղին յայտնեցի իմ դիտաւորութիւնը մնալ այդտեղ: Շաքրօն ուրախութեամբ ինձ առաջարկեց իր անկողինը և ես սպանվածի պէս քնեցի:

Քունս շատ անհանդիստ էր: Երազները չէին հանգստացնում: Նս Երևան եմ, տեսնում էի երազումս, գնում եմ որսի... պատահած կաքաւի վրա հրացանս արձակում եմ, նա ընկնում է. մօտենում եմ, որ վեր առնեմ և սպանած կաքաւի տեղ Զօրայի դիակն եմ տեսնում... իսկ հեռուից դալիս է Մարօն: Նա բարկացած է ... Նս մօտենում եմ դիակին և կանչում եմ:

— Զօրա, Զօրա:

— Հա Զօրան է, միտքդ չէ՞:

— Ի՞նչ Զօրա, յանկարծ դարթնելով հարցնում եմ ծարիէլին, որ ինձ մօտ կանգնած երազումս արտասանած խօսքերիս պատասխան էր տալի:

— Ի՞նչ Զօրան, էն Զօրան էլի, Մարօբ աղջկեղը, միտդ չէ ծարաւ աղբիւրը:

— Փիտեմ: Յետոյ ի՞նչ է պատահել նրան:

— Ճաշի վախար եսաուլները բերին: Էն սահաթին ճանչցայ: Հարցրի եսաուլներից անունն ի՞նչ է, Զօրա է:

— Ուրեմն նա է սպանել իր մարդուն:

— Հա:

— Բայց այստեղ ի՞նչ է շինում:

— Չեմ գիտի: Եսաուլները նրան բերին, ճանփին չին տեսի Շաքրօին, գօմի մէջն է, դրան էլ ղարաուլ կայ:

— Խօսեցիր հետը:

— Չէ, եսաուլները չը թողին: Շատ ասի, վուր նաչալնիկը վունչիչ չի ասի, ամա չը թողին:

Անհամբերութեամբ կամենում էի տեսնել Զօրային, բայց Շաքրօն դեռ չէր վերադարձել: Նա պէտք է քննութիւն անէր անցքը պատահած տեղը, այնպէս որ նա մինչև 8 ժամ էլի կուշանար: Ամբողջ օրը ես քնել էի: Պէտք էր մի հնար մտածել Զօրային տեսնելու: Նս դիտէի, որ կամակոր եսաուլները ինձ էլ չէին թողնի մտնել Զօրայի մօտ: Վճռեցի դիմել Տարիէլիս հնարագործութեանը:

— Տարիէլ, ինչպէս անենք, որ Զօրային տեսնեմ:

— Իս փիքը իմ արի, կաց լաւ մթնի:

— Յետոյ:

— Գոմի կտուրը վերև բաց տեղ ունէ էրկթ-
ներով զայմացած, ամա դուն կարողես անց կե-
նայ էրկթների մէջով:

— Յետոյ թոկ կը լինի, որ դու վերևը կը
բռնես, ես ներքև կերթամ:

— Զէ, իս ճամփէն կու սովընցնիմ, մէնակ
գնա. թոկը էրկթեմէն կապէ ու դեմեր գնա
Իս էլ կերթամ զարաուլին կու խօսեցնիմ ու թէ
իմացան կօսիմ վուր դուն իս, թօփ չը պցին:

— Ապրես, Տարիէլ ջան, ղօչաղ իս: Աբա ի՞ն
անում ես արա:

— Աաց, լաւ մթնի: Այ էս մոմ, էս էլ թոկ:
Սաղ տունը տակն ու վրա արի, թոկ չը կար,
ասում էր Տարիէլը ծիծաղելով, իս էլ գնացի
ու եասաուլի ձիու ջելաւը գողցայ:

V

Ամեն բան ինձ օգնում էր: Հէնց մթնեց,
ամալը սկսեց գոռալ և անձրև եկաւ: Ոչ մի
կերպ չէր լավի իմ քայլերը կամ ձայնը: Վտան-
գաւոր գործ էի սկսում: Թուրք զարաուլը կա-
րող էր ինձ տեսնել և առանց մտածելու հրա-
ցան արձակել: Բայց այս երկիրդես հետաքր-

քրութիւնը յաղթեց և ճշմարիտն ասեմ, ըն-
թերցողը շատ էի կամենում առանց վկաների
մի հայեացք ձգել Զօրայի սիրուն դէմքի վրա,
որ ես երեք տարի չը տեսնելուց յետոյ, էլ
չէի մոռացել:

Երբ ես բողբ նախաղզուշութիւնները տես-
նելուց յետոյ, թոկով ցածրացայ գոմը, այն-
տեղ սաստիկ մութն էր, երբեմն երբեմն կայ-
ծակի փայլումը փոքր լոյս էր գցում: Ես մոմ
վառեցի. անկիւնում պառկած էր Զօրան և
քնած: Եթէ երեսի վրա կարող է մարդու հո-
գին երևալ, նա երևում էր Զօրայի երեսին:
Առաջվայ գեղեցկութիւնը նոյնութեամբ պահ-
պանվել էր: Այդ բոպէին ես այնքան համա-
կում էի խեղճ կնոջը, որ պատրաստ էի ամեն
բան անել նրան ազատելու համար:

— Զօրա, Զօրա, կանչեցի ես կամաց:

Նա բաց արեց աչքերը, երկար նայեց ինձ
ճակատը ճմրելով և յետոյ յանկարծ յիշելով
ինձ ընկաւ ոտքերս և փաթաթվեց:

— Ազատիր ինձ, ասաց նա թուրքերէն,
ղուրբան, ազատիր ինձ... ես քօ զարավաշը կը
լինեմ, կանչեց նա բարձր լաց լինելով:

Բաղդաւորապէս ամպի գոռալը արգելեց պահապանին լսել նրա ձայնը:

— Ամաց խօսիր, տեսնում ես ինչ ճանապարհով եմ եկել, ասացի ես, ցոյց տալով նրան ընկած թօկը:

— Ուրեմն եկել ես ինձ փախցնելու, շուտ գնանք, էգուց էլ որ հարցնեն ես ամեն բան կասեմ:

— Սպասիր. ի՞նչ կասես... դու սպանեցիր...

Նա նայեց ինձ վրա կասկածով, յետոյ գլուխը թափ տուեց և շրթունքները մօտեցնելով ականջին հաղիւ լսելի կերպով արտասանեց:

— Բեղանից չեմ վախենում: Դու իմ հօր դժնադն ես, ես սպանեցի հօրս չօբանին...

— Երևան. ուրեմն այստեղի սպանածդ երկրորդն է:

— Չէ, նա է, հօրս չօբանը: Նա ինձ առաւ հօրիցս: Սկանք Ուստուպի, երկու տարի է այդտեղ էինք բնակվում: Սպասում էի, որ լաւ ժամանակ պատահի և մէկ շաբաթ առաջ նրան խեղդեցի:

— Եւ նոր իմացան:

— Հա: Նոր իմացան, որովհետեւ քարերի

տակն էի պահել ու նոր հանեցի տարա գեցի ջուրը:

— Ի՞նչի էիր պահում, վախենում էիր:

— Չէ, միտդ է Խէչօն, քանաքեռցին... չօբանը իր ծունկը դրեց նրա կուրծքին, ձեռքով հուփ տուեց բողաղին, մի շաբաթ մեր օդայի մօտ եղած քարերի տակը պահեց, յետոյ գցեց Չանդուն: Նս էլ այնպէս արեցի: Չանդուն մեծ էր, կօնակ, տարաւ Խէչօին, Ուստուպի գետը փոքր. չօբանի լէշը գեղումը մնաց... կօնակ, գնանք էստեղից... ես կը փախչեմ... աղաւթի ինձ:

— Ասել ես մէլի՞քին, որ դու ես սպանել:

— Հա: Նրբ լէշը գցեցի ջուրը ես փախայ Ուստուպից, եկայ Յընայ, չը համբերեցի, գնացի մէլիքի մօտ և բոլորը պատմեցի: Նա ինձ բռնեց... գնանք փախչենք... էլ ի՞նչ ես կանգնել:

— Ո՞ր կերթաս, Զօրա, աւելի վատ է, կըրկին կը բռնեն:

— Ի՞նչ անեմ... կօնակ, մեր հացը դու կերել ես, մեր առաստաղի աակը քնել ես, թող, ես փախչեմ, թող թէ մօրդ կաթը կը սիրես, ասում էր Զօրան ընկնելով ոտքերս:

Ինչ լինում է թող լինի, մտածեցի ես և

բարձրացրի Զօրային ձեռքերիս վրա և մօտեցրի թոկին:

Վատուի պէս արագուժեամբ նա բարձրացաւ և դուրս եկաւ կտուրից: Ես նրան հետևեցի և իմ եկած ճանապարհով պատից ցած բերի:

Երբ նա ընկաւ փողոցը, իրան զգաց ազատ, սկսեց իմ ձեռքերը համբուրել...

— Մ'նաս բարով, կոնակ, ասաց նա, թող այլահը պահի նրան ումը սիրում ես...

VI

— Դու իզուր չեկար, ասում էր ինձ մի քանի ժամից յետոյ Նաբրօն, որ իր գործը վերջացրել էր և վերադարձել, շատ հետաքրքիր գործ է:

— Ախ, ասում էր մուխսին, սպանածը մարդ է սպանել:

— Ի՞նչպէս թէ մարդ է սպանել:

— Այնպէս: Մենք գնում էինք մարդասպան կին բռնելու և նրա տեղ հին մարդասպան կալանաւորեցինք, ասաց Նաբրօն:

— Իսկ այս կինը, որ այստեղ կալանաւորած է, սա իր մարդուն չէ սպանել:

— Երազումը, այո, սպանել է: Այդ կալանաւորած կինը գիժ է:

— Զօրան գիժ է:

— Դու անունն էլ զիտես, ուրեմն ձեր բացակայութեան ժամանակ պարտապ չես մնացել:

— Շաբրօ, խնդրում եմ, թողէք հանաքը, մէկ պատմեցէք:

— Այդ կինը քուրդի կին է, իր հօր չօբանի կին: Ամուսնանալուց առաջ աղջկը մէկ քանաքեռցու սիրելիս է լինում: Գործը երևան է պատահում: Նախանձոտ քուրդը խեղդում է քանաքեռցուն և Ձանգուի մէջ զցում: Աղջկը մարդու է գնում քուրդին այն նպատակով, որ նրան նոյնպէս սպանէ, ինչպէս քուրդը քանաքեռցուն է սպանել: Երեք տարի այստեղ ապրելուց յետոյ, քուրդը նկատում է, որ իր կինը անդադար մի փայտ թաղում է քարերի տակ: Վերջապէս իմանում է, որ փայտը աղջկայ երևակայութեան մէջ իրի դիակն է: Մի քանի ժամանակ աղջկան պահում է փակած...

— Վերջը նա փախչում է, պատմում է մելեքին, որ իր մարդուն սպանել է, կտրեցի ես նրա խօսքը:

— Եւ որովհետեւ ես իրաւունք ունէի մտածել, որ աղջկը պէտք է առիթ ունենար, որ ուզում էր իր մարդուն սպանել, քննութիւն

արի և քուրդը խոստովանվեց, որ ինքը քանաքեռացուն...

— Աղա, աղջիկը փախել է, կորեց Շաքրօի խօսքը մի եասաուլ, կտուրից զարտուլի ձիու ջիլաւն է կախ ընկած: Նրա վրա է բարձրացել:

— Ղարաուլին բռնել էք:

— Հա, աղա:

— Աւա, բաս ես կը բռնեմ աղջկան, հեռու չի գնայ:

— Շաքրօ, կանչեցի ես նրան մի կողմ, ոչ ոքի մի մեղադրի: Աղջկան ես փախցրի, ջիլաւն էլ իմ ծառան գողացաւ: Զօրան իմ հին ծանօթն էր, նրա հետ մի բան կարող է պատահել, գտիր նրան....

— Ախ երիտասարտութիւն, երիտասարդութիւն. գիտես ինչպէս դու կարող էիր պատժվել: Ի՞նչ արած, պէտք է ուղղել քո փշացրած գործը:

Երկու ժամից յետոյ ես վերադառնում էի սուն: Զօրան գլխիցս չէր դուրս գալի: Ինձ հարկաւոր էր տաքանալ, հարկաւոր էր զգացմունք... Ժայռի տակից դուրս ընկաւ մի նապաստակ և փախաւ դէպի դաշտ, ես մտրակեցի ձիս և կատաղածի պէս, ոչ մի արգելքի վրա ուշադրութիւն չը դորձնելով վաղեցրի ձիս նապաստակի

ետեից: Յանկարձ ձիս կողմ թռաւ և ես գետնին փռվեցայ:

Զօրան նստած է մէկ խոր ընկած տեղ: Ձիս նրանից էր վախեցել. ես նրան մօտեցայ:

— Զօրա, Զօրա, եկ ինձ հետ փախչենք: Զօրա, կրկնեցի ես, վեր առնելով նրա ձեռքը, ինձ չես ճանաչում:

— Նա նայեց ինձ վրա պղտոր աչքերով և սխեց ծիծաղել:

— Մ'նաս բարով, Զօրա...

Այդ վերջին անգամն էր, որ ես տեսայ Զօրային...



Գինն է 60 կոպ.

25

Հայաստանի Ազգային գրադարան



NL0445913

